

**NATIONAL ASSEMBLY OF
SEYCHELLES**

Tuesday 14th November 2023

The Assembly met at 9.02am

National Anthem

Moment of Reflection

Mr Speaker in the Chair

MR SPEAKER

Bonzour bann Manm Onorab. Bonzour nou zofisyé Lasanble e nou piblik ki swiv nou. Mersi pou zwenn nou ankor enn fwa nou a retourn lo Staz Komite. *Sergeant* i a met nou dan Staz Komite. Madanm Raporter i ava apel delegasyon Minis ek zofisyé.

**DEPARTMENT OF
IMMIGRATION AND CIVIL
STATUS**

MR SPEAKER

Bon, bonzour Minis pou Zafer Entern, Errol Fonseka e egalman bann zofisyé lo kote Departman Finans Mr Jude Commettant *Deputy Comptroller General* e Ms Karen Bedier *Senior Finance Analyst*.

E lo kote Departman Imigrasyon e *Civil Status* Mr Alain Volcere *Principal Secretary*, Madanm Erica

Dufresne Chief Immigration Officer and Madanm Lina Bodombo-James Financial Controller. Byenveni zot tou dan Lasanble. Mersi pou zot partisipasyon davans.

Nou la pou pran Bidze -premye Departman *Immigration and Civil Status* ki lo paz 280 ziska 286 pou en total R47 milyon 401 mil.

E Minis i a fer en prezantasyon lo sa Bidze pou nou komanse.

MINISTER ERROL FONSEKA

Bonzour Mr Speaker. Bonzour *Leader of the Opposition, Leader of Government Business*, tou dimoun dan *Gallery* tou dimoun a lekout. I fer mon en gran plezir pou premyerman prezant Bidze pou Departman *Immigration and Civil Status*.

Departman *Civil Status and Immigration* in ganny *allocated* en Bidze *R47.401 million* pou sa lannen 2024. Ki fer 6.6, 684 milyon *increase* konpare lo sa *Revised Budget 2023*.

Dan sa 6.684 i annan 3.805 milyon ki pou *wages and salaries increases* e 2.879 milyon pou *goods and services*.

Avek sa Mr Speaker, mon a permet bann Onorab demann nou kestryon lo Bidze *Immigration and Civil Status*. Mersi Mr Speaker.

MR SPEAKER

Mersi. Wi. Bon, zis pou fer sir pou le moman mon annan Onorab Roucou, Mondon, Lemiel, Gill, William ek Uranie, Loze e Gabriel. Ler zot lev lanmen pli tar, bann Manm zis fer sir mon pou ganny en pti sinyal avek mwan pou konnen ki mon'n rekonnèt ou. Onorab Woodcock.

Bon nou a komanse Onorab Michel Roucou.

HON MICHEL ROUCOU

Mersi Mr Chair. Bonzour Minis ek ou lekip. Bonzour tou dimoun ki a lekout espesyalman zabitan Mont Fleuri.

Minis, anba ou *current challenge* la ou'n koz zot in mansyonnen se ki i annan sa *IT system* ki zot in mete dan zot *current challenge*, si ou kapab dir nou en pti pe lo la?

E kan ki zot espekte ki sa, sa *challenge* i ganny rezourd li menm li pou ed bann zofisye dan sa travay? Mersi.

MR SPEAKER

Mersi Onorab. Minis, ou repons *please*.

MINISTER ERROL FONSEKA

Mersi Mr Speaker. Mon krwar Onorab, mon pa'n tro gannyen lekel ti a pe koze - kestyon.

MR SPEAKER

Onorab Roucou.

MINISTER ERROL FONSEKA

Onorab Roucou.

MR SPEAKER

Michel Roucou.

MINISTER ERROL FONSEKA

Ok, Onorab. Mersi bokou pou ou kestyon Onorab. *The acquisition of high tech* i an lye ek nou *Biometric Passport Enrollment Station* ki nou le anmenn devan dan lezot pei.

Parey zot konnen ozordi ler nou pe fer *the biometric passport*, dimoun i bezwen vin isi Mahe pou fer zot *enrollment* apre pou zot ganny zot *biometric*.

Nou annan bann *mobile stations* ki servi bann landrwa parey Praslin, La Digue apre menm bann dimoun ki pa kapab vin dan kot *Civil* - kot Imigrasyon pou rezon *medical whatever*, nou al kot zot dan zot lakour.

Me la nou le get nou bann *diaspora* dan bann diferan par *of the world* e nou'n fer provizyon pou komans *Paris*. Rezon nou pe fer sa *Paris* akoz laba i a kout nou en pti pe pli bon marse pou fer, lefe ki sa lakonpanyen ki'n pe servi nou lo nou *biometric* i baze laba.

Aprè nou annan plan pou enn Lonn, aprè diferan landrwa e nou pe travay ek Minister Etranze pou fer sa *Canada obviously Australia* - bann landrwa koumsa.

So, sa premye sa *increase* la i pou *setup* sa bann *stations*. Nou bezwen anmenn dimoun laba fer zot ganny *train, train* sa bann dimoun ki dan sa bann diferan Lanbasad.

E pou sa rezon nou bezwen *a new enrollment station, a new training* e sanmenm sa bann *low minor capital outlay* i vin lo sa *area*.

Osi nou annan ou pou war en *increase of 504 Seychelles Rupees* pou *55 workstation, ok?* Sa *basically* pou ed nou bann sistenm Imigrasyon i, i petet a pepre *16 years old, ok?*

E nou bezwen *revamp* e ler *customer* pe debout devan enn nou bann manrmay ki pe *deal* ek sa bann *customers*, sistenm i en pti pe *slow*. E i kree serten fristrasyon lo tou lede kote lo sa dimoun ki pe espere e osi sa dimoun ki pe servi.

So nou anvi *revamp* tou nou *workstation* *because* i vreman ayo, ayo en pti gin, pou sa kantite letan ki pou ganny servi. Mon pa konnen lo kote *PS* si i annan okenn *area* ki i anvi koz lo la.

MR SPEAKER

Yes, *PS*, ou anvi azoute?

PS ALAIN VOLCERE

Mersi bokou. Mersi Mr Speaker. Bonzour tou Onorab. Zis nou ti le azoute osi tou avek letan nou pe antre dan nimerizasyon, nou annan osi sa lobligasyon pou nou fer sir ki lenformasyon i ganny *stored* dan en fason kredib e apre pou nou kapab servi li *reliably*.

So, i annan sa *net - network area storage* the sistenm ki nou pe *setup* kot Imigrasyon li menm. Sa ou ava war pou en lavalè R250 mil i, i, i en sistenm ki pou kot *headquarters*, akòz an se moman ki nou annan se ki nou pe *store* lo *individual working station*.

Se *backup* i vin par en *USB* ki pa adekwat ditou. So, *the network area storage is the way forward* pou *store* lenformasyon ki kapab ganny servi dan en fason kredib pli tar. Mersi.

MR SPEAKER

Mersi pou sa *PS* ek Minis. Onorab Terence Mondon.

HON TERENCE MONDON

Mersi Mr Speaker. Bonzour Minis avek ou lekip. Mon kestyon i trouve anba *other uses of goods and services*. Zot in fer provizyon pou *maintenance* R2 milyon e ti

napa en provizyon parey pou 2023.

Si ou kapab dir nou kwa ki *entail* sa provizyon R2 milyon? Mersi Mr Chair.

MR SPEAKER

Mersi. Minis, ou a diriz ou delegasyon e endike si ou ki pou reponn oubyen PS. Sa ki pou reponn zis lev lanmen mon a rekonnèt zot. Minis.

MINISTER ERROL FONSEKA

Yes, Mr Speaker. Zis *briefly* Onorab, mersi pou ou kestasyon - sa *maintenance* i the new start of the maintenance now, apre ki nou'n ganny ler nou ti a pe *install* nou ti annan *at least 1 year included in the main cost*.

La nou bezwen fer provizyon *for future maintenance along the way*. E petet *again PS* ouswa *CIO* a donn en pe plis detay lo la.

MR SPEAKER

PS, oule azoute?

PS ALAIN VOLCERE

Mersi Mr Speaker. So zis pou fer rappel petet ki *biometric passport project* ti pou en valer R2.2 milyon *sorry* Dolar, \$2.2 milyon *at that time*. E i annan sa *poursantaz* la ki nou bezwen met dekote pou, pou fer sa *maintenance and support*.

Initially, dan sa kontra *initially, the iron group* sa *supplier* zis of sa sistenm ti pe *provide* preski son *management* lenstalasyon *software* avek *hardware*. Ti pe donn nou *training* osi. E ensi ki sa prodiksyon 200 mil *passport booklets* dan tou le 3 kategori.

So, sa 2. - sa 2 milyon i pou sa *maintenance contract over the year* ki pe vini 2024. Mersi.

MR SPEAKER

Thank you. Onorab Sylvanne Lemiel.

HON SYLVANNE LEMIEL

Mersi Mr Chair. Bonzour Minis, avek ou delegasyon, e tou dimoun a lekout. Dan zot *strategic priorities*, zot in fer resorti bokou keksoz ki zot anvi fer e ki zot anvi akonpli pandan lannen 2024 ki pe vini.

E mon ti a kontan petet Minis oubyen PS, atraver sa Bidze 2024, egzaktaman ki mannyer sa pou ed zot pou zot *achieve* sa bann priyorite ki zot in mete. Sirtou lekel bann priyorite ki zot pe mete pou 2024 pou zot kapab *achieve*?

E dezyenmman Mr Chair, i annan en *issue* koud *uniform* kot Imigrasyon. Tou le lannen zot, zot *provide uniform*, me i paret ki i annan

konplent e *issue with regards* to sa ki pe koud sa *uniform*.

Eski zot kot Imigrasyon i larzan *taxpayers money* ki zot pe pey sa bann dimoun avek. Eski i annan kek swivi oubyen kek *follow up* ki zot fer letan *staff* i anmenn serten konplent devan, *with regards to* koud *uniform*; sa ki pe koud sa *uniform* e kalite *product* ki zot pe gannyen *from* sa bann dimoun ki pe koud sa *uniform*? Mersi Mr Speaker.

MR SPEAKER

Mersi Onorab. Minis oubyen PS.

MINISTER ERROL FONSEKA

Mersi Onorab pou kestyon. Mon a reponn enn de premye kestyon, apre mon a les zafer koud avek CIO. *Regarding the biometric border control project*, nou le, nou le osi *broaden* sa lo nou *ports* ki en pti pe *flimsy* nou kontrol ozordi.

So nou, nou le - en keksoz ki mon oule pran sa lokazyon pou eksplik nou *biometric* - nou *biometric clearance* ki nou fer ler nou *clear* dimoun. I nou le sey fer en sityasyon ki *everything is done upstream*.

Ki ler sa dimoun i ariv dan ou pei, keksoz i ganny *facilitated, cleared* sa bann ki nou pa bezwen demann kestyon - i bouz vit. Sa i pe arive ozordi e nou pe debark

en avyon 200 *plus travellers within 20-25 minutes*. So *there's a lot of advantage*. Sa *biometric corridor, corridor sort of checks* ki nou fer lo nou *border control*, i en keksoz ki plizyer lot, lezot pei i aprezan ki zot pe al ladan.

E zis pou donn zot en, en pti pe *background* Mr Speaker, mon pe petet al en pti pe tro lwen. *But border control* menm lo Lafrik zot pe rod sa aköz ler *from* en pei pou en lot zot ariv *border* zot pe *spend* apepre 1 semenn ek sa bann *container trucks*, ki pe kout larzan kout *biznes and all that*.

So si zot kapab *clear* sa bann *containers*, sa bann dimoun zot *passport upstream*, ler zot vini zot annan zis pou zot fini war sa bann *seals* tou bann zafer ganny tyeke, so, i *move* keksoz.

So, *this is the way forward* e nou bezwen amenn sa lo nou *ports* osi. *This is one of nou priority, that we will do that*. Apre *the other strategic carrier is to really parey* zot konnen nou'n *migrate on SEBS*, me nou le fer sir ki kot erport ler dimoun i debarke, tou bann dimoun ki travay ek sa bann *visitors* ki pe vin isi, i pe ganny fer.

I pe ganny *met by an Immigration Officer at the first point and no other agency*. Mon a pas en pti kou avek CIO,

pou koz en pti gin lo sa bann lezot keston ki ou'n - ouswa pou azout lo la.

MR SPEAKER

Mersi Minis.

MINISTER ERROL FONSEKA

Thank you.

MR SPEAKER

Yes, Madanm Dufresne pou pran laparol. PS avan, wi?

PS ALAIN VOLCERE

Mersi Mr Chairman. Petet zis pou azout en pti gin ankor lo sa bann *strategic priorities*, nou ava war ki dir dapre sa *text* la i etale lo en peryod 3an 24 ziska 26, 2024 ziska 2026.

Donk, zis pou *come back* lo sa transformasyon ki'n arive pou nou kot Imigrasyon *manage the SEBS platform*, sa i ti en desizyon ki ti ganny enspire par *United Nations resolutions to be specific i 21782396* avek 2482.

Ensi ki *International Civil Aviation Organizations Standards*, so nou bezwen *going forward* etabli sa ki nou apel *the electronic travel system* ki deza an mars nou vizit *the Management Platform*.

Sa ki ozordi tou dimoun i konn li koman *electronic travel authorization*, plus sa ki nou apel *Advanced Passenger Information Systems*.

So, sa i *the way forward* akoz parey nou'n deza fer resorti, sa mezir ti ganny motive par *United Nations*, akoz *there was a need to fight* sa ki nou apel terorizm - pli spesifikman *foreign terrorism fighters* ki pe vwayaze, apre bann kriminel enternasyonal *transnational organized crime*.

So, i enportan *going forward* pou nou pa *clear* dimoun letan zot in ariv lo teritwar. Si i neser pou fer pou anpes dimoun bord avyon dimoun de kot zot ete, en? Nou servi *Advanced Passenger Information for that*.

E son lot gro benefis ler ou fer sa se ki bann *bona fide travelers* zot, zot kapab zis *clear* fasilman - en *expeditious clearance* akoz zot, zot *genuine*. E nou, nou pou'n deza konnen atraver lenformasyon ki nou'n anmase lo avek sa ki *airlines in provide*; sa 2 ou 3 pasaze par vol ki enteres nou, oubyen ki nou'n bezwen kit ater akoz zot en bann en bann malfeter. *Ok?*

So, i apepre sa ki nou pe bouz *forward*. Zot ava konpran ki poudir sa i pa en louvraz zis Imigrasyon tousel me lezot *border control agents*, notably *Customs* e apre *law enforcement* ki travay *jointly* pou fer sa keksoz arive.

Obviously nou partaz lenformasyon osi lo en nivo

enternasyonal pou sa. Mersi Mr Chairman.

MR SPEAKER

Mersi. Wi, nou aprezan pas Madanm Dufresne laparol?

CHIEF IMMIGRATION OFFICER ERICA DUFRESNE

Mersi Mr Speaker. Bonzour tou Onorab. Mersi Onorab pou ou kestyon. Onorab, wi, parey ou konnen tou le-z-an Imigrasyon nou fer *tender* pou liniform.

Parske tou le-z-an *staff* Imigrasyon i bezwen ganny 3 set *uniform*. Me malerezman sa lannen, nou'n fer nou'n komans nou *tender process* byen boner sa lannen.

Sa *supplier* ki ti ganny swazir, i en *supplier* ki ti'n deza travay avek nou, so i ti gannyen lo repitasyon lo son *bid* premyerman ki ti ase rezonnab, apre son repitasyon. akoz in deza travay avek nou e i ti delivre byen.

Me malerezman pou sa lannen, in ganny en pe kontrent; premyerman kontrent travayer, akoz sa *supplier* i servi travayer etranze koman pou koud liniform.

In ganny en pe kontrent lo la, apre li menm li aparaman sa *supplier* in tonm malad, i ti annan menm en manm son fanmir ki ti'n ganny

ospitalize in met bokou retar dan nou liniform.

E kwa ki nou'n fer, be nou'n tenir son larzan, akoz nou'n koz ek li. Nou'n menm donn li nou'n menm *advise* li pou rod lasistans avek en lot *supplier* - en *seamstress* pou ed li pou kapab delivre *according* son kontra, akoz nou annan en kontra avek li nou.

E finalman wi, in rod lasistans avek en, ek en, ek en lot *seamstress* pou ed li, ki i a pe koud - i pe donn li lanmen pou koud liniform.

Me selman nou'n *release* larzan, zis pou pey sa lot *seamstress* ki pe ed li. Nou pa pe *release* son larzan, akoz nou'n donn li en dele letan ki i sipoze rann nou tou nou liniform.

Nou pe priyoritiz lo koud lekel liniform ki pou premye e nou pe e nou'n target bann *staff* ki pli lo *front line* ou kapab dir. *Staff* erport i priyorite e bann *staff customer service*. Nou pe *ensure* poudir dernyen i koud bann liniform pou bann *staff back office*.

E nou pe ensiste, poudir i rann nou tou liniform - i sipoze fini koud liniform avan finisyon Novanm. Mersi Mr Speaker.

MR SPEAKER

Mersi Madanm Dufresne. E bon, mon pe re *remind* bann

Manm, klarifikasyon i bezwen vitman sansan i... Onorab Lemiel.

HON SYLVANNE LEMIEL

Mr Chair, mersi. Klarifikasyon i se ki Minis wi ek *PS* zot in eksplik an gro lo kote *border control*. Me selman mon ti a kontan Imigrasyon i dir nou lekel son keksoz priyorite atraver sa Bidze? *Border control* wi i, i pe kontinyen li. Me dan sa ki zot in mete la ki pli priyorite pou zot?

I annan landrwa zot in mete zot le '*increase workforce*' pou zot donn en pli bon servis. Lekel sa priyorite limero 1 ki zot le fer, pou amelyor zot servis ki zot pe donner? Mersi.

MR SPEAKER

Minis oubyen *PS*?

MINISTER ERROL FONSEKA

Yeah, mon ti a kontan reponn sa *because pertinent question* Onorab. Dan en mo "*service delivery*" – "*personalized service*" sa nou bezwen vreman travay for lo sa *customer service* kot tou dimoun, tou dimoun i ganny sa bon servis.

E parfwa i pa bann gro keksoz sa, i zis sa pti zafer ki ou fer ler dimoun i vin debout devan ou pou servi li, ki *really matter*.

So, sa *personalized service* i en keksoz ki nou pe vreman nou kapab met tou nou bann *workstation*, tou nou bann *lovely gadget*, si nou pa fer sa ou pa pe donn sa servis *this is a big failure*. So nou pe travay lo la. Mersi Mr Speaker.

MR SPEAKER

Mersi Minis. Mon a pran kestyon Onorab Gill.

HON CHURCHILL GILL

Mersi Mr Chair. Bonzour Minis avek ou delegasyon. Mon premye kestyon; eski dan sa Bidze i annan ase alokasyon pou seksyon ki *deal* avek bann - ki *monitor* bann dimoun ki zot *GOP* in fini, me selman pou en rezon ou en lot zot ankor dan pei?

E eski in annan en amelyorasyon dan lakantite dimoun bann *GOP* ki'n *expire* ki ankor dan pei?

Mon dezyenm kestyon se dan *border control surveillance and processing*, i annan en *other allowances* pou R7.2 milyon me anba *wages and salaries*.

Me selman nou konnen poudir a en moman dan lannen, ti annan en amelyorasyon an term tou *allowance* ti *mix* avek ou saler. E la nou war en sonm 7 milyon, alor nou ti a kontan ganny en leksplikasyon ki

kalite *allowance* sa enn ki *standalone* 7milyon, R7.2 milyon? Mersi.

MR SPEAKER

Thank you. Minis?

MINISTER ERROL FONSEKA

*Yeah, Mr Speaker. Mersi Onorab Gill. Mon a reponn sa premye kestyon lo *efficiency* pou *monitor expired GOPs and all that*. Sa i vreman nou *efficiency* pou ariv ler nou pe *re configure* nou *Immigration system*, ki anba *DICT*, ki'n egziste en kantite letan.*

*E sa sistenm mannyer i marse i donn ou - i rikord bann aksyon ki ou'n fer. Ki en keksoz ki i pa fer i pa tro *flag*. Pou ou *flag* ou bezwen *manupilate the system*, tyek sa lenformasyon met lo en *excel*, redemann li serten kestyon.*

*E i - si ou pa pe fer li toulezour *you not efficient as you should be*. So, la nou pe travay ek *DICT* pou ganny sa bann *flags* pli byen. Me an tou leka, bann *process* zis pou *general information*, bann *processes* parey si nou ganny en *over the expired GOP* par egzanp.*

*Nou ganny *expired GOP* toultan, *because* nou pe *process 150 average GOP per day*. So ler en dimoun in mete, si i dan sa *process* i pe *run out*, nou pou ganny li koman *expired*.*

*Nou pe *deal* avek *something* parey 500 *customers daily* - *the customer service*. So ,lo tou sa soz *the system* ki nou annan ozordi - i ti en vye sistenm e nou, nou, nou pe sey *reconfigure* li pou fer li pli efikas apre ki i a kapab donn nou sa bann *flags* ki enportan.*

*Nou pa bezwen bokou dimoun pou ganny sa. *The system itself* pa bokou dimoun ki bezwen ganny sa. *The system* li menm li *should be popping up straight away*.*

*Lefe ki nou, nou bezwen al *manipulate* li la sa ki pe fer en pti pe difikilte pou sa bann dimoun. So nou pa bezwen plis dimoun, nou bezwen fer nou sistenm vin pli *efficient*.*

*Mon a pas sa lot kestyon avek *CIO* silvouple.*

MR SPEAKER

Thank you. Madanm Dufresne?

CHIEF IMMIGRATION OFFICER ERICA DUFRESNE

*Mersi Mr Speaker. Mersi Onorab pou ou kestyon. Onorab ou a trouve poudir sa *allowance other allowances* i dan *program 3* ki *border control*.*

*E sa i *cater* pou bann *allowance* ki manrmay *staff* erport i gannyen, an vi ki zot travay *shift*. Savedir zot ganny zot *meal allowance*, zot*

rotating shift allowance; tousala i tonm dan sa code. Mersi Onorab.

MR SPEAKER

Mersi. Onorab William.

HON WAVEN WILLIAM

Mersi Mr Speaker. Bonzour Minis avek ou delegasyon. Mr Chairman, mon ti a kontan demann avek Minis, vizavi liniform eski bann travayer Imigrasyon lo erport zot in ganny demande pou pey liniform?

E akoz i annan lenformasyon ki pe dir ki zot pe ganny demande pou pey liniform. Akoz ou'n dir taler poudir zot ganny donnen 3 set liniform.

Me eski i annan travayer Imigrasyon ki pou ganny demande pou peye dan zot pos? E mon dezyenm kestyon Mr Speaker anba *P* anba latab 4 '*approved new spending*' Minis, si ou ti kapab eksplik nou en pti pe sa bann stasyon aletranze enkli *Canada, Australie* pou *biometric passport*.

Si ou ti kapab donn nou en pti pe leksplikasyon pou piblik kapab konpran, an menm tan nou menm nou bann depans pe ganny fer?

An menm tan mon war i annan 8 asistan ki pe ganny *recruit*, mon anvi demann avek zot eski zot in met an mars *the*

RBM Committee pou bann evalyasyon vizavi bann travayer? Mersi.

MR SPEAKER

Mersi Onorab. Minis oubyen *PS*?

MINISTER ERROL FONSEKA

Mersi Mr Speaker. Mon a pas sa ek *CIO* pou reponn premye kestyon.

MR SPEAKER

CIO? Wi, Madanm Dufresne?

CHIEF IMMIGRATION OFFICER ERICA DUFRESNE

Mersi Mr Speaker. Mersi Onorab pou ou kestyon. Onorab, tou *staff* Imigrasyon i ganny liniform *free of charge*. Parkont, si en *staff* li i decide koud son prop liniform, servi son rod son prop *seamstress* pou koud son prop liniform, la i pou byensir bezwen pey dan son pos.

Akoz li ki'n decide al rod koud son prop liniform an deor sa ki nou Departman Imigrasyon nou pe donn li. I annan serten lenstans ki *staff* anvi ki nou donn zis 3 set liniform, i annan *staff* ki decide li koud plis liniform.

I decide koud 5 liniform par egzanp, be *then* sa 2 adisyonnèl li i pou bezwen pey dan son pos. Mersi Mr Speaker.

MR SPEAKER

Next point lo overseas station pou paspor.

PS ALAIN VOLCERE

Mersi Mr Chairman. Mersi Onorab, pou sa demann pou leklersisman. Donk, sa bann *overseas station* parey in ganny fer resorti oparavan, i en zefor ant Imigrasyon avek Departman Etranzer.

E bann stasyon ki'n ganny swazir i par rapor a petet 3 keksoz sa *size diaspora* avek bann popilasyon etidyan aletranze, byensir *accessibility* sa bann lokasyon.

E resours ki nou annan dan sa bann *consular missions* dan sa 5 pei, pou kapab fer sa, fer sa *enrollment*. Donk, sa sitwayen oubyen sa etidyan ki merit fer se, i al fer son *enrollment* dan enn dan sa 3 landrwa.

Prezan letan *enrollment* in fini, lenformasyon lo *biometric* in fini ganny *captured*, sa i ganny transmet isi kot *headquarters* Imigrasyon par vwa elektronik, pou nou fer sa paspor, pou konplet prodiksyon sa paspor.

Ler sa in fini sa paspor i prezan ganny ranvoye kot sa kliyan par *courier service*. Nou ankor pe deside ek *Foreign Affairs* si sa letan nou retourn sa paspor *initially* pou al kot sa

consular mission, oubyen i al direk kot sa kliyan.

Mon mazinek kekfw sa i eksplik en pti pe plis pou benefis bann piblik. Mersi.

MR SPEAKER

Thank you PS. Onorab Uranie.

HON ROCKY URANIE

Mersi Mr Speaker. Bonzour Minis ek ou delegasyon, tou koleg Onorab, byensir tou zabitan zil pros ki a lekout. Mwan, mon ti a kontan *PS* i dir mon ki minimonm e maksimonm letan pou en Digwa i ganny son paspor, an relasyon avek en dimoun ki Mahe. Akoz bokou i konplent ki pou zot i tard - i pran tro bokou letan. e ki annan dan sa Bidze la pou ede fer ki sa i mars pli vit?

Aprè dan ou *current challenges* ou annan *absence of an IT system* e ler mon pe get en *lift* dan biro Prezidan i kout 1 milyon. E ou mon'n war ou'n ganny 750 mil pou, pou *IT equipment*.

Eski ou krwar poudir sa larzan i pou ed ou kapab fer sa ki ou'n mete pou ede avek ou *current challenges*? Mersi.

MR SPEAKER

Mersi Onorab. Minis?

MINISTER ERROL FONSEKA

Mersi Mr Speaker. Mersi Onorab pou keston. Mon a

reponn sa dernyen kestyon ki ou'n demande, apre mon a les PS koz lo La Digue en pti kou.

Sa ki ou pe gete *the IT system which can deliver accurate reliable timely information*, i egzakteman sa ki mon ti pe koz pli boner ek Onorab Lemiel *about*.

I sistenm ki kapab otomatikman *flag ou of certain warnings, as opposed to* en sistenm ki la ou bezwen *manipulate* li transfer serten *data* dan *excel* demann serten lenformasyon.

This - sanmenm sa ki, ki nou pe travay lo la. Sa bann *IT expenses* ki ou'n war la, i pou fer ek nou *biometric* parey PS in eksplike. So, i pa, i pa li menm li. Mon *hope* mon'n reponn ou kestyon *and* mon a pas ek PS pou koz lo *the issue on* La Digue.

MR SPEAKER

PS.

PS ALAIN VOLCERE

Mersi Mr Chairman. Onorab petet senpleman, normalman paspor 72 erdtan i kapab ganny delivre apre ki *enrollment* in fini fer. Dan ka La Digue, nou annan sa eleman *co-mail* en, pou li monte.

So letan nou'n fini ganny lenformasyon biometrik, apre pou son retour letan nou, paspor in fini fer, nou annan

serten difikilte be selman nou pe travay lo la. *We will improve delivery time* lo la. Mersi.

MR SPEAKER

Mersi. Onorab Loze.

HON JOHAN LOZE

Mersi Mr Speaker. Mr Speaker, mon annan zis 3 kestyon. Minis resaman dan *Miscellaneous (Amendments) Bill* en lamannman in ganny pase an relasyon avek *ID cards*, pou Seselwa ki reste aletranze.

Eski i annan okenn sonm ki'n ganny bidzete pou donn lavi lentansyon sa Lezisasyon ki nou'n pase dan Bidze 2024? E si wi, eski sa zot pe *link* li ansanm avek sa bann stasyon pou *biometric passport* ki'n fek ganny koz lo la pli boner?

Mon dezyenm kestyon Mr Speaker, i annan bokou konplent lo retar pou biznes ganny zot *GOP*, e Minis boner mon'n tann ou, ou'n sit zot difikilte ki zot pe *process* akout 150 *GOP* par zour.

E alors la eski zot in fer okenn lenvestisman atraver Bidze pou sey ede rezourd sa *tardiness*, ki biznes i santi i annan anver servis *GOP*?

Mon dernyen kestyon Mr Speaker. Minis, apard *Nigerians*, la ankor i en konsern pou biznes - eski i annan okenn *ban* ou

restriksyon lo bann dimoun sorti dan pei was Lafrik, ki oule vin travay Sesel? Mersi Mr Speaker.

MR SPEAKER

Mersi. Wi, bann Manm normalman reste lo 2 kestyon, me si bann kestyon i vit nou kapab *deal* avek. Minis.

MINISTER ERROL FONSEKA

Yeah, mersi Mr Speaker. Mersi Onorab, pou kestyon. *Right* ou 3 kestyon. *ID card, yeah the* - sa Lalwa in sorti pou nou *issue ID card for Seychelles visitors*, ki pa bezwen reste 3 mwan. Sa nou pa bezwen, nou pa bezwen plis dimoun, nou bezwen plis prosedir pou met an plas zis *allow*.

So, sa nou pe *cope without any extra budget* lo la. E i pa en *Budget* ki pou fer sa louveraz marse. *So, it's going well* e i ti en *restriction* nou'n tir sa *restriction*, so louveraz i vin parey - napa en problem lo la.

Lo kestyon *speed of GOP - very important area* ki toultan nou bezwen rod fason. *One of the areas* ki arive ki tarde i ler, ler dimoun in ganny son *employment acceptance through Ministry of Employment* pou son GOP, i vin kot *Immigration*.

Immigration then si i annan serten *qualifications*,

one of the biggest delays is to get qualifications though SQA, because tan ki sa. E nou bezwen really -

In fact, en konversasyon nou pe annan la ki sa bann *qualifications* ki *required perhaps* nou bezwen konmans rod bann prosedir, ki i kapab ganny *pre-determined* avan sa prosesis i komans met an plas.

So *basically*, on *application time, the qualification and all that* i ganny *worked out before*. Akoz sa i vin en gran *delay and it's frustrating* pou tou dimoun.

Apré *really the delay is in the volume; renewals* bann *Contractors*. Zot pe met *over 100 GOP's requirement*. Par ler zot pa bezwen tou *at the same time*. Akoz ler zot pe fer en proze zot pou demann ou sa ki zot bezwen, be selman zot pa pou bezwen tou. *So, they do it by stages*.

Me *when they need it they need it fast, because it costs them*. Si zot planifye en devlopman, zot in komans fer bann landrwa kot zot dir be la zot bezwen en lot kalite mannev, ou pa le sa letan tarde. *And, and this is where the timing and all that is crucial*. *So it's a ongoing issue* pou donn sa *service forward*.

Ou trwazyenm kestyon *Nigerians and West Africans, we look at profile with different*

- yer zot ti a pe koz ek *Intelligence* lo lezot areas.

Nou *profile* dimoun nou travay ek lezot lenstitisyon dan larezyon ki ed nou lo la - *As opposed to* vreman met en group dimoun akoz i sorti dan en pei koman en target. Non.

We need to profile. We need to pinpoint - it's got to be targeted. Mersi Mr Speaker.

MR SPEAKER

Mersi.

HON JOHAN LOZE

(Off-Mic)

MR SPEAKER

Onorab Loze, mon'n permet ou 3 kestyon pa monopoliz letan, pa monopoliz letan. Ki klarifikasyon?

HON JOHAN LOZE

Mersi Mr Speaker. Mr Speaker, mon le zis konfirm avek Minis ki ou pa bezwen okenn *budgetary support* pou ed ou *process* GOPs. Rezon mon pe demann ou sa, akoz mon deza okouran sa size SQA.

So nou ava *follow it up* avek Minister Ledikasyon, ler i vini *if that is what you're confirming.* Mersi Mr Speaker.

MR SPEAKER

Bon mersi. Nou a *move* lo lezot kestyon.

HON WAVEN WILLIAM

Point of order Mr Speaker.

MR SPEAKER

Onorab Gabriel.

HON WAVEN WILLIAM

Mr Speaker, mon oule lev en *point of order.*

MR SPEAKER

Wi.

HON WAVEN WILLIAM

Akoz ki arive se ki Mr Speaker mon'n demann Minis 3 kestyon bomaten.

MR SPEAKER

Wi.

HON WAVEN WILLIAM

Mon'n lev mon lanmen pou fer ou konnen poudir i pa'n reponn enn mon kestyon.

MR SPEAKER

Wi.

HON WAVEN WILLIAM

E prezan ou pe donn klarifikasyon lot kote ki i pa normal.

MR SPEAKER

Onorab, Onorab mon'n war ou, mon'n war ou lanmen apre ki mon ti fini pas lot kestyon, mon'n not ou non pou nou revini pou ou, ou kestyon ler nou ganny letan.

Mersi. Onorab Gabriel ou kestyon.

HON CONRAD GABRIEL

Mersi Mr Speaker. Bonzour *panel*. Bonzour tou dimoun a lekout espesyalman zabitan Pointe Larue. Minis, dan *new spending - approved new spending initiatives* ou annan ou 3 stasyon ki ou'n koz lo la dabor *Canada, Australie, UAE*.

Kot ou pe met lekipman pou lavalè 299 mil - *almost 1milyon par, par stasyon*. Ki mon ti a kontan konnen Minis, petet sa 1 *Paris* wi 100 mil *yeah, Paris, London* konbyen zot pe demande pou le moman?

E eski pou annan en biro Imigrasyon dan sa pei kot zot pe met lekipman pou fer sa *biometric passport*?

And then ki mannyer zot pou anmas sa *passport fees* silvouple? Mersi.

MR SPEAKER

Mersi.

MINISTER ERROL FONSEKA

Mersi Mr Speaker. Mersi Onorab. Mon a pas avek *PS* pou reponn sa. Mersi.

PS ALAIN VOLCERE

Mersi Mr Speaker. Mersi Onorab. So, i napa en biro Imigrasyon dan sa bann landrwa. So, *what we have a consular mission* ouswa sa

Lanbasad, kot sa letan nou koz avek Departman *Foreign Affairs*, zot pou kapab idantifye en dimoun pou fer sa *training*.

Se sa lo komansman mon ti'n dir poudir i annan sa 3 faktè, i annan sa 3 faktè ki nou'n ki ou'n servi pou koman kriter. Donk, sa bann landrwa pou annan dimoun ki pou ganny idantifye - dimoun ki ganny idantifye pou kapab *undergo training* e sa *training* pou ganny *provided by the IOM group*.

E wi, wi, wi - so *IOM group* pou fer pou *supervise installation of* sa lekipman, apre peyman li menm pou ganny fer par *bank transfer*. Mersi.

MR SPEAKER

Mersi *PS*. Yes, Onorab Gabriel.

HON CONRAD GABRIEL

Mr Speaker, *sorry* i pa kler ditou pa pe ganny en konpran. Nou sipoze annan latransparans. Imigrasyon i sipoze annan.

MR SPEAKER

Wi, ale. Mon pa-

HON CONRAD GABRIEL

Nou pe koz lo paspor Mr Speaker.

MR SPEAKER

Hold on. Mon pa konpran ki sa ki kler. Minis, ou'n lev lanmen, eski oule azout keksoz?

MINISTER ERROL FONSEKA

Yes, Mr Speaker. Mr Speaker, *enrollment; enrollment* kot pou ganny fer a diferan landrwa ou bezwen *train* en *staff* pou fer sa. *This is enrollment.*

Issuance of passport is a different thing. Issuance is always at Immigration over here. So, what are you getting excited about?

MR SPEAKER

Mersi.

MINISTER ERROL FONSEKA

So *basically*, sa bann sityasyon kot ler okenn landrwa kot nou *enroll*, *this is what they'll do*. Parey nou pe fer La Digue; parey nou pe fer partou parey nou pe fer.

The issuance is done in Immigration here and we will still send it by courier either directly - sorry direktman kot sa kliyan ouswa kot en Lanbasad. Thank you very much Mr Speaker.

MR SPEAKER

Mersi. Onorab Woodcock?

HON WAVEL WOODCOCK

Mersi Mr Speaker. Bonzour, bonzour Minis avek ou lekip. Mr Speaker, selman en keksoz

mon konnen Gouvernman pa pou fer, nou pa pou vann nou paspor avek okenn nasyonalite, ki pa'n zanmen reste Sesel.

Mon lot mon kestyon i baze lo program 3 *border control surveillance and processing - the Revised Budget* ti annan en sonm R19.936 milyon an 2023 ki i pou ogmante pou vin R21.970 milyon an 2024.

Annefe, tou program son Bidze in ogmante pou program antye in ogmante sorti R40.7 milyon pou vin R47.4 milyon. Mon ti a kontan ki Minis i donn nou en leksplikasyon, aköz sa bann logmantasyon lo tou le 3 program?

E mon dezyenm kestyon i kot i konsern *current challenges*. Onorab Loze in tous en pti pe lo la. Anba *current challenges* i dir dan dezyenm," *the vulnerability that arise from the Seychelles being a visa free jurisdiction, which makes the country an attractive location and transit point to persons with criminal intent.*"

Mon krwar i annan plizyer pei dan lemond ozordi dan sa pratik kot bann pei, kot zot pe ganny bann nasyonalite ki poz en *threat* ki pe vin fer bann kriminalite dan pei, zot fer ki sa pei i bezwen *apply* pou en *visa* pou antre dan zot pei.

E mwan, mon pe demande si petet en konsiderasyon ki nou Gouvernman pa pou bezwen pran *going forward*; sirtou avek bann pei ki nou pe ganny sa bann nasyonalite pe vin Sesel pe fer sa bann aksyon kriminal, bann aksyon ilegal ki ou kapab dir i en *threat* pou nou pei?

Finalman Mr Speaker, sa mon bezwen fer sorti *consistency* lo paspor pou bann zabitan Praslin, e biro Imigrasyon ki bezwen en pti pe plis *staff*. Mersi.

MR SPEAKER

Bon ou dernyen pwen i en komanter. Nou a permete. Nou annan 2 kestyon la. Minis.

MINISTER ERROL FONSEKA

Mersi Mr Speaker. Mersi Onorab pou bann kestyon. Mon a pas ek *PS* pou reponn sa premye kestyon.

PS ALAIN VOLCERE

Bon, mersi Mr Speaker. Mersi Onorab pou ou kestyon. So sa premye kestyon ki annan sa logmantasyon 9960 i pou en *Civil Status Officer* ki nou pe anploye *full time* lo La Digue.

Nou ti'n fer sa - nou ti'n met sa dan plan, aköz nou krwar poudir La Digue ti kapab i devret pe kapab *operate on par* avek Praslin.

Akoz *as we go forward*, i toutafe normal zot annan en popilasyon laba e nou devret kapab donn *Immigration and Civil Status Services*. Mersi.

MINISTER ERROL FONSEKA

Mr Speaker, mon krwar Onorab mon pa konnen si en kestyon, ler i ti a pe demann lo zafer *visa*. Non, mon krwar pou lenstan Onorab mannyer nou pe travay i sifizan. Nou pa neseserman bezwen al tou sa nivo, baze lo nou, nou annan sa posibilite *PI*.

E menm si en dimoun i pas *through the net*, ler i ariv isi nou war serten keksoz nou pa pou les li vin lo *landside*. I pou reste lo *airside*, nou *PI center*, apre i pou ale e nou pe fer sa i pe mars ase byen. Mersi Mr Speaker.

MR SPEAKER

Byen mersi. Onorab Cosgrow.

HON WALLACE COSGROW

Mersi Mr Speaker. Bonzour Mr Chairman, *sorry*. Bonzour Minis avek ou tim. Bonzour tou Manm e tou Manm piblik ki pe ekout nou. Mr Chairman, mon pou - mon anvi rebran lo 2 *issues* ki pou mwan i en konsern e sa i konsern *border control* avek paspor, en?

Premyerman nou'n koz lo *issuing of passport* pou bann dimoun ki viv aletranze. Mon

anvi ganny serten spesifikasyon an term, ki egzakteman Departman Imigrasyon pe fer? Eski sa bann legzersis ki zot pe fer dan bann diferan lavil *Paris*, Lonn e petet *Canada* osi, i pou senpleman *renewal of passport or* eski pou annan nouvo paspor ki pou ganny donnen?

Akoz parey nou'n ganny dir paspor i bezwen ganny *issue* dan kapital isi *Victoria*. E i annan en pake travay ki al par deryer *issuing of* en paspor.

E ki garanti zot pe donn nou ki si an ka zot deside *issue* nouvo paspor, ki nou pa pou ganny serten dimoun ki pa neserman merit en paspor Seselwa e ki pe pas *through the cracks*.

Akoz isi Imigrasyon, nou annan bann dimoun ki konpran sa travay. Me ler ou pe met sa travay dan en Lanbasad, ki lasirans zot pe donn nou ki napa okenn dimoun ki pa merite ganny en paspor Seselwa pa pou pas *through the cracks* e ganny en paspor Seselwa? Sa i limero 1.

Mon dezyenm kestyon Mr Speaker, i an relasyon avek *SEBS*, en? Mwan pou mwan *SEBS* i zis en pti non ki nou'n rebatiz *Travizory*, en? E Seselwa i konn tou sa bann kontroversi, kontrovers ki'n

ganny *highlight* atraver *Travizory*.

Sesel pa pe anmas larzan avek *Travizory*, bann kontra ki nou pa neserman konnen kler ki pe pase ladan.

E Mr Speaker, mon pou demann Minis ouswa *PS*, i ava donn nou en leksplikasyon. Ti annan en demars pou Sesel annan en sistenm ki apel *iBorders* avek *SITA*, en? Sistenm *SITA iBorders*.

E la mon pou site; i annan apepre 70 *plus* pei, enkli tou bann pei *G20, G20s* ki pe servi *SITA* e i annan apepre 660 *plus airlines* ki pe servi sa sistenm *iBorders* prodwir par *SITA*.

E zot pe *process* apepre 2 bilyon *travelers* tou le lannen. *Now* mwan pou mwan sa i en sistenm kredib, i en sistenm ki, ki'n pas dan *test* e ki pe ganny servi enternasyonalman.

Nou konnen resaman ki nou annan en bann alegasyon, ki dimoun ki sorti Lafrik, i annan serten *profiling* ki pe ganny fer e ki mon pa konnen si sa sistenm *SEBS* pe neserman kapab *cater* pou sa.

So eski i annan - eski sa sistenm *SEBS* i la pou reste, *or* eski i annan en demars pou nou antre lo sistenm *SITA iBorders* ki en sistenm bokou, bokou pli *reliable* e bokou pli *trusted worldwide* par bann

airlines e par bann Gouvernman? Mersi bokou.

MR SPEAKER

Mersi. Minis? *PS?* Minis, ou a adrese?

MINISTER ERROL FONSEKA

Mersi Mr Speaker. Mersi Onorab. Premyerman, ou bezwen eklersi mannyer ou panse diferans ant *citizenship, issuance of passport*. Ou pa kapab ganny *issuance of passport* si ou napa *citizenship*.

Si ou annan en vye paspor, savedir ou annan *citizenship you can renew it. It is as simple as that. Citizenship* i reste dan nou pei Sesel, ki nou annan dapre Konstitisyon bann regilasyon pou bann dimoun *register, naturalized* pou ganny *citizenship*.

Sa i Lalwa sa nou bezwen swiv sa ou pa kapab komans ganny paspor avan. Ou pa kapab vann paspor apre donn *citizenship*. Ou pa kapab fer sa! Si sa in arive avan sa en lot zafer. Nou, nou pe fer keksoz prop.

So, sa bann stasyon ki nou pou annan sa bann pei pou fer *enrollment* parey mon'n eksplike. Pou *enroll* zis dimoun ki *already citizens of Seychelles*. Zot pa kapab *enroll* okenn dimoun si i pa *citizen*.

E tou nou sistenm i baze lo annan nou *ID number in the end PDS* isi. E sa i komans labrans pou ou paspor e ou pa kapab ganny sa si ou, ou napa *citizenship*. So konpran sa klerman *citizenship* ek paspor i 2 keksoz. E ou pa kapab ganny paspor si ou napa *citizenship*.

E pa sa bann landrwa kot nou pe al fer pa pou donn *citizenship*; nou ki donn *citizenship* isi.

Dezyenm keksoz ou pe koz lo sistenm ki *reliable* mon pa konnen ki leksperyans ou annan, pou ou kapab dir serten sistenm i *reliable*.

Me sa ki mon konnen, i annan en kantite pei ozordi menm Langleter an Frans, ki aprezan ki zot pe al met *similar system to SEBS*. Aprezan ki zot pe al ladan.

I annan bann *airline advanced passenger information* ki egziste, me mon pa pou koz detay lo *SEBS*. Me nou, nou satisfè ek *SEBS*. I bon lo nou *upstream clearance* ki nou fer. Lenformasyon ki nou gannye nou *happy* avek e nou anba *full control*. E plis ki sa i fer keksoz fasil pou *customers*.

Ozordi *customers* pa pe *complain* akoz zot pe war, zot pe war ki mannyer i vit pou zot antre. Mon le dir zot en lot keksoz osi; dan lepok *COVID* kot nou ti annan *restrictions*

that is the Ministry of Health, Health Commissioner ki decide sa.

Sa *Health Commissioner* a okenn moman, i pou kapab fer *restriction* lo dimoun ki antre dan pei si i annan en *health issue*. *This is the Commissioner of Health*. so nou bezwen swiv sa bann, sa bann regilasyon sa bann lotorite.

Me *SEBS* i en bon platform, me ou pa tann ase dimoun ki vreman kontan. Si ou demann bann touris about *SEBS*, zot a *say God this is really advance* dan nou sistenm *processing of* nou bann, nou bann *border*. Mersi Mr Speaker.

MR SPEAKER

Mersi.

HON WALLACE COSGROW

(Off-Mic)

MR SPEAKER

Onorab Cosgrow ou kestyon i pa ti lo Bidze, i ti pe konpar en sistenm ki annan avek en lot sistenm ki annan, e mon krwar Minis in donn leksplikasyon. Nou a pas lo lot kestyon. Onorab Bastienne.

HON DESHEILA BASTIENNE

Mersi Mr Chair. Bonzour Mr Chair. Bonzour Minis ek ou delegasyon. E bonzour tou

Onorab e tou dimoun a lekout. Minis, mon pe refer lo *program 2 "citizens affairs services"* e mon pe koz lo *"issuing of identity card to all residents."*

Vi ki nou pe war en logmantasyon dan zot Bidze, eski zot pe fer provizyon neserer, pou annan ase kart idantite, pou ki letan en sitwayen i vin swa renouvle son kart idantite, swa i vin fer li pou la premye fwa, i garanti sa *original card*.

Parske nou konnen ki nou kart idantite i en dokiman ki nou servi li toulezour. Dan plas ki par ler kart idantite i *run out of stock*, e nou bezwen ganny en dokiman an papye.

Eski ou donn nou sa garanti ki nou pou gannyen - i pou annan sa provizyon pandan lannen ki nou pou annan kart idantite *at all times?* Apre vi ki mon pe koz lo, lo sa kestyon kart idantite, eski ou kapab konfirm ek nou Lasanble, ki *expiring date* lo kart idantite pou bann an se moman, eski i aplik pou bann *GOP workers* osi?

Eski zot kart idantite i annan sa dat *expiry*, aköz mon'n deza *come across* kart idantite ki annan *expiry date* i *indefinite*. Eski ou kapab eksplik nou lo sa size osi. Mersi.

MR SPEAKER

Mersi. Minis.

MINISTER ERROL FONSEKA

Mersi Mr Speaker. Onorab, mersi pou ou kestyon. *ID card* ou pa pou, ou pa pou war *the actual stocks of ID card* dan nou Bidze, *because sa stocks is held by DICT. DICT e in fact* apepre 3 semenn pase, ti annan en gran demann lo *ID card*.

E so mon'n koz ek *DICT* lo la. *They've got enough stock* selman ki zot bezwen fer sir, i zot pa *run out* avan zot. Or *Immigration* ki devret fer sir - pa *DICT* ki zot demann *DICT* avan ki zot *run out* e, e nou fer sir ki sa gran, sa bann *stock* i ganny *supply*.

Zot ti a pe *run* lo en *scheduled amount* me be la nou'n sanze ki *it's on demand as oppose to a scheduled amount* ki zot, zot a pe fer *weekly*. So, i pa dan nou Bidze sa, selman parey mon'n dir i dan Bidze *DICT on the ID card*.

Lo *expiry date you are right*, nou fer *ID card* osi pou bann *GOP holders* e zot *expiry date* i *tie up* ek zot *GOP*. Mersi Mr Speaker.

MR SPEAKER

Mersi. Onorab Pillay?

HON SEBASTIEN PILLAY

Mersi Mr Speaker. Bonzour Mr Chairman, Minis, ek ou delegasyon e bonzour tou koleg Onorab e tou dimoun ki

a lekout. Mr Chairman, mon pou pran kot Minis fek arete la; nou, nou ti a kontan konnen an relasyon avek *issuance* avek *ID card*, akoz sa i form par en travay Imigrasyon.

Ou'n fek dir ek nou poudir ler ou'n reponn kestyon lo akoz nou bezwen regard lo nesosite pou annan sa bann biro *overseas* pou fer *enrollment*. Ou'n dir pou fer *issuance of paspor* en dimoun pou bezwen *ID number*.

Be ou fek amann Lalwa *ID card*, ou pou fer ki en dimoun ki reste *overseas* i kapab ganny en *ID card*. *Which means* ki i pou annan en *ID number which means* ki, ki ou kapab prezan *fer issuance of a passport* si ou anvi e si ou anvi sanz *Immigration Decree*.

Kestyon ki nou, nou pe demande se, konbyen resours adisyonnèl i pou koute alors, pou al *maintain* en biro Imigrasyon. Or eski sa pa zis en lesey par Gouvernman *LDS* pou vol sa eleksyon ki pe vini 2025?

MR SPEAKER

Onorab, Onorab!

HON SEBASTIEN PILLAY

Dezyenm, kestyon ki mon annan Mr Chairman.

(Interruption)

MR SPEAKER

Onorab. *Order!* Onorab, gard ou kestyon lo Bidze san bann alegasyon politik silvouple. Mersi, ankor en kestyon Onorab.

HON SEBASTIEN PILLAY

Mr Chairman, sanmenm, sanmenm ki mon'n dir, eski sa i pa en lesey mon pa'n dir zot pe fer, *ok?*

MR SPEAKER

Wi, be ale lot kestyon.

HON SEBASTIEN PILLAY

I posib zot pe fer, mon pa konnen. Prezan Mr Chairman, mon lot kestyon i vin lo *size wages and salaries*. E sa i konsern *both* Departman Imigrasyon e Departman *Civil Status*.

Kestyon ki mon annan pou *panel* klarifye pou mwan se konbyen *basic-basic salary* ozordi en zofisye Imigrasyon? E lefe ki bann zofisye Imigrasyon i reste pandan plizyer lannen dan sa travay - zot en kad.

Akoz ki ler mon pe regard pou annan en nesesite pou annan en *Retention Scheme*, mon pa pe war okenn nouvo *allowance* an sa ki konsern sa kad zofisye Imigrasyon.

Akoz bokou zot in fer plizyer lannen parey *teachers* parey ners. Kot avan i ti

annan en *long service allowance*, be la nou pe war poudir sa *freeze* ki Gouvernman in mete lo la i pa pe permet zot donn sa bann zofisye ki'n fer bokou lannen, en reminerasyon pou zot leksperyans.

So, mon ti a kontan *panel* i klarifye ki dernyen fwa *scheme of service*, ki dernyen fwa *scheme of service* pou *Immigration cadre* ti ganny revwar. Ki dernyen fwa *scheme of service* pou travayer *Civil Status* ti ganny revwar.

E kan eski pou annan *the next revision of sa scheme of service?* E eski dan sa Bidze ki la, eski dan sa ((mwan, mon pe koz pou travayer si zot pa anvi pa fer zot) eski dan sa Bidze ki la i annan larzan pou fer en revizyon *scheme of service* pou bann travayer kad Imigrasyon ek travayer *Civil Status?* Mersi Mr Chairman.

MR SPEAKER

Mersi. Minis repons.

MINISTER ERROL FONSEKA

Yeah, mersi Mr Speaker. Mersi Onorab. Mon a les *PS* koz lo sa kantite *allowance* ki bann *staff* i gannyen, apre mon a reponn sa premye kestyon Mr Speaker.

MR SPEAKER

PS, ou annan laparol.

PS ALAIN VOLCERE

Mersi Mr Chairman. Lo sa dernyen pti bout pou kestyon lo kestyon Onorab konsernan *scheme, so scheme of service* pou tou lede divizyon Imigrasyon avek *Civil Status* i deza pe ganny travay lo la. E zot *due in 2025*.

Normalman nou fer li every 5 years. So by that time en 2025 en nou a kapab come out avek revised scheme pou sa 2 divizyon. Mersi.

MR SPEAKER

Mersi.

PS ALAIN VOLCERE

CIO, petet lo allowances.

MR SPEAKER

Lo size, lo size *ID card*.

MINISTER ERROL FONSEKA

Lo kestyon *ID card* kestyon, mon krwar Onorab ti demande i si i annan okenn mannev pou vol eleksyon.

MR SPEAKER

Nou pa pou adres sa Minis, kontinyen lo ou...

MINISTER ERROL FONSEKA

Mon ti a - *I mean, zis mon kapab dir it takes one to know one* Mr Speaker! Mersi.

MR SPEAKER

Minis, son kestyon - mon kestyon ki mon enterese avek

ladan, se ki i ti demande, se si ou annan resours konvenab pou donn bann *ID card* deor pe swiv.

Mon pa konnen si ou annan en repons pou sa?

MINISTER ERROL FONSEKA

Yes, Mr Speaker, mon annan en repons pou sa. Deor nou pe fer *enrollment stations* pou *biometric passport*. That is what we're doing.

ID card you will have an ID number already lo ler ou ganny ler ou vin ler ou ganny ou *citizenship*.

Nou pa pe fer *issuance of ID card* pa neseserman en *ID card* an deor pou zot annan. Ler zot vin isi zot a ganny zot *ID card*, lontan nou ti anpes zot gannyen konmela nou pou permet zot gannyen. Mersi Mr Speaker.

MR SPEAKER

Mersi. Mon a pran kestyon Onorab Herminie.

HON WILBERT HERMINIE

Bonzour Mr Chair. Mersi pou donn mon laparol. Bonzour Minis avek ou, ou delegasyon. Minis, mon'n pas dan sa Bidze mon pe zis gete mon pa pe war alokasyon pou bann, sirtou pou bann dimoun ki pa kapab vin fer zot *ID card* anba kot zot lofis.

Zot ti dir ki pou annan alokasyon pou sirtou pou

bann zil la mon pe mazin La Digue - ti dir an Desanm.

Eski zot in fer provizyon Bidze ladan, pou kapab *tackle* sa bann *issue* sirtou lo bann zil? Si zot napa zot ti kapab servi sa larzan 1 milyon ki pe servi pou rod en *lift* ki zis pou servi zis en dimoun.

MR SPEAKER

Mersi. Minis?

HON WILBERT HERMINIE

Mon annan en kestyon.

MR SPEAKER

Si ou ti annan, si ou ti annan en dezyenm kestyon ou ti a demann li. Minis.

HON WILBERT HERMINIE

Be mon pe demande la.

HON AUDREY VIDOT

(Off-Mic)

MR SPEAKER

Si ou ti annan en kestyon ou ti a demann li. Minis, ou repons.

MINISTER ERROL FONSEKA

Yeah, e sa, sa i senp Mr Speaker.

MR SPEAKER

Sorry, sorry Onorab, Onorab Vidot mon pa aksepte sa remark ki ou'n fer, mon pe demann ou *retract* silvouple. E silvouple, e silvouple gard en pe respe. Minis sa kestyon lo-

MINISTER ERROL FONSEKA

ID card.

MR SPEAKER

ID card pou zil segonder.

MINISTER ERROL FONSEKA

Mersi Mr Speaker. Mr Speaker, solisyon i senp par ler nou konplik keksoz. *ID card* si en dimoun pa kapab vini, nou kapab *issue* en *temporary ID card, which is a paper ID card*. So, i *facilitate* sa e zour i kapab vin dan, dan sa stasyon pou li fer i a fer.

So napa problem lo la. Selman ki mon pe dir lo sa bann dimoun aletranze zot ki pe rod paspor, zot annan zot *ID number* nou pa bezwen *issue* zot *ID card* e zot a ganny en *ID card* ler zot vini. Mersi Mr Speaker.

HON WILBERT HERMINIE

Mr Speaker, be pa sa ki ti ganny dir dan...

MR SPEAKER

Sorry, sorry, sorry mon pa pe pran *point of order*. Onorab Gervais Henrie ou kestyon.

HON GERVAIS HENRIE

Mersi Mr Chair. Bonzour tou dimoun. Mr Chair, Minis boner in dir en senp pti keksoz pou amelyor servis ki son Minister i donnen se *personalized service* e *service*

delivery. Now lo 2 - lo 2 front, mon le demann kestyon dabor a sak fwa ki mon pas kot Independence House mon war en gran laliny dimoun.

E mon war dimoun osi i fer komanter lo rezo sosyal sa retar ki zot gannyen e dan letan modern par egzamp, nou ti kapab entrodwir en sistenm apwentman pou dimoun vini olye zot met laliny.

So ki mannyer sa Bidze i apros, i adres sa *size service delivery* pou piblik ki zot *customer*? Enn. E dezyenm konsernan zot travayer, parske zot travayer zot travay bokou e i annan bann *issues* ki konsern zot travayer zour tel ki *size liniform, transpor* pou ariv se zot, landrwa kot zot *park* zot transpor.

Tou sa bann keksoz ki konsern *staff welfare, how is this budget addressing* sa 2 size?

MR SPEAKER

Mersi. Minis?

MINISTER ERROL FONSEKA

Mersi Mr Speaker. Mersi Onorab pou ou kestyon ou, ou'n tous en keksoz ki vreman, en keksoz ki mon, mon *take it at heart a lot*, pou war *personalized service delivery* lo tou nou bann stasyon ki pe *deal* ek piblik.

Lo kestyon bann stasyon ki *investment* ki ou'n fer nou,

nou pe fer lo la; Onorab ou'n war sa *renewal of* sa 55, 55 *working stations*, sa i pou ed en kantite. Lo kestyon zis *the speed of the system* ler zot pe *address* en *customer*.

Me parkont i annan en lot keksoz ki ou'n koz lo la ki vreman i sa, sa lapros lo sa travayer li menm, ki bezwen ganny sa *inspiration* pou li servi sa *customer* devan li.

E sa parfwa i ganny fer par lo Bidze *to be honest with you*, pa Bidze ki pou fer sa. I lo nou fason *manage* koz ek sa bann dimoun *encourage* zot; rod zot bann defayans, vreman ki a tou nivo ki nou pe anmenn en serten *trust* dan nou travayer, ki zot kapab *deliver*.

E i annan en kantite dimoun pe fer en kantite keksoz. Parler ki nou remarke, nou pou *pick up* lo bann *negatives obviously*. Me selman mon ti a ankouraze la, akoz i annan en gran sanzman ki'n arive.

Me parfwa dan tou sa bann sanzman ou ale ou, ou fer en keksoz mal e sa i ganny leve anler. Me nou dyob koman dirizan, nou bezwen osi anmas sa bann travayer donn zot sa lankourazman e parfwa mon a dir zot en keksoz pa zis get Bidze.

Vreman Bidze i la, me selman i annan sa lot keksoz, sa lot kontak sa lot koneksyon ki nou bezwen dan nou

domenn travay, sa *inspiration*, sa *trust* tousala, ki pou fer nou *service delivery* ariv lo sa nivo.

E *it's a* - i annan diferans ki pe arive, selman i annan kantite sityasyon ki nou bezwen rezourd. Konmela dan Imigrasyon - mon fek pe koze yer - nou annan tro bokou *telephones*, tro bokou *numbers* ki par ler *numbers* pa ganny reponn.

So nou bezwen *streamline* sa *really* annan *back offices* ki pe *deal* ek sa bann sityasyon e tousala pou anmenn sa *service delivery*. Mon *hope* mon'n reponn ou kestyon Onorab.

Mon'n al en pti pe lontan *because I'm very passionate* lo sa, lo sa zafer *personalised service* ki nou bezwen fer dan nou bann Departman. Mersi Onorab.

MR SPEAKER

Mersi Minis. Mon a pran kestyon Onorab William la. Mon annan ankor 2 dimoun ki'n demann kestyon, me mon'n pran bann non tou bann dimoun ki ti'n demann kestyon avan.

E mon a pran kestyon Onorab William, ki ti'n dir pa ti'n ganny reponn e apre mon a pran sa 2 dernyen.

HON WAVEN WILLIAM

Mersi Mr Chairman. Mr Chairman, sirtou kot i

konsern *RBM* akoz sa en keksoz ki nou atas vreman lenportans vizavi performans. Mon ti a kontan ki Minis i dir avek Lasanble, si Departman Imigrasyon zot in *setup the the RBM Committee* ki pou kapab fer *the, the evaluation of performance of workers?* Mersi.

MR SPEAKER

Mersi. Minis?

MINISTER ERROL FONSEKA

Mersi Mr Speaker. Mersi Onorab. *I apologies* ki nou'n mank, nou'n mank sa larepons. Mon a les *CIO* koz lo son bann *performance indicators* ki in mete, pou bann diferan *staff*. Mersi.

MR SPEAKER

CIO?

CHIEF IMMIGRATION OFFICER ERICA DUFRESNE

Mersi Mr Chairman. Mersi Onorab ankor pou ou kestyon. Wi, byensir Onorab, parey tou lezot Departman nou annan en *RBM Committee*. Aktyelman i louvraz *RBM Committee* ki nou'n war i annan serten endikater ki nou pa pe anmase. Par egzanp kot *customer service*, nou'n war poudir kot *customer service* i mank en mezir ki nou sipoze mete la, pou anmas *customer satisfaction*.

E sa en keksoz ki nou, ki nou pe travay lo la pou nou kapab *ensure* poudir nou pe ganny lenformasyon lo performans nou bann *staff*, kot *customer service*.

I parey pou nou lezot seksyon kot Departman Imigrasyon. E sa bann endikater ki nou servi ler nou, nou travay lo *performance contract* nou bann *staff* dan sak seksyon, pou fer sir ki zot pe travay *in accordance* avek nou, nou bann endikater ki nou'n mete pou sak seksyon, ki zot pe delivre pareyman. Mersi Mr Chairman.

MR SPEAKER

Mersi. Onorab Esparon.

HON REGINA ESPARON

Mersi Mr Speaker. Bonzour Minis avek ou delegasyon. Mr Speaker, anba program 1 anba *governance management and administration*, enn zot priyorite se "*increase capacity for safe storage*."

An vi bann sityasyon kot dokiman ki zot servi i bann dokiman papye, e ki kapab ganny afekte ek *fungus*, sirtou kot zot bann rezis ki zot servi pou fer maryaz.

E mon'n war en sonm R250 mil la. Eski zot pe anvizaze annan en *digital backup system* an ka parey dife oubyen nenport ki evantyalite ki i kapab arive?

E dezyenmman, enn bann konsern ki bokou dimoun i annan, se ki parfwa ou annan bann dimoun ki sorti dan pei was, dan bann was Lafrik ki antre lo en *GOP*. E apre zot ganny *permanent resident* anba *Immigration Decree*, pli tar zot menm zot al ouver bann group larelizyon.

Kot zot ganny tou benefis *duty* tou bann zafer, *duty free car*. Ki fason ki Imigrasyon i annan kontrol lo la, bann tel sityasyon parske deplizanpli ou tann sa enn in vin Paster, lot in vin Paster?

E i annan tro bokou sa bann *denomination* ki pe ganny formen Sesel. Ki parfwa i annan ki pa kredib e i annan menm ki *defraud* dimoun avek 10poursan zot lapey pou kontribisyon. Ki fason ki Imigrasyon i annan kontrol lo la? Mersi.

MR SPEAKER

Mersi. Minis?

MINISTER ERROL FONSEKA

Mersi Mr Speaker. Mersi Onorab pou kestyon. Premye kestyon lo *digitalising* sa bann *historical* dokiman. Mon a pas sa ek *CIO* akoz zot in fer en kantite louvraz lo la, *they get the benefit*.

MR SPEAKER

Thank you.

CHIEF IMMIGRATION OFFICER ERICA DUFRESNE

Mersi Mr Chairman. Mersi Onorab pou kestyon. Onorab, mon byen kontan poudir ou poudir *digitalisation* in fini komanse ek Imigrasyon sirtou *Civil Status*.

Civil Status tou son dokiman in fini ganny *digitalise*. Nou pe soon pou lans en sistenm ki nou pou kapab dimoun menm bann kliyan an deor Sesel, ou menm dan Sesel i pa ni pou bezwen vin devan en zofisye *Civil Status*, pou li rod en sertifika nesans, en sertifika lanmor, en sertifika maryaz.

I pou zis i kapab fer son demann *online* e i pou ganny son dokiman *online*. So, sa prosedir in fini komanse Imigrasyon, *Civil Status* in fini ganny *digitalized*.

Lannen prosen, se Departman Imigrasyon ki nou pe al komans prosedir, pou nou tir en pe sa bann prosedir papye.

Sirtou pou permi travay, kot ou war poudir bokou sa bann akoz sa prosedir i long e i en prosedir mannyel pou ou fer *GOP* en bon pe verifikasyon, en bon pe keksoz ki ou ti kapab fer, si ou ti annan en sistenm *online* ki ou pe fer bann verifikasyon. E ou pe, ou pe *issue* menm aprouv sa *GOP*.

E sanmenm sa ennler ki bokou letan i ganny pase dan sa bann verifikasyon ki ou bezwen fer dan dokiman. Savedir Onorab prosedir in fini komanse. Mersi.

MR SPEAKER

Mersi.

MINISTER ERROL FONSEKA

Yes, Mr Speaker. Zis pou *add on* en pti gin lo sa ki *CIO* in dir. *Immigration* mon'n vreman tonm dakor ek *DICT to be* sa premye, premye *service* ki i servi piblik pou nou *digitalise everything*. *We're very much into it*. Sesel nou'n realize osi ki nou *saturation of mobile is 200percent*.

So dimoun i annan *access to e* la sa *CID* nou pe met sa tou dan *Immigration*, tou dimoun pou annan *CID*. Mon pe siny en dokiman ozordi *digitalized*. *So we -* nou pe sey tou nou bann *file, one by one* nou pe met en *cross* lo la, i pe ganny *digitalized*.

Nou annan *still the residual roll copy* la, me selman nou pe bouz lo sa bann sityasyon koumsa.

So, it's a great time pou nou sanz sa *service delivery* Sesel. So, la nou pe al Lapolis osi *to bring them on the CID*, finalman nou *driving license everything will be on our mobile phones*. So, *this is a great work*.

Lo ou dezyenm kestyon, *sensitive question*, akoz i annan 2 ou'n koz lo en sityasyon ki en dimoun i vin lo en normal larout pou antre dan pei pou travay petet, pou marye.

Ler i marye, i ganny serten posibilite koman *independence permit* eksetera, eksetera - depan ki kantite letan i isi. Apre sa bann *issue religion. to be honest with you* mon a les PS koz lo la akoz nou annan *meeting* ek *Registrar Office* lo la pou nou *discuss* egzaktaman sa.

Because it is a situation ki *sensitive* e nou pou zis dir ou ki nou pe regard en pti gin, *but not too much on there*. Mersi.

MR SPEAKER

Wi CIO, ou pou adrese? PS ki pou adrese.

PS ALAIN VOLCERE

Mersi Mr Chairman. Zis pou dir ki laplikasyon pou en permanent *resident permit* i annan son bann kriter ki ganny etabli. So, *whoever meets the criteria* i *eligible* - pa *entitled rather*, be i *eligible* pou li ganny *permanent resident permit*.

Lo kestyon larelizyon, i en *issue* ki nou pe deza diskite avek Lofis Rezistrar, pou get en pe zafer mannyer sa i ganny anrezistre dan pei ensidswit.

So nou napa nanryen definitif *as such*. Nou konnen i en size ase sansib.

E petet pli tar nou ava kapab dir ki mannyer nou, nou, nou pou abord sa an konsiltasyon avek *Legal Affairs*. Mersi.

MR SPEAKER

Mersi. Onorab Loizeau.

HON NORBERT LOIZEAU

Mersi Mr Speaker. Bonzour Minis ek ou delegasyon. Bonzour tou dimoun. Mr Speaker, mon kestyon i vize ver bann paspor. Nou konnen ti i annan en, en kantite etranze ki ti aste nou paspor en kantite zot i annan.

E dan mon distrik i annan enn i annan - mon konnen PS i okouran sa sityasyon nou'n enterakte en bon pe lo sa size. Eski dan sa Bidze Minis, vi ki i pran bokou letan pou zot kapab *deal* ek sa bann ka bann dimoun ki'n aste nou paspor.

Eski dan sa Bidze i annan provizyon pou permit zot annan bann mekanizm pou kapab fer ed zot pou zot travay pli vit, pou *go deeper* dan sa bann ka.

E fer sa travay pli vit, pou ki i ava ed bann ki bann bon sitwayen malgre zot in aste paspor ki pe reste Sesel, ki pe fer biznes Sesel ki kontribye dan ekonomi Sesel, konpare

ek lezot ki pa reste Sesel me selman zot annan en paspor.

Eski sa Bidze dan sa Bidze i annan en alokasyon pou adres sa sityasyon, pou fer li en pe pli vit pou sa bann dimoun? Mersi.

MR SPEAKER

Mersi Onorab. Minis?

MINISTER ERROL FONSEKA

Mersi Onorab pou ou kestyon. Onorab les mon dir ou sa size nou pe *address* li, me nou pe pran ka par ka; nou pe pran ka par ka. Akoz sa *scrutiny* pou war sa bann *due diligence* in ganny fer.

E si en dimoun in ganny son *citizenship, citizenship* i en keksoz sakre sa, ou pa kapab zis tire. Ou, ou bezwen prezerv sa. So me selman an menm tan nou bezwen fer sir ki tou bann keksoz ki'n ganny fer dan sa lepok, kot i annan, ti annan en soz Gouvernman pou, pou *citizenship on economical citizenship in program*. Sa ti egziste. Nou rapel dan lepok 'koumarde' ki ti arive ek serten larzan ki ti pase.

So, sa i arive pa neserman serten sa bann dimoun in fer keksoz mal *this was the management of the money side*. So alor nou pe get tou sa bann dimoun klerman. Si i annan en pti *complain* lo *delay* i, i zis en keksoz mon pa,

mon pa pou donn okenn leskiz lo la.

Akoz nou pou kontinyen *scrutinise it well*, me selman nou pa pou, nou pa pou *go out of the way* pou fer keksoz difisil. Me selman nou bezwen *scrutinise* keksoz byen, e sa nou pa bezwen Bidze pou fer. Dan nou louvraz menm nou pe fer sa.

More involved in sa, ler bann tim in fini gete, enn i annan – so-. E nou kapab asir ou ki pe arive e nou pa gat letan zis pou fer dimal en dimoun, me selman nou bezwen *scrutinise*. Mersi Onorab.

MR SPEAKER

Thank you. Onorab Vidot?

HON AUDREY VIDOT

Mersi Mr Speaker. Bonzour tou dimoun prezan. Mr Speaker, mon kestyon pou Minis lo kote *allowances overtime*, mon war i annan en logmantasyon dan Bidze me parkont i annan serten group travayer Imigrasyon ki parfwa i travay ziska pli tar ki 7er bokou fwa - plizoumwenn i kontinyel.

Eski zot pa pe konsider vi ki mon war osi dan *other allowance, allowances* in ogmante, si zot pa pe konsider met zot lo serten *allowance*, oubyen si non, akoz si *by* lannen prosenn osi, zot pa vin

avek en Bidze ki nou war *scheme of service* pou bann travayer Imigrasyon, enkli bann travayer *Civil Status*.

Nou lo sa kote latab nou pou garanti nou pou lev nou lanmen pou nou siport zot Bidze. Antretan sa enn ki la mon pa pou vot kont, be mon annan serten konsern. *Thank you*.

MR SPEAKER

Mersi. Minis, kestyon lo *overtime*.

MINISTER ERROL FONSEKA

Mersi Mr Speaker. Mersi Onorab pour ou kestyon. Definitivman, i annan sa bann *overtime* ki antre. Mon a les CIO eksplik nou bann *allowances* ki nou donnen lo la.

MR SPEAKER

CIO?

CHIEF IMMIGRATION OFFICER ERICA DUFRESNE

Ok mersi Mr Chairman. Mersi Onorab. Onorab, bann *staff* ler ou pe koz *overtime*, savedir *obviously* ou pe koz bann *staff supporting staff* ki mannyer nou apel zot, ki travay *head office*.

Tou *staff* - bann *staff head office* ki travay dan bann seksyon Imigrasyon zot tou zot ganny *commuted overtime*. Zot ganny en *inducement*

allowance plus commuted overtime.

Me selman vre Onorab, nou'n war poudir i annan serten seksyon - sirtou seksyon GOP ki *staff* i travay en kantite. Nou annan lenstans ki *staff* i travay ziska 7er diswar, 9er diswar ler nou annan *backlog* GOP.

E nou'n koze lo la ki sa i en konponan ki nou pou bezwen revwar, ler nou pe asize pou nou *review scheme of service* pou nou kapab *compensate* en pe plis sa bann *staff*, ki pare pou zot reste a nenport moman ler zot annan en *backlog*. Mersi Onorab.

MR SPEAKER

Mersi. Bon mon krwar mon pa'n mank personn. La aprezan nou a vot lo Bidze pou *Department of Immigration and Civil Status* ki lo paz 280 ziska 286 pou en total R47milyon 401 mil. Manm ki an faver lev lanmen silvouple?

DEPUTY COMPTROLLER GENERAL JUDE COMMETTANT

(Off-Mic)

MR SPEAKER

Pardon? Eskiz mwan.

DEPUTY COMPTROLLER GENERAL JUDE COMMETTANT

Good morning, everyone.

MR SPEAKER

Mr Commettant, i anvi azout en keksoz?

DEPUTY COMPTROLLER GENERAL JUDE COMMETTANT

Non, zis pou vote pou sa alokasyon i pou en sel *Ministry of Internal Affairs*.

MR SPEAKER

Sorry, nou pou pran en sel vot. Non, mon pa konpran nou bezwen pran vot pou sa Departman. Mon pa'n konpran komanter Mr Commettant, silvouple eksplik mwan.

DEPUTY COMPTROLLER GENERAL JUDE COMMETTANT

Yes vot *Ministry of Internal Affairs* son alokasyon dan *Appropriation Bill* i en sel laliny. So ler nou pou vote pou alokasyon, ki pou en sel pou *Ministry of Internal Affairs* ki pou enkli *Immigration, Civil Status, Prison, Police* ek *DRMD*.

MR SPEAKER

Tre byen. Bon si Minister Finans i le prosed koumsa mon krwar sa i dan son lanmen. Mersi. Alor nou ava zis les sa la e vot pli tar. Mersi Mr Commettant.

Nou a pran poz la e nou a rebran 11er pou *Seychelles Prison Services*. *Thank you*.

(BREAK)

SEYCHELLES PRISON SERVICES**MR SPEAKER**

Bon byenveni nou bann zofisye ki fek zwenn nou. Mr Raymond St Ange *Commissioner Prison Services*, Mr Sam Dodin *Deputy Commissioner*, Ms Taciana Labrosse *Senior Accountant*, Mr Gerry Uranie *Chief Inspector*.

Mersi pou zot partisipasyon avek nou bomaten. Avek sa, Minis i ava komans avek prezantasyon lo Bidze pou sa antite *Seychelles Prison Services*, ki lo paz 264 ziska 266, 70 pou en lavalav R107 milyon 336 mil. Minis, nou a ekout ou.

MINISTER ERROL FONSEKA

Mersi Mr Speaker. Ankor enn fwa bonzour tou Manm Onorab, *Leader* Lopozisyon, *Leader Government Business* e tou dimoun a lekout. Mr Speaker, alokasyon pou *Seychelles Prison Services* pou lannen 2024 i R107.336 milyon.

Ki fer en rediksyon konpare ek sa *Revised Budget 2023* en rediksyon R9.105 milyon. Mr Speaker, zis dan en pti *summary lo wages and salaries*. Parkont i annan *increase of 2 milyon 755* ki enkli en pe *new spending proposal* ladan.

E serten lenplimantasyon *scheme of service and* osi ki reflekte sa *budget cut 2023*. E anba *goods and services*, i annan *increase 2* milyon pwen 063 milyon pou *goods and services*.

Avek sa, mon a les bann Manm Onorab demann zot kestyon lo detay sa Bidze. Mersi Mr Speaker.

MR SPEAKER

Mersi. Les mon a zis pas lo lalis Manm ki'n lev lanmen, pou mwan fer sir mon pa'n mank personn. Ziska isi, mon annan Onorab Vidot, Uranie, Hoareau, Bistoquet, William, Woodcock, Labrosse, Romain.

Onorab Roucou, Onorab Mondon, Onorab Loze, Onorab Herminie. Labonte, Lemiel, Cosgrow, Gabriel, Arissol se sa pou le moman, *ok?* Nou a pran sa bann Manm nou pou ale pou otan letan ki nou annan dan sa peryod, so i ava annan loportinite pou zot lev lanmen si bezwen. Nou a komanse. Onorab Vidot?

HON AUDREY VIDOT

Mersi Mr Speaker. Bonzour nouvo delegasyon ki prezan. Mon kestyon pou Minis oubyen Mr St Ange, mon war i annan en logmantasyon 3.1 milyon dan *security and enforcement*.

Minis, yer Direkter Zeneral SIS in fer en stement for dan sa Lasanble ki prizonnyen ankor pe fer zot tranzaksyon drog, e zot pe swiv Lasanble Nasyonal. Baze lo la, avek sa logmantasyon ki zot in gannyen zot in mete dan sa Bidze pou lannen prosenn, donn nou detay vreman kwa ki zot pe al ranforsi.

Si an term nouvo sekirite; si an term lekipman kwa ki vreman sa logmantasyon i *entails?* E an plis, nou konnen ki Lasanble in aprouve pou ki i annan lotorizasyon ki Gouvernman i kapab servi zil Marie Louise pou sa prizon ot sekirite.

Eski i annan okenn konponan provizyon dan sa enn Bidze, ki zot osi pe prevwar as adisyonnell sipor, pou an term sekirite pei, kot i konsern letan i annan sa, sa prizon pou baze laba? *Thank you.*

MR SPEAKER

Mersi. Minis, ou a komanse apre ou a diriz ou delegasyon.

MINISTER ERROL FONSEKA

Yeah, mersi Mr Speaker. Mersi Onorab pou kestyon. Prizon dan son konplikasyon, in nesesisit plizyer *improvement*, plizyer *input* dan diferan keksoz ki bezwen mars ansanm.

Parey zot konnen, ozordi nou annan zis Montagne Posée ki *house* tou kalite prizonnyen. Menm prizonnyen lo rimann ki pa tro *conducive*, me selman sa i leka.

Baze lo la, nou annan diferan program ki pe vini pou nou amelyor sa sityasyon e an menm tan parey zot konnen sekirite prizon li menm li i toultan en defi. E dan nou Bidze osi, i annan *areas* ki nou pe, nou pe propoz serten solisyon pou sa bann zafer.

E mon a pas ek *Commissioner of Police* ki i a donn ou en *very good insight - Commissioner of Prison* sorry. *My apologies Commissioner* - pou donn ou en *insight* lo plis detay lo la. Mersi Mr Speaker.

MR SPEAKER

Mersi Komisyoner.

COMMISSIONER RAYMOND ST ANGE

Mersi Mr Speaker. Mersi Onorab pou sa kestyon. I vremen pertinan dan, dan nou sosyete ki pe arive konmela. Nou'n adopte en lapros ki, ki

continuous improvements petet nou pa pe war, pa pe remarke; be selman an mezir ki nouvo fasilite i ganny programmen, i ganny *projected* e nou pe war lavans lo la.

Ki nou'n *inherit*, nou'n *inherit* en *legacy issue* e parey Minis Fonseka in dir ki Montagne Posée pou en bon pe letan ti en sel prizon. Sityasyon drog dan pei in sanze klima in sanze e sa, sa ki'n arive i reflekte dan sosyete i reflekte dan prizon osi.

So zisteman zis Vandredi pase par egzanp nou'n komans en bann *meeting* avek *Mental Health Services*, akoz nou war nou remarke ki konmela en nouvo admisyon ler i arive i annan en *opioid disorder* ki pe afekte son fason *behave*, son fason mazin keksoz – panse. So, *it's an opioid disorder* nou'n koz lo la yer dan Kolok osi ki'n ouver HIV.

So avek nouvo fasilite byensir Bonne Espoir, en gidans avek *Mental Health Services*; en *Forensics Unit* ki nou pe planifye nou menm, kot Montagne Posée, kozri ki nou annan, nou annan avek bann psikolog.

Program reabilitasyon li menm pou rearanz en pe pou, pou nou rod sa lobzektif ki en pe pli solid. E prenan kont sityasyon drog dan pei, nou war ki avek nou nouvo lapros,

ki nou pou *update* nou plan stratejik pou 2024-2029 ki *focus* vreman for lo *Mental Health Services*, pou siport lasante mantal

Nou espekte osi ki nou ava komans sorti dan sa fleo ki pe afekte nou Montagne Posée avek Bonne Espoir. E byensir lezot fasilite. Mazin osi ki sa ti aktyelman en *budget cut* dan sa landrwa.

Be selman avek teknolozi ki nou'n deza deklar lo la, nou'n fer deklarasyon lo la avek *X-ray machines*, parey zot annan erport. Plis *training* ki nou pe al fer avek *UNODC* lannen prosenn, ki form par sa lapros avek *UNA 4*, nou pou, nou komans ganny en pe pye lo la, lo sa bann fleo ki egziste ozordi. Mersi bokou.

MR SPEAKER

Mersi Komisyoner.

MINISTER ERROL FONSEKA

Mr Speaker, i annan en kestyon nou pa ankor reponn. Lo kestyon depans pou Marie Louise, i pa dan sa Bidze. Sa i pou en Bidze ki *provided by UNA 4* ek nou lagreman ek zot. Mersi Mr Speaker.

MR SPEAKER

Mersi Minis. Onorab Uranie?

HON ROCKY URANIE

Mersi Mr Speaker. Ankor enn fwa bonzour Minis avek ou

nouvo delegasyon. Mon pe gete i annan en logmantasyon dan elektrisite e osi konsiderableman logmantasyon dan delo.

Epi mon ti a kontan konnen, konmsi kwa ki zot pe fer pou ede redwir sa bann kou elektrisite, avek delo prizon? Apre mon pe gete i annan 1 milyon 420 mil pou *housing*, eski sa i pou bann etranze oubyen Seselwa konpri ladan? Mersi.

MR SPEAKER

Mersi Onorab.

MINISTER ERROL FONSEKA

Mersi Mr Speaker. Zis mon fer rekonnet ki, kantite prizonnyen kantite tou fasilite in *increase*, akoz sa kantite dimoun ki laba. Be mon a les *Commissioner* koz en pti pe plis lo sa *electricity and water costs*.

MR SPEAKER

Commissioner?

COMMISSIONER RAYMOND ST ANGE

Mersi Mr Speaker. Mr Speaker, si ou permet mon, mon a pas ou avek mon *Deputy* i annan bann sif devan li.

MR SPEAKER

Mersi. *Deputy*.

**DEPUTY COMMISSIONER
SAM DODIN**

Bon, lo kote *housing*, mon a les pou lo kote bann stratezi pou *reduce* kou *electricity and water*. Mon a les plito Komisyoner. *However* pou *housing*, nou pe aktyelman pe *provide housing* pou bann *expat* bann travayer ki pe travay avek nou. Mersi.

MR SPEAKER

Mersi. Komisyoner ou annan ou pou azoute lo *electricity* ek delo, si ou pou kapab redwir *cost*.

**COMMISSIONER RAYMOND
ST ANGE**

Mersi Mr Speaker. Mersi Onorab lo, lo konteks kou ki ou pe war logmantasyon, byensir nou annan nouvo fasilite ki pe antre dan sistenm ki nou pe prenan kont pou sa loperasyon Praslin.

Aprè nou pe war ki nouvo *remand center* ki premye faz i sipoze *handover* avek nou komans loperasyon dan milye Fevriye 2024. So i annan en *increase* lo konteks elektrisite avek delo.

Nou lentansyon selman nou pa ankor *solidify the approach for what we call greening the prison* ki ti en lapros mon bann *predecessors*.

Nou'n, nou'n tir par egzantp bann *solar water*

heaters ki ankor la ki nou bezwen enstale. *And* nou'n ganny dir ki nou bezwen koz avek bann petet bann *donor countries*, oubyen rod bann program *to solar PV*.

Nou ase lespas lo Montagne Posée li menm lo son twa. I annan en posibilite ki nou kapab apros sa ler nou komans nou program *re-roofing* oubyen *upgrading the roof on Montagne Posée*.

Pou fer letid egzakt lo *solar PV requirements* pou Montagne Posée *and rainwater harvesting* pou Montagne Posée li menm.

MR SPEAKER

Mersi. Onorab Uranie, mon krwar ou kestyon in ganny reponn. Nou pou pas lo prosen kestyon. Onorab Hoareau ou kestyon.

HON JOHN HOAREAU

Mersi Mr Chair. Mr Chair, sa size sekirite i enn ki a sak fwa ki *Commissioner of Prison* i vin la, i leve. Akoz i ti demann nou larzan pou *scanner* nou'n donn li. I ti demann nou larzan pou *interceptor, phone interceptor* nou'n donn li. Me selman *3 years down the line*, nou ankor pe war poudir i annan en kantite drog dan prizon; i annan en kantite ka kot prizonnyen pe telefonn dimoun an deor.

So, mon oule konnen enn fwa pou tou ki kalite difikilte ki pe gannyen, pou li pou zistifye sa Bidze, pou *improve security* ki nou'n donn li? Pou li kapab fer sir ki *at least* drog i minimonm - i pa en gro problemm prizon e osi telefonn pa pe ganny servi prizon? Mersi.

MR SPEAKER

Mersi Onorab. Minis, nou a pas kestyon ek *Commissioner*, wi.

COMMISSIONER RAYMOND ST ANGE

Mersi Mr Speaker. *It's an excellent question* e parey mon pe dir pou reponn en kestyon pli boner, i vre ki 2 an pase nou'n vini. Be selman mazine ki *interceptor* in ganny, in ganny *allocated* dan Bidze pou en Bidze dan 2025, so pa ankor gannyen *interceptor*.

Sistenm *jammer* nou pe al re enstal nouvo sistenm *jammer*. La aktyelman nou'n, nou'n fini aste 2 i pou komans enstale. E parey mon'n dir Onorab *legacy of the prison and Montagne Posée* son striktir, se pou sa rezon depi 2019 nou pe met nou lipye ater, pou dir nou bezwen en nouvo prizon. Nou bezwen en nouvo lapros.

In ariv la 2023, la nou pe komans war laklerte e sak fwa

mon dir menm zafer ki e i vre ki Prizon Montagne Posée i en refleksyon sosyete.

So byensir si nou pe, si nou pe anmas *addict* lo semen e *addict* i antre dan prizon; mazine nou annan 400 ekek bonnonm anler dan- e lanmwatye ladan i *addict*. E sa *addict* i pe rod son *kick* e son *kick* i pou fer nenport ki nenport kwa ki fason pou rod-

I en fenomenn pa zis pe afekte servis prizon Sesel - i en realite ki pe afekte larezyon. Yer dan Kolok nou'n war *UNODC Report* pou montre ki *the drug, the drug scourge in areas* i *increasing*. Sorti dan bann pei dan larezyon e Sesel byensir pe ganny afekte.

So nou'n osi nou'n demann par egzanp ki nou pa'n gannyen plis lasistans. E sanmenm sa mon'n fer *meeting* Vandredi pase avek *Mental Health Services*. *Because* ler en dimoun i *opioid addicted*, i sanz son fason mazin keksoz. I bezwen plis sipor.

So next year Onorab, ou pou war servis prizon, pe vin ek en demann lo kote lasante. Bann servis lasante ki nou pou bezwen fer plis kolaborasyon avek Minis Lasante li menm.

Because it's a big problem. It's a big problem - I would not deny that but it's a social problem it's a national

problem ki byensir i afekte servis prizon. E lo konteks lekipman sekirite nou pe gannyen la sa lannen, nou pe al enstale la nenport ler *full body X-ray scanner* pou Montagne Posée.

Apre nou annan enn ki pou ganny, ki'n ganny bidzete 2024 ankor en lot pou 2025. malerezman pou nou, nou bezwen fer sa an staz. *Thank you.*

MINISTER ERROL FONSEKA

Mr Speaker mon kapab azout en pwen ek sa?

MR SPEAKER

Yes, Minister.

MINISTER ERROL FONSEKA

Mon krwar i enportan pou reasir dimoun ki tou sa bann *security equipment* li. Me selman en pli gran *challenge* nou annan ek Montagne Posée, i son *layout* pou annan lakwizin la o bor kot dimoun i pe viv.

Dan lakwizin pou annan prizonnyen ki kwi manze *as opposed to* so tousala in ganny met la lanmenm, lanmenm. E dan sa melimelo, menm ou annan *jammers and all that*, nou pe koz lo mon pa le al dan detay.

Me selman nou pe koz lo *radio signals* sa, *radio signals* i annan dan en *head spot* pa fasil pou konn nou bann *head*

spots. So sa *effort* ki, ki bezwen ganny mete i kontinyen, me selman pa krwar zis sa bann lekipman la *itself* pou rezourd ou problemm.

Mannyer nou *handle the social aspect* avan sa dimoun i ariv dan prizon, ki kalite dimoun i vin dan prizon. I pa kriminel i ed en kantite fason. I en dimoun ki'n, ki'n fini malad ki vin dan prizon akoz i *high lo drugs and all that.*

So, sa *product itself* i en *challenge* menm avan i vin dan prizon. So, *this is the whole template* ki nou pou bezwen get lo la, pou rezourd sa sityasyon. Mersi Mr Speaker.

MR SPEAKER

Mersi Minis. Onorab Bistoquet?

HON ROSIE BISTOQUET

Mersi Mr Speaker. Bonzour Mr Speaker. Bonzour Minis avek ou delegasyon. Annefe, mon pou rebran en pti pe sa kestyon ki i ti demann premye lo kote, *special health needs of the prisoners* ki mon, mon war si nou pa met en travay, en bon travay avek, i pou enn ki pou debord prizon e menm debord lanmen bann travayer prizon.

Mon'n war dan ou *priority settings*, sa i enn ou bann *challenge*. Be selman dan ou *priority settings* mon

pa'n war okenn provizyon. Mon war provizyon in mete pou *appropriate care and safety measures*.

Napa okenn stratezi ki ou'n mete pou prevansyon, sirtou kot i konsern si ou'n dir i annan en logmantasyon dan prizonnyen, ki annan *mental health situations, medical issues, HIV AIDS, Hepatitis C?*

Menm ou'n koz lo *aging population* mon pa war selman dan ou *strategic directions*, kote ki sa ki pou antre sirtou dan prevansyon sa bann maladi? Apre mon'n remarke osi anba ou *PSP 2* transportasyon i annan *hire of vehicles*.

So konbyen transpor ki prizon pe lwe e pou kwa vi ki deza zot annan transpor ki met GS lo la? Mersi.

MR SPEAKER

Mersi Onorab. Minis, nou ava adres bann kestyon pou Komisyoner. A mwen ki ou lev ou lanmen. Komisyoner.

COMMISSIONER RAYMOND ST ANGE

Thank you Mr Speaker. Madanm Onorab, i en bon kestyon. *Challenges and, and targets* pou 2024, ler nou *update* nou *the safety components* nou'n enkli li ladan pou prevansyon.

Nou'n komans en seri kozri avek Lasante e sa pou

ganny reflekte re dan nou *strategic update 2024-2029*. Se pou sa rezon nou'n pous lo Bonne Espoir osi, i pou komans separe.

La aktyelman ozordi nou'n al lo teren Kontrakter ki pe get pou, pou *tender* pou en *low risk facility* pou 40 dimoun, pou nou bouz en pe bann dimoun ki en pe pli malad dan pli bezwen, dan pli *needs* pou met zot dan en sel landrwa, pou tir zot dan sa gran batiman Montagne Posée *Male Block* nou kapab dir, e met zot dan en nouvo *unit*.

So sa aktyelman la i pe komanse la, so ler nou *update* nou plan stratezi pou 2024, ki nou pou soumet la byento, ki enkli sa *line* kot *health and safety* enkli *mobility of age limits*.

Akoz nou pe war osi dimoun ki ganny admet ki par lao 50 an, 60an pe antre dan sistenm, avek *existing comorbidities and existing health issues*. Lo konteks *car rentals*, mon a les *Deputy Commissioner* reponn sa si ou permet li.

MR SPEAKER

Deputy?

DEPUTY COMMISSIONER SAM DODIN

Thank you Mr Chair. Lo kote *car rentals*, *yes* aktyelman nou pe lwe 2 loto avek en bis,

konpare avek dan lepase ki nou ti pe lwe plis transpor - 3 loto 2 bis. E nou'n kapab *reduce* sa apre ki nou'n ganny serten transfer transpor *from* bann lezot Departman dan Gouvernman, ki nou'n ganny sa bann nouvo bis.

E sa in ed nou ek nou sityasyon *hired vehicle*. So pou le moman la nou annan 2 loto avek 1 bis ki nou pe lwe. Mersi.

MR SPEAKER

Mersi *Deputy*. Onorab William?

HON WAVEN WILLIAM

Mersi Mr Chair. Mr Chair, mon ti a kontan demann avek Minis, mon pe sey konpran en pti pe sa, sa demann sorti 116 milyon ekek pou vin 107. E an menm tan mon pe get lo ou *strategic priorities*, kot ou pe koz lo en peryod 3 an.

Mr Chair, mon kestyon se ki pou ed nou kapab konpran e ganny presizyon lo zot bann aktivite, letan zot pe met li koumsa i fer li en pti pe difisil pou kapab konpran. Mon a donn ou en legzanp; par egzanp letan ou pe koz *improve human resources* - kapasite.

An menm tan letan mon get sa litani problemn an term *challenges*, nou pe redwir ou Bidze, mon pe demann mon lekor kestyon se ki

egzakteman, dan sa peryod 3 an me selman mon pou al vote pou 2024 pa pou 3 an.

So, mon anvi ou dir mwan par egzanp *in terms of human resources*, kantite mendev ki ou ekspekte anploye 2024? Akoz lafason ki ou'n detaye la, i pa vreman montre mon egzakteman presi *over the 3 years* kantite dimoun ou anvi anploye.

Prezan kestyon i monte se ki kantite dimoun ki ou annan, konbyen ki ou anvi anploye sak, sak lannen *from 2024 to 2026*? E an menm tan, mon war poudir mon met problemn akoz akomodasyon bann Nepale, me selman sa i bann keksoz ki devret pe ganny rezourd entern. So, *what is really the problem with accommodation of the Nepalese*? Mersi.

MR SPEAKER

Mersi Onorab. Komisyoner, ou ava adrese? Minis.

MINISTER ERROL FONSEKA

Yeah, mon a les *Commissioner* reponn. Be zis pou komanse, i sa bann kestyon ki Onorab in demande, natirelman ou pa pou war li dan Bidze. Me nou annan larepons pou sa e mon a pas sa ek *Commissioner*, silvouple.

MR SPEAKER

Commissioner.

COMMISSIONER RAYMOND ST ANGE

Mersi Mr Chair. Mersi Onorab pou kestyon. *As regards to manpower and needs*, i annan en konponan dan *UNA 4* lagreman ki *the house* in aprouv lo la mersi bokou pou sa.

Ki pou les nou antre dan en *training* avek *UNODC*, ki pou komans fer *UNODC* in *committed to train up to 100 staff*. Ki la nou pe komans koz lo nou *training plan* ki pou enkli *UNODC*.

An menm tan avek bann nouvo fasilite enkli *YOF Praslin*, nouvo sant rimann *Perseverance*, *Bonne Espoir*. E dan *Marie Louise* byensir, *next year sometime mid-year* kekfwa nou a komans apros *Marie Louise* pou komans met li pare.

Nou annan *MOU* avek *Tanzania* e nou osi nou pe *build up* nou lalis *local prospect recruits as well*, ki bann dimoun ki'n montre lentera pou 2024 pou komans travay avek nou. *So we will be needing - we had request towards about 60 staff for next year*.

Byen boner lannen prosenn, nou pou koz avek *Finans* byensir selman nou krwar, avek en *refleksyon* avek en *assessment of needs*, *immediate and urgent*.

Understand ek bann fasilite pou *phase in next year*, mon pe koz *YOF Praslin* mon pe koz *Perseverance* koman sa 2 ki pou vin *online*. *Bonne Espoir* i depan lo ler i komans *konstriksyon*. Nou pe prevwar petet *next year - end year* pou li vin *online*.

We will not need as much as 60 people at the beginning of next year. We will need about 20 so nou, nou diskisyon avek *Finans* avek dan nou *Bidze* ki *hopefully will be approved by the Committee Stage and for the House*, we'll allow us pou diskit avek *Finans* for us to continue *contracting outside* dan rezyon prensipalman avek *Tanzania* avek *Tanzanian Prison Service* avek zot bann *staff*.

And lo konteks ou anvi reponn apre si ou permet mon a pas kestyon pou larepons pou rezidans.

MR SPEAKER

Larepons pou *Deputy Commissioner* pou azoute.

DEPUTY COMMISSIONER SAM DODIN

Ok mersi Mr Chair. *Prensipalman* mon pe tourn ver kestyon lo rediksyon *from 116 to 107* prensipalman sa i akoz nou bann proze ki pe pase sa lannen dan *Bidze* i annan 26.6 milyon pou sa lannen.

Prensipalman *focusing* lo premye faz nouvo *remand center* fasilite Perseverance. E osi *refurbishment YOF* Praslin ki sa 2 proze pe *go as planned*. E lannen prosen definitivman sa larzan i resorti dan Bidze.

So, sa i apepre 13 milyon se pou sa ki i annan sa bes dan *overall budget*. Mersi Mr Chair.

MR SPEAKER

Mersi *Deputy Commissioner*. Onorab eskiz mwan, mon pa pou pran *extra* kestyon la, aköz mon annan 20 dimoun lo lalis ler i ariv a lafen mon pou refer laronn. Onorab Woodcock.

HON WAVEL WOODCOCK

Mersi Mr Chair. Zisteman pou mon *follow up* lo kestyon ki Onorab William in demande regardan sa *Youth Offender Facility*. Kot i konsern *recruitment* e alokasyon bidzeter lannen prosen i annan en sonm R1.2 milyon pou 2024. Lenformasyon ki mon anvi konnen se ki, *manner* zot *recruitment drive* pe ale e ki bann travay deza zot in fer.

E ki bann travay zot anvizaze kontinyen fer lo sa *YOF* pou lannen 2024 e kan ki i pou vin operasyonnel?

E dezyenmman, mon lot kestyon i konsern sa *Operation Atalanta Exchange of Letters*.

Ti annan en Bidze - i annan en alokasyon; annefe sa *Exchange of Letters* in fer provizyon €1.5 milyon *by the European Union to enhance the Marie Louise Detention Facility*.

Mon kestyon i - solman i tonm apepre R21.6 milyon mon kestyon se ki bann travay deza ki'n komans ganny fer Anse Marie Louise, e ki pou kontinyen lannen prosen?

Eski tou sa alokasyon *R1.5 million - Euro sorry* sa €1.5 milyon *will go towards sorry* pa Anse Marie Louise - mon pe mazin Praslin. Marie Louise tou kou mon fer sa pti fot Marie Louise Praslin, Marie Louise - zil Marie Louise.

So, dir mon en pti pe sa €1.5 milyon ki bann travay ki zot pe fer lo sa lo prizon Marie Louise? Mersi bokou.

MR SPEAKER

Mersi.

MINISTER ERROL FONSEKA

Mersi Mr Speaker. Mon a reponn sa dernyen kestyon avan, apre nou a koz lo *youth center* Praslin. Lo kestyon Marie Louise, sa *1.5 the advancement* - nou pa ankor servi sa e i pa dan sa Bidze la.

So, sa i *over and above* ki nou pe fer. *So obviously* pou annan *spills* plis en kantite *spill off* ki pou benefisye nou pou benefisye avek. Me

selman annou pa, annou pa met sa lo la, akoz i pa, i pa kler lo la.

So, mon a pas en pti gin lo ek *Commissioner for the youth center* la Praslin.

MR SPEAKER

Commissioner?

COMMISSIONER RAYMOND ST ANGE

Mersi Mr Chair. Premyerman permet mwan pou felisit bann nou bann vwazen Praslin e remerci *COGA* osi pou zot vizit. Nou pe ganny pa mal asiste e avek bann, bann *Praslinois* mon a dir zot mersi bokou.

Nou pou anmenn en pe larzan akoz, byensir ler nou ouver *officially*, nou pou nou *supplies* mon keksoz ki pou sorti Praslin menm. So sa en benefis. *YOF* li menm *it's, it's - I put it now* Onorab *about 99percent*.

I annan bann latous nou bezwen fer lo serten landrwa. I annan keksoz ki *COGA* in leve. Bann *minor* detay mwan, mon pou mon, mon war li koman bann *minor*, me selman i enportan pou nou fer fini.

E osi nou ti annan vizit Chairman Ziz Renaud avek *Seychelles Human Rights Commission* ki ti vin vizite osi en semenn pase.

Ozordi mon krwar nou annan dernyen, dernyen *round interviews* nou'n ganny

3, 4 dimoun sorti Praslin ki'n enterese pou zot pou travay laba. Nou pou bezwen *nurse* osi so nou'n ganny 3 *nurse* ki'n vin devan pou met zot, zot aplikasyon ki'n ganny *interviewed*.

We are now looking. Obviously nou annan bann *partners* osi ladan Onorab. Par egzanp Ledikasyon, Lasante ki nou bezwen, nou bezwen *align ourselves* avek zot osi.

So kan-kan *Youth Offenders Facility* Praslin i pou ouver, se ler nou pou ganny sa diskisyon avek Lakour avek Prosekiter, pou konnen egzaktaman bann *cases* ki pe vin devan.

Selman *by the end of December we'll be at ready phase*, pou nou fer nou *commissioning*. *We should be operational* avek tou nou bann *SOPs* - bann keksoz final Sanniter, Lasante, *Fire Service* en dernyen letour; sirman administrater distrik i anvi vin gete osi. Pou nou komans resevwar premye set kliyan an Zanvye. Mersi.

MINISTER ERROL FONSEKA

Mr Speaker, mon kapab azout en pti -?

MR SPEAKER

Yes, Minister.

MINISTER ERROL FONSEKA

Yeah, zis, mon le taler mon'n tann Onorab Hoareau ti pe koz en pti gin lo - si oule nou pa war en lavansman dan sekirite. Me i annan en kantite keksoz ki pou anmenn sa prodwir.

Mon'n koz lo sa kalite dimoun ki vini me sa *Youth Juvenile Center* la pou ed en kantite. Met sa ansanm avek sa *Hope Center* ki nou pe al fer pou menm bann pli zenn manrmay ki anba Minister *Social Affairs*.

Tousala nou pe atake *that sort* avan zot ariv sa laz ki parey mon pe dir, ler zot vin dan prizon zot in fini en *issue*. So, en kantite rezilta, bann keksoz ki nou pe fer ozordi ou pa pou war li zis demen, ou pou war li a lavenir. Mersi Mr Speaker.

MR SPEAKER

Mersi. Onorab Labrosse ou kestyon.

HON RICHARD LABROSSE

Mersi Mr Speaker. Bonzour tou dimoun ki a lekout. Bonzour Minis, ek ou delegasyon. Mr Speaker, mon kestyon lo konsernan servis prizon 107 milyon nou pe koz lo la ozordi.

E sa mon konnen i *cater* plizyer lezot depans ki sa servis prizon li menm i donnen. Mon kestyon premyerman pou *panel* devan,

eski an se moman dan prizon la ler nou pe koze.

Eski zot annan bann programm ouswa bann legzersis ki zot fer ek prizonnyen ki zot kapab zot menm kapab ler nou pe dir reabilitasyon, kekfwa zot kapab annan bann programm pou bann prizonnyen ki plante, al lapes zot menm sonny zannimo.

Dan li menm sa i a kapab osi ede pou kapab fournir bann prizonnyen zot menm, i a vin form parti zot reabilitasyon? E si sa i annan kekfwa sa osi i ava redwir en pe nou Bidze pou zot.

Mon dezyenm kestyon Mr Speaker, nou pe koz lo travayer tou kestyon osi in ganny demande bomaten lo la. Eski dan sa Bidze ki nou pe koz lo la ozordi, eski i annan en konversasyon swa en laliny ladan, ki pe koz lo pou ankouraz plis travayer pou reste, ouswa pou atrakte travayer deor, swa ouswa kekfwa bann nouvo *scheme* ouswa si i annan en konversasyon ki ganny fer lo la? Mersi Mr Speaker.

MR SPEAKER

Mersi. Minis, *Commissioner* lekel ki pou reponn? *Commissioner*.

COMMISSIONER RAYMOND ST ANGE

Mersi Mr Chair. Lo konteks bann program reabilitasyon, sa byensir pou lenformasyon sa en program enn, nou travay reabilitasyon. Ki wi, nou lentansyon par egzant 2024 en proze kle se *chicken, raising up chickens for eggs - egg layers*.

Akoz nou anvi entrodwir sa *protein* dan, dan lakwizin, pou *staff* pou kondannen, *inmates* nou bann kliyan, *remand* koman *convict*. E byensir pou *staff* osi. *So that would be* en keksoz ki, ki nou pou komanse *sometime* in 2024.

Landrwa pou zarden i deza la, nou'n komans en proze pou get efikasite sa proze, selman nou'n war ki nou bezwen plis sipervizyon pou fer sa mars tre byen. *So* 2024 en, en lannen enportan pou nou pou-

E toultan nou'n dir avek, avek lokasyon Montagne Posée ler nouvo prizon Bonne Espoir i komans son loperasyon Montagne Posée nou kapab *really focus* lo en *lower risk prison*. Ki pou 100poursan pe travay e pe pouse lo reabilitasyon i enportan.

So ler nou komans tir bann kondannen ki pe en pe pli *risky* pou nou ki pe fer bann keksoz bann dega dan prizon pe lager *whatever*, zot pou war zot Bonne Espoir e

nou pou war en *setting* pli kalm Montagne Posée.

So that will help us out a lot. E Minis in *remind* mwan ki par egzant lo konsonpsyon konteks Bidze, *we are becoming more efficient* lo sa konteks nou pe pli byen kontrol fason nou pe resevwar nou bann *goods - goods received notes* atraver nou *stores*.

So sa travay avek Finans avek bann pwen odit, e menm bann pwen FPAC ki ti leve dan lepase e bann sizesyon osi. Nou'n *take on board* e nou pe war ogmantasyon 54poursan dan 2 an; ogmantasyon kondannen dan sistenm.

E Bidze *food rations* pa'n vremen ogmante *at that rate*, *so it's basically more mouths to feed same amount of budget more facilities* selman nou'n nobou fer li san gran *distress* to kalite.

La nou pe ankor pe fer en plan travay pou *improve* ankor lakwizin en fason nou donn sa servis. Avek-avek plis sipervizyon e byensir avek bann kondannen ki'n ganny selekte pou travay laba. Mersi.

MR SPEAKER

Eski?

MINISTER ERROL FONSEKA

Mr Speaker, ti annan dernyen kestyon ki...

MR SPEAKER

Wi *staff retention*.

MINISTER ERROL FONSEKA

...Onorab ti'n demande lo kestyon atrakte travayer. Sa i toultan en sityasyon, selman an konsiderasyon ki ou, ou pa zis en travayer i bezwen en dimoun ki, ki kapab travay dan sa senaryo.

Parey ou konnen, i annan en ponnyen lenfliyans osi dan prizon, me lefe sa bann sityasyon nou pou touzour bezwen sa *contracting out* parey bann *Tanzanian*, ki pe anmennen, nou pou bezwen en serten eleman etranze dan prizon.

Apre en lot konsiderasyon pou, pou kalkil lo kestyon *labor market*, ozordi i annan *employment is at 3percent 3.8 overall*. So *basically* ou pe koz 1500 dimoun travayer zonm ek fanm 7. So, *this is a* en, en lot konsiderasyon ki nou bezwen war ler nou pe koz lo *employment*. Mersi.

MR SPEAKER

Mersi. Onorab Georges Romain.

HON GEORGES ROMAIN

Mersi Mr Speaker. Minis, mon kestyon i al lo *goods and services* kot nou pe koz *office building rent*. Mon war lannen

2023 ti R972 mil e la in pou 2024 i pres R1.2 milyon, si Minis i kapab eksplike aköz sa logmantasyon? Apre si nou ti kapab konnen kantite *staff* ki annan dan sa lofis?

Mon dezyenm kestyon i trouve lo program 2 anba *transportation and travel cost*, nou'n war kot i ti annan anba *other travel* kot i met *other transportation cost*.

Pou 2023 ti annan R1.9 milyon pou 2024 i annan zis selman R216 mil. En diferans R1.6 milyon *quite* en gran *decrease* mon ti a kontan si Minis i ti kapab eksplike kwa egzaktaman sa aköz sa gran diferans? Mersi Mr Speaker.

MR SPEAKER

Mersi. Likel ki pou adrese silvouple sinyal mwan.

COMMISSIONER RAYMOND ST ANGE

Sorry Mr Chair, mon a pas avek *Deputy Commissioner Dodin*.

MR SPEAKER

Thank you. Deputy.

DEPUTY COMMISSIONER SAM DODIN

Ok thank you Mr Chair. Pou *office building rent* sa se ki aköz avek *increase* bann travayer probasyon e sa lofis i pou lofis probasyon sa baze Victoria.

E avek pli bokou travayer ki'n zwenn zot, nou'n zot in sanz lokasyon lofis en lofis en pti pe pli gran, pou *properly accommodate* zot. E sa lofis definitivman vi ki i pli gran; i annan en kou en pti pe an plis so i pou sa *increase*.

E *as for other transportation cost* - parey nou'n dir bomaten i pou lwe bann transpor ki nou ti pe servi dan lefase. Me parey mon'n eksplike, vi ki nou annan *reduction*, so nou'n kapab *reduce* sa *cost*.

E zis pou mwan note poudir sa *cost* li menm li *other transportation*, i ti bann larzan ki nou'n *vire* pou nou kapab *cater* pou sa kantite servis ki nou ti bezwen anba '*hired vehicle*'. Me aprezan ki nou war nou pa pou sitan bezwen, akoz nou kapab met - nou'n met en keksoz en pe anba kontrol, *in terms of* nou *hired vehicle*, so, i annan sa *reduction*. Mersi Mr Chair.

MR SPEAKER

Thank you. Wi Commissioner oule azoute?

COMMISSIONER RAYMOND ST ANGE

Mersi Mr Chair. Kestyon osi mon krwar i dir konbyen travayer i annan dan sa biro. Si ou pe koz probasyon, i annan - *we were expecting to recruit a few more probation*

office kot byensir, avek Bidze osi i annan *electronic monitoring* ki'n ganny prouve.

Ki en *big task for next year as well* pou enplimant sa. *We were - but right, right now* nou annan apepre 7 zofisyé probasyon dan sa landrwa, *including interview rooms, because* demann Lakour osi pe ogmante, pou fer sir nou bann kliyan i ganny *interviewed* byen.

E zot rapor aktyel i ganny soumet a ler, pa zis sa i annan *Advisory Committee* lo *Pardons* osi pe demann pa mal rapor lo bann dimoun.

So avek *storage space - office space, interview space* nou bezwen agrandi *and hopefully next year* ler nou vin devan Lasanble osi, nou a ganny nou ankor 2 a 3 zofisyé probasyon ki nou bezwen. Mersi.

MINISTER ERROL FONSEKA

Yeah, mersi Mr Speaker. Zis mon le koz en pti gin lo sa probation, ki element lo sa bann zafer social - bann social - on social behaviour oubyen zis met dimoun dan prizon. Nou bezwen *beef up* nou, nou *probation officers* akoz *this is a skilled job*, ou pa pou kapab zis met sa bann manrmay ek en dimoun ki pa ganny *properly train*.

So it's an important job important area pou nou sort of

focus lo la, pou *reduce* en kantite nou bann avan al prizon sa bann *social behaviour* ki pe arive dan pei. Mersi Mr Speaker.

MR SPEAKER

Commissioner, wi.

COMMISSIONER RAYMOND ST ANGE

Mon krwar i enportan Mr Chair, zis pou fer sorti - azout en keksoz lo redwir depans lo *hired vehicles*; nou'n war ki bann Departman zis pe al *write-off* serten transpor. E nou remersye Odit - *sorry* nou remersi Finans.

Nou remersi sa bann Departman ki'n travay avek nou pou pa *write-off* e transfer detrwa transpor kot nou, pou nou servi pou nou aranz en pe pou nou servi zot. Ki'n *at the end of the day it was a cost savings move as well. So I think that's a good legzanp of shared resources* e pa toultan al aste nouvo loto. Selman nou bezwen osi nouvo loto osi. Mersi.

MR SPEAKER

Mersi. Onorab Michel Roucou.

HON MICHEL ROUCOU

Mersi Mr Chair. Bonzour Komisyoner ek ou lekip. Minis anba *current challenge*, en, *challenge* ki zot in mete se ki

mon war poudir i annan plizyer pwen ki'n ganny met anba la. E enn zot in koz en pti pe lo kote *camera* ki'n andomaze e osi *fencing* elektrik, ki ganny *tamper* avek.

Anba sa Bidze la, si ou kapab dir avek nou, eski zot war poudir sa Bidze pou ed zot pou zot *deal* en pti pe avek zot bann *challenge* ki zot annan kot prizon?

E ki mannyer sa i kapab ede pou lev en pti pe sa standar li menm li ki demenler zot retournen pou *next* Bidze, nou war en pti pe sa laliny lo kote *challenging* li menm li in ganny redwir? Mersi.

MR SPEAKER

Mersi. *Commissioner*.

COMMISSIONER RAYMOND ST ANGE

Mersi Mr Chair. Bon kestyon ankor, wi, lo kote *physical security* i annan *aspects of physical control - prem security* i enportan. *So we're doing a hybrid approach* byensir, avek larzan ki nou pe gannyen avek Bidze, pou *improve the physical barriers* ki pa ti egziste vreman dan lepase. tou lannen nou'n azoute, nou'n azoute, nou'n azoute.

E lo konteks CCTV osi, nou pe, nou pe travay ek 3 lakonpanni pe revwar e pe fer sir nou *maintenance* i *stepped*

up. E pe re entrodwir camera CCTV as well, kot Montagne Posée and we expect avek the ongoing works ki pe arive avek sa 3 principal companies ki nou pe travay avek.

E la nou'n azout en 4enm, en 4enm ki pe get dan en lot teknolozi ankor. Ki i ava pou pli byen detekte bann, bann *incursions*, oubyen *attempts* ki parfwa i arive, be selman pa ganny raporte lo la. Mersi.

MR SPEAKER

Thank you. Onorab Mondon?

HON TERENCE MONDON

Mersi Mr Speaker. Mr Speaker, mon annan 3 keksoz, me mon pou demann 2 pou le moman. Mon premye kestyon i konsern *security and enforcement*.

E ki mon'n war dan Bidze - ler mon'n get Bidze 2022, zot ti annan zot ti servi 13.8milyon pou *security and enforcement*. E provizyon pou 2023 ti 16.7.8 milyon be selman ler nou'n fer *Revised Budget* i tonm 13.4 milyon.

E la mon war pou 2024 zot ankor pe fer en provizyon 16.2 milyon. Si oule ler mon pe get tandans 13 a 14 milyon ti en provizyon ki zot ti kapab pe servi. Me selman *still* mon war plis ki 2 milyon an plis pe ganny fer pou lannen 2024.

Petet si ou ti kapab eksplik nou. Petet Minister Finans osi, akoz zot pe gard sa sif lo 16 - plis ki 16 milyon? Kan an realite zot pe ganny zis 13 a 14 milyon? Si i kapab donn nou en *breakdown*, kapab donn nou en *breakdown* lo lafason ki zot pou servi sa 16.2 milyon pou 2024?

Mon dezyenm kestyon Mr Speaker, i konsern *food and ration* ler mon get provizyon manze 2021 e 2022 ti 7.5 milyon. E 2023 zot ti fer en provizyon 7.8 milyon, be an realite *Revised Budget 2023* nou'n ariv 8.8 milyon.

Aprezan provizyon pou 2024 i 9.3 milyon. I en logmantasyon ankor. So, mon war en gran logmantasyon dan provizyon pou manze. Si ou kapab eksplik nou akoz sa logmantasyon? E eski zot pe mezir gaspiyaz e ki nivo gaspiyaz kot manze i konsernen kot prizon? Mersi Mr Speaker.

MR SPEAKER

Mersi Onorab. *Panel? Deputy Commissioner?*

DEPUTY COMMISSIONER SAM DODIN

Thank you Mr Chair. In terms pou security enforcement, logmantasyon 2.8 milyon - annefe pou 2023 sa provizyon Bidze ki ti la, se ki nou ti

ganny larzan pou nou kapab *recruit* 20 zofisyè adisyonnèl.

Me parey ou konnen ler ou ganny sa larzan, ou bezwen annan en prosesis - ou bezwen al ladan *interview*. E sa in kree en lespas parey nou dir *savings* dan sa Bidze.

E parey mon'n mansyonnen ek bann sityasyon *hired vehicle* ki nou ti pe lwe larzan ti ganny tire pou al dan *hired vehicle; transportation* osi tou *cost*. E se pou sa ki in annan sa bes anba *Revised Budget* pou 2023.

Enkli osi larzan in ganny tire dan sa vot ki la sa *line item* pou al dan *food and ration* parey ou'n eksplike, ki mon pou vin lo la en pti kou. E sa in kre sa bes anba *Revised Budget* pou *security enforcement*.

Me parkont, nou prosedir pou nou *recruit* nou 20 dimoun in konplete; bann dimoun pe antre. E definitivman sa larzan zis pe retourn *back* dan parey nou dir dan Bidze pou lannen 2024.

Akoz bann dimoun in ariv la, ok? Zis en *delay in recruitment* in kree sa lespas. *As for food and ration yes*, parey Onorab in mansyonnen, i annan sa logmantasyon 7.5 milyon *from* depi 2019 parey Komisyoner in eksplike.

Nou'n tant pou mentenir *efficiency*.

Me parey nou pe war, popilasyon pe gradyelman e vitman pe monte. E zis en legzanp an Oktob 2021 - 285 dimoun *incarcerated* e la aktyelman nou annan 440. So, lespas 2 an *54percent*.

So definitivman, *as* ki nou parey nou dir ki nou kontinyen mentenir *efficiency*, me i ariv sa letan, kot nou bezwen revwar serten konponan Bidze ki direkteman pe ganny enpakte.

So, food and ration i enn. Nou pou annan bann lezot *item* parey *cleaning*; nou'n mansyonn elektrisite ek delo pli boner. E sa i bann lenpak direk ki i annan letan en popilasyon prizon i monte. So, nou pou revwar ki mannyer nou pou ale 2024.

E si nou pe war poudir Bidze osi *food and ration* pa pou kapab mentenir, *then we need to come back*. Enkli, enkli *price and commodities* osi ki nou bezwen veye e in annan YOF osi ki pe *come into operation next year*. So nou pou pe *monitor* sa laliny en pti pe pre an diskisyon avek Minister Finans. Mersi.

MR SPEAKER

Mersi. *Commissioner?*

COMMISSIONER RAYMOND ST ANGE

En keksoz pozitiv Onorab Mr Chair, se resaman nou'n, nou'n reform nou Komite ki prepar bann *menus* par egzanp. E sa komite i annan kondannen lo la e zot in vin avek e zot osi zot anvi war amelyorasyon.

E nou'n, nou'n met plis lanfaz lo lakwizin e sanitasyon e *cleanliness*. Nou konnen i annan travay pou fer, byensir nou'n, nou'n sanz fason *cleaning* avek bann, bann lekipman ki nou bezwen. So, sa osi pe e byento nou pou fer lanons lo nouvo *menu* ki pe vini, ki enkli serten keksoz pandan bann zour spesyal osi.

Pa kapab oubliy bann dimoun ki kondannen osi, ki mon krwar ki dimoun ava apresye sa osi. *And we're looking at healthy food as well pa zis en ta delwil apre en ta diri all the time.* So, mersi. *Within the context of our budget without increasing.*

MR SPEAKER

Mersi *Commissioner*. Onorab Loze.

HON JOHAN LOZE

Mersi Mr Speaker. Mr Speaker, Komisyoner Lasante in deklare ki nou pei pe fer fas avek lepidemi respiratwar, e zot in sit 3 diferan maladi COVID, *tuberculosis* avek *Influenza*.

E *prison populations* i enn bann landrwa ki plis siseptib avek lenfeksyon respiratwar. Zot ava rappel ki dan bann lannen '90, sa *multi drug resistant variant of tuberculosis* ti ganny dekouver dan bann prizon Larisi. Kot 79 mil prizonnyen ti'n ganny enfekte.

Kestyon ki mon annan pou demann ou se, eski zot annan resours an plas atraver Bidze *contingency*, pou *deal* avek en sityasyon en irzans sanniter i deklare dan prizon.

An fas avek sa ki Minister Lasante pe dir dan pei an se moman? Sa i mon premye kestyon.

Mon dezyenm mon annan zis 2 sa voyaz Mr Speaker, *Superintendent* ou'n les nou konpran ki ou annan ou en lot lepidemi ki ou pe fer ou, ou pe fer fas avek an se moman sa se toksikomanni. E ou'n les nou konpran ki en gran poursantaz i bann toksikomann.

Be vi ki Gouvernman li lo son kote in *fail* pou li *build* en *resident rehabilitation facility* pou bann toksikomann, ki ti pou fer Montagne Posée menm lot kote semen avek ou, mon le konnen si i pou posib pou ou rod resours atraver Bidze natirelman, pou ou devlop en program *in house rehabilitation* kot ou?

En fason ki ou a nobou *process* sa bann toksikomann ki ou annan, pou fer zot mon kapab dir retourn bann sitwayen ki *fit to be re inserted into society*. Vi ki ou, ou le sel landrwa *right now* ki annan zot in *residence as en captive population*. Mersi Mr Speaker.

MR SPEAKER

Mersi Onorab. *Panel*.

MINISTER ERROL FONSEKA

Mersi Onorab pou ou kestyon. Mon krwar Onorab pe koz lo en kantite lo *the preventive side of health* dan prizon, e nou annan *quite a few programs* ki nou pe met an plas *practices* si oule plis. *Commissioner?*

COMMISSIONER RAYMOND ST ANGE

Mersi Mr Chair. Onorab, ankor en fwa tou bann kestyon bomaten ekselan *and on the point*. E lye avek bann lobstak oubyen serten *challenges* ki en *correctional setting* i gannyen.

E la mon pe koz servis prizon Sesel. *I will speak more firstly on yer mon'n koz* avek, avek *CEO Health Care Agency* pou donn mwan en *update* lo en - e gran mersi osi nou pe war dapre zot - nou a les zot fer zot lanons.

Be lo konteks prizon, nou annan en *handle* lo sa ki pe

arrive within the nation on respiratory illnesses. And we have face masks, we have new products ki anfen 2-2 mwan pase zis par kwensidans nou'n idantifye ki nou ti anvi servi dan prizon *more robust, stronger* *cleaning disinfectants*, ki pa *shop off the shelf*.

These are special order items ki nou komans servi dan prensipalman bann *key areas within the prison are CT used* lo peron e dan koridor, *heavily trafficked areas including* lakwizin.

E la byento nou pe al fer en bon netwayaz dan nou *welfare* avek *clinic unit* zisteman pou dezenfekte landrwa. Nou pou fer sa premye semenn Desanm, pou byensir adres bann, bann konsern ki, ki la *nationally*.

En rezon nou pe sorti, nou pe - an 2025 Onorab - nou pe kit deryer sa *history of prison service* oubyen Departman of Prizon, pou vin *a correctional setting, because* zisteman nou war ki pou lenstan *we're the only setting managing multiple issues* avek bann dimoun ki pe antre dan sistenm.

Mental health issues, medical issues, opioid disorders parey ou pe fer resorti. So zisteman, wi, i dan nou plan stratezik nou pe adres sa bann keksoz; nou pe

entansifye nou kolaborasyon avek Lasante. Semenn pase osi nou ganny pa mal bann kontak an deor. En madanm in sorti Langleter pou vin koz avek nou *she's a clinical psychologist*.

E nou war ki nou bezwen met plis lanfaz lo sa bann kalite tretman en lapros, avek bann kliyan ki nou pe war ogmantasyon. *Especially amongst the younger generation*. So nou pe travay tre pros.

Face mask osi pe ganny donnen e i *available as well*. Mersi.

MR SPEAKER

Mersi Komisyoner. Onorab Herminie.

HON WILBERT HERMINIE

Mersi Mr Chair. *Welcome* nouvo *panel*. Mr Speaker, anba program 3 reabilitasyon avek *reintegration*, nou pe war ki i annan en *increase* apepre R1 milyon. E nou war ki sa bann, sa bann program ki bann prizonnyen in travay dan bann serten lorganizasyon.

Serten landrwa i marse, serten ki pa marse. E ki i annan dan sa Bidze - sa logmantasyon 1 milyon pou *deal* avek bann *issues* parey ki nou'n tande, kot fek arive kot *PUC* - si mon pou sey sit en legzanp.

Kot serten dezord in ganny arive, eski sa logmantasyon pou ed zot *deal* avek sa problem ki bann prizonnyen pa byen ganny *ve,t* pou zot al travay dan bann lorganizasyon? Sa i mon premye kestyon.

Mon dezyenm kestyon i anba *PSIP* kot mon war 3 milyon in ganny mete pou maksimonm *security prison*.

Ladan, eski - parey nou'n tande ki Direkter Lentelizans ti dir nou yer, ki i annan serten prizonnyen pe *drug dealer* aktyelman ki pe fer vini, ki pe aste drog *from prison*.

Eski la dan sa nouvo *maximum security prison* ki nou pe fer, ki nou pe depans milyon de milyon, eski sa bann lensidan koumsa pou arete?

Ouswa si pa pe arive zis konfirman ki i pa pe arive? Mersi Mr Speaker.

MR SPEAKER

Thank you. Panel?

MINISTER ERROL FONSEKA

Mersi Mr Speaker. Mr Speaker, taler Komisyoner i a koz lo *program 3 the rehab program*. Zis poudir ou Onorab pou asir ou sa *ice security prison*, i en *one cell prison* ek tou son bann *human rights elements* ladan ki kapab war deor osi.

Me selman son kontrol i pou napa kontak ek sa lot

prizonnyen akote li, in *any way*. *It's not a - i en keksoz ki vremen serye e menm staff menm ki enkli ek pou manage sa pou minimonm. Akoz ou kontrol li zis ek ouver serten keksoz ek elektronikman, i a sorti son toilet tou zafer i kot li.*

I pa pou bezwen marse, *so basically* son manze osi i pou manz - i pou manz dan sa menm landrwa. *So, it's really a single compartment* pou sak prizonnyen, san okenn kontaminasyon ek leres. E minimonm *staff* tousala *electronic control*. *So, it will be a - it is high security prison*. Mersi...

Commissioner koz lo *rehab*.

MR SPEAKER

Commissioner.

COMMISSIONER RAYMOND ST ANGE

Mersi Mr Chair. Zis mon anvi azoute ki Minis pe dir lo Bonne Espoire. *It will be plis ki sa. It will be minimum movement*. La Montagne Posée ou vwar kondannen pe pas isi pas laba. Bonne Espoir pou napa sa.

So ler ou antre dan ou landrwa, dan ou *unit*, ou pa pe sorti. Ou annan akse dan ou *yard*. Ou pa pe ganny kontak avek en lot kondannen. E *internal operations* pou preski asire ki *contamination* atraver *mobiles*, lezot, avek teknolozi

ki nou pou servi *it is going to be almost impossible*.

So, this is why Bonne Espoir pe vini. E sanmenm sa ki nou'n pous en lot *alternative* ki Montagne Posée parey Minis in dir Montagne Posée pou lenstan pe melanz tou dimoun ansanm.

So, sa i en problem. Mon ava pas program-

MINISTER ERROL FONSEKA

Mr Speaker, mon anvi azout en pti gin lo sa Bonne Espoir *part*. Ou konnen problem ki nou pe gannyen, dimoun pe fer keksoz sote *and all that*. Si ou dan – ki pou arive a lavenir si ou dan Montagne Posée, ou pa pe *behave* ou lekor ou pe al laba.

So sa i pou vin en *deterrence* dan son lekor *itself*. I pou vin en *deterrence* ki nou pou vwar en rediksyon *of* sa bann *issues* ki pe arive dan prizon. Akoz en dimoun i *cross laliny*, i pe al laba dan *high security*. Mersi Mr Speaker.

MR SPEAKER

Thank you. *Commissioner* ti annan keksoz ou ti pou dir lo sa *rehabilitation*?

DEPUTY COMMISSIONER SAM DODIN

Yes. Mersi Mr Chair. *In terms of* program nimer 3 parey Onorab in mansyonnen, sa *increase*, sa i *prensipalman*

recruitment pou Praslin, ki provizyon bidzeter in donner sa lannen *partially*.

Me lannen prosenn nou annan en *full year*. E sa i sa *funding* ki'n ganny mete. E definitivman i kree sa *increase*. Enkli bann *allowance* pou osi travay lo en *outer island*. Mersi Mr Chair.

MR SPEAKER

Mersi. Onorab Labonte?

HON ANDY LABONTE

Bonzour Mr Speaker. Bonzour Minis avek ou *panel*, tou Manm koleg Onorab. Bonzour bann zoli zabitan Riviere Anglaise.

So mon kestyon petet *Commissioner* ki merit pe reponn. Ou konnen sa kestyon i en kestyon ki'n ganny demande par Onorab Bistoquet. Apre in ganny ranforsi ankor par Onorab Loze.

Me mon santi ki nou bezwen en larepons en pe pli konkret. I baze lo manda. Ler ou pe get manda Prizon li menm li, se ki parey *Commissioner* in dir poudir, i en *miroir* lasosyete li menm li.

So napa en prizonnyen – *most of prizonnyen* - pa pe viv lavi diran anndan. So, i bezwen ganny re abilite pou li sorti. Dan sa Bidze li menm li *Commissioner*, petet vin en pe pli direk, dir avek nou an

regardan ou manda, ou *achievement* kot sirtou ler in koz lo *HIV and AIDS*. - bann keksoz parey - ou *challenges*, i deza dan ou *challenges* i menm keksoz. E sa bann dimoun zot annan fanmir.

So eski dan Bidze ki la *Commissioner*, i annan larzan ki ou santi or konbyen staf ou annan? Staf lasante, ou petet spesifik ki ou konnen i annan en mankman ki pou ed ou pou kapab *achieve* ou target?

Apre petet mon dezyenm kestyon *in regards to* sekirite travayer li menm li, eski ou santi poudir sa Bidze ki ou annan la i pe ed ou pou fer sir poudir i pe ankouraz ou bann staf pou travay? E zot pe ganny zot sekirite ler zot pe perform zot *duty*? Mersi.

MR SPEAKER

Mersi. *Commissioner*, wi.

COMMISSIONER RAYMOND ST ANGE

Mersi Mr. Chair. Mon a reponn dernyen kestyon avan. *Staff security and safety and staff – let me* profite pou *commend* e dir mersi bokou tou *staff* ki travay dan servis prizon Sesel. Akoz i pa en travay fasil.

Nou ganny pa mal *retention rate* pou sa bann ki resaman pe *improve*. Se akoz fason travay osi pe sanze.

Selman pa vedit nou napa *challenges*.

Avek Lasante nou bezwen plis kolaborasyon byensir. E sanmenm sa nou'n entansifye bann *meeting* avek zot. Parey nou'n dir Vandredi pase nou'n kriy Dr Maloulou e Ms Annalisa Labiche lo bann keston *mental health* e bann sipor zot kapab donn nou. Bann rekomandasyon zot in anmenn devan.

HIV/AIDS osi i en keksoz avek plis *testing* e mon note ki *Prison Act, 2021* osi in sanze pou met plis lanfaz lo *HIV and HIV AIDS awareness*. And plis travay ankor. E yer nou ti dan 19th Kolok ki'n ganny ouver SAVOY. E lanfaz osi ki Minister Lasante pe fer dan rezyon.

Nou'n note bann problem dan rezyon, *HIV*. Selman Sesel bann serten defayans. An zeneral progre ki pe ganny fer. *Commitment* lasosyete, *commitment* Lasanble, *commitment* Gouvernman. E nou *commitment* osi pou entansifye plis ledikasyon.

Wi, nou bezwen plis travayer lasante. Gran mersi nou'n *recruit* en nouvo *nurse* ki pou konmans an Desanm, ki pou baze Montagne Posée. Nou'n idantifye en *nurse* osi pou Praslin.

In a perfect setting we could do with a clinical mental

health nurse, ki a kapab baze Montagne Posée. Sanmenm sa nou pe fer *meeting* avek *Mental Health Services*. So, we are looking for more people within the context of nou Bidze.

Sa nou kapab fer an konteks Bidzeter. Be si nou pa gannyen 2024 byensir nou pe vin tap lo laport 2025. Akoz lasante i pou tou dimoun. Mersi.

MINISTER ERROL FONSEKA

Mr Speaker mon kapab azout en pti bout?

MR SPEAKER

Yes Minister.

MINISTER ERROL FONSEKA

Very quickly Mr Speaker. *The issue of medical support, nurses and all that.* Mwan mon krwar ki osi *Ministry of Health* i pe rod plis dimoun. So, nou pe rod dan prizon, li i pe rod plis dimoun.

So, i annan en mankman dan pei menm *of health professionals*. E sa i en defi vreman, vreman serye. Mersi Mr Speaker.

MR SPEAKER

Mersi Minis. Onorab Lemiel?

HON SYLVANNE LEMIEL

Mersi Mr Chair. Bonn apre midi tou dimoun a lekout. Mr Chair, nou tou konnen ki pli

gran *asset* okenn landrwa travay i son *staff*.

E nou tou nou dakor ki *welfare* nou *staff* i bezwen ganny byen regard ladan, pou ki zot delivre bann bon servis a sa landrwa travay kot pe travay. E la prezizeman Prizon.

Nou vwar osi enn zot bann *strategic properties*, i se ki zot le *improve human resource capacity*, pou li *operate and better manage of the prison*.

E nou vwar osi e *Commissioner* ou'n fer nou konnen ki i annan *staff*, ki'n ganny serten *training* aletranze. Petet la nou ti ava kontan konnen ki kantite staf ki'n ganny sa bann *training*?

E osi ki nouvo *incentive* ki ou annan dan Bidze 2024 pou ou fer sir ki *staff*, i kontinyen ganny sa lankourazman? Enn.

I kontinyen delivre e i delivre plis? *Staff*. pa al rod gous *or whatever from outside*. Akoz i santi ki sa saler ki i pe gannyen i pa ase. Ki ou Bidze 2024 pe fer, pou ou fer sir ki i annan sa lankourazman an term monneter pou ou *staff*?

E osi i annan en leokri an sa ki konsern *overtime*. *Staff* i santi ki i annan bann Tanzanian ki la. Zot pe defreye de tou. Zot saler i o. Zot pe ganny o saler e zot pe travay 75 erdtan par semenn.

E zot ganny zis R1200 *overtime*.

So petet lo la osi ti a bon nou ganny en pti leklersisman, si i annan laranzman *in terms of overtime* ki zot pe mazine aranze. Pou ankouraz travayer Seselwa ki travay kot prizon, pou zot kekfwa amenaz en pti pe lo kote *complain* plis. E a vwar ki prizon osi pe regard dan zot *welfare*. Mersi Mr Chair.

MR SPEAKER

Mersi Onorab. *Panel*?

COMMISSIONER RAYMOND ST ANGE

Mersi Mr Chair. Mersi Onorab Lemiel. Mon ava dir ou, ou konn tre byen osi akoz ou bann vizit ki ou'n fer, bann kontak, ki sa travay i ase dir. E mwan mon dir petet dan Sesel i en travay pli kompleks ki tou.

E sa kalite dimoun ki nou bezwen petet annan de ler i manke. So sanmenm sa mon ti profite pou felisit nou bann *staff*.ki la. *Integrity* i en gran keksoz osi, *because you can pay somebody as much money as you want*.

But if they mank *integrity and they want to* fer keksoz anba, anba zot pou fer li. Selman mon dakor avek ou ki wi *we have to look at better positioning our staff* atraver saler.

We have addressed salary issues with the PSB and nou konnen bann sanzman ki'n ganny fer. Bann commitment ki'n ganny fer. Mon ava dir ki an konpare avek saler en Tanzanian ki en saler de baz, ki i pa pe ganny gratwite.

E si ou vwar ki en zofisye sorti Sesel i pe vwar li dan en pli bon pozisyon, ki en travayer etranze. Especially we are lining our salaries pou especially the Tanzanian.

So that bit is not correct. As concerns the overtime wi i 1200. It is based at overtime and we are trying to fer sir ki with staffing avek supervision ki nou pe sey entansifye ki bann supervisors osi i fer sir ki zot staff. i vin travay. Ki napa sa bann malingering ki arive parfwa.

So, sa nou pe travay for avek resours imen pou fer sir ki nou staff i vin travay. E sa osi in improve. Nou'n vwar en rediksyon lo bann travayer ki tou le mwan, ler saler i vini ou vwar zot mank travay.

Apré zot pran zot off ki zot pa sipoze ganny off kot zot mank travay. So sa pe adrese. Further to correct that, nou pou vwar ki demann overtime pou staff pou redwir. E zot pou fer zot bann erdtan ki nesaser.

Training aktyelman nou'n anvoy en zofisye sa lannen overseas, ki ti ganny

embedded avek the Tanzanian Prison Service. Nou ti annan lekspektasyon pou anvoy en lot sa lannen, be loperasyon prizon avek bann demann ki'n arive; plis remand, escorts and so on so forth.

So nou pou annan en zofisye ki la. Nou pe travay avek li pou le fitir pou 1 an -2 an dan le fitir. Kot i pou ale dan servis prizon.

Nou annan en mank middle management mon kapab dir. Ki sa osi dan nou plan training avek improvements, ki nou pe an diskisyon la avek en education institution Sesel menm.

Ki ler UNODC i konmans zot bann training, nou anvi fer sa atraver sa Lenstitisyon. Ki tou nou bann staf ki egziste pou ganny sa training de baz, tou bann nouvo pou antre dan en lakademi ki Minis osi pe pou lo la. Pou fer sir ki nou standar i leve.

And with standards rising mon krwar ki nou ava dan en pli bon pozisyon dan le fitir pou dir, get nou en pe plis. Osi lo konteks saler.

Me pou lenstan la mon krwar we have to break the old habits serten lese fer ki'n creep in to nou servis. E amelyor fason nou pe travay - performans pou redwir parey nou konnen bann smuggling ki arive. E pou dir "ar mon pe ganny serten saler, mon

bezwen plis alors mon pou les sa antre donn mwan R500. Sa osi i mal. Mersi.

MR SPEAKER

Mersi *Commissioner*. Onorab Cosgrow.

HON WALLACE COSGROW

Mersi Mr Chair. Mr Chair, mon annan de kestyon. Mon kestyon premye i swiv en pti pe lo sa ki Onorab Lemiel in pran apre midi. I konsern reminerasyon bann travayer servis prizon. Mon'n tann en sif la 75 erdtan. I en pti pe alarman. Mon pa konnen si sa i enkli *overtime*, ouswa sa i zot erdtan ki zot sipoze pe fer.

Me selman mon ti a kontan konnen dan sa Bidze ki zot in mete an se ki konsern reminerasyon bann *staff* prizon. Sirtou an se ki konsern par egzanp si zot annan okenn nouvo *scheme of service* ouswa – aköz mon konpran lannen pase ti annan en *scheme of service* ki ti ganny revize.

Me selman i annan serten staf ladministrasyon ki pa ti form par dan sa *scheme of service*. *Now*, eski ou kapab eksplik nou aköz? E ki zot bezwen fer pou zot kapab antre lo sa *scheme of service*? E osi dir nou si i annan lezot tip reminerasyon ki zot pe anvizaze donn bann *staff* servis prizon, en?

Mon dezyenm i an se ki konsern loperasyon servis prizon li menm. An se moman mon krwar zot pe zer de fasilite; Montagne Posée **avek Remand Centre**. E lannen prosenn pou annan ankor de ouswa 3 fasilite ki pou antre anba zot zerans, en?

Mon konsern la i se ki zot in dir zot bezwen apepre 60 *staff*. E enkli Marie Louise osi. Eski ou kapab dir nou ki kantite prepare servis prizon i prepare? Aköz deza la zot loperasyon zot vremen *thin* lo staf. Eski zot in prepare pou sa bann lezot fasilite ki pe vin anba zot lanmen?

Sirtou Marie Louise kot nou konnen i pou en *high security prison* pou bann dimoun ki a *very, very high risk*. So eski zot annan sa kapasite larzan pou kapab zer sa bann fasilite ki pe vini? Mersi.

MR SPEAKER

Mersi Onorab. *Panel?*
Commissioner.

COMMISSIONER RAYMOND ST ANGE

Mersi Mr Chair. Onorab, mersi pou kestyon. Lo konteks *remuneration* avek *overtime* yes, ler zot desot 60 *plus hours and then they are going to 10 hour window of their overtime, they get what we call a commuted overtime*

which is R1200. E it is not – on the context of management we should not be having staff doing overtime. We want them to be home and relaxing.

Malerezman i arive akoz the pressures and the stresses of the operations. Dan en mwan petet nou pe escort 400 ou 600 kondannen pou al medical appointments Lakour, meeting with their lawyers eksetera, eksetera. En ta demann lo nou.

So we did remember recall ki nou ti ganny increase lo salary, nou ti fer retournen ler nou ti koz ek PSB. Nou ti fer cancel en ran lance corporal. E tou dimoun ki ti lance corporal ti vin corporal. Oubyen sa ki ti sipoze vini zot in vin corporal avek logmantasyon saler.

And nou ti re entrodwir en ran sub-inspector. Ki en bon pe letan ti ganny tire dan ansyen striktir. Be in ganny re mete la as of last year. So, i annan bann amelyorasyon lo sa konteks.

As far as concerns as readiness, nou pe angaz avek Finans lannen prosenn; if we use a stage approach, avek sa sipor ki nou pe gannyen avek Tanzania byensir, nou pou dan en pozisyon byensir pou stage a phasing of additional staff kot nou bezwen, ki pou enkli en pe staffing, pou Montagne Posée.

Now once Montagne Posée we start diverting, serten kalite karakter kondannen ki pe vin dan sa sistenm. Ki pa pe vin – par egzanp recidivist.

Nou annan pa mal kondannen ki pe sorti apre retourn de mwan pli tar. They go back to their old habits. Why? Because they have health issues related to addiction.

E zot anvi feed their addiction which is a drug. So, zot napa travay. Zot le al kas lakaz e zot ganny tyonbo. Zot retourn dan sistenm, zot retournen.

Sa kalite dimoun ler zot retournen zot pa pe neserman vin Montagne Posée. Zot pou ganny deal direkteman avek Bonne Espoir. E vre bann other category of inmates pou ganny anvoye Marie Louise. Ki en Bidze separe avek sa funding ki European Union pou fer pou lenstan.

So avek sa konprenezon ek sa understanding, nou pou kapab fer li, wi. Nou pou kapab stage phase in the services, because not all facilities are starting next year January. There will be phased in and we can address sa bann operation needs. Mersi.

MR SPEAKER

Thank you.

COMMISSIONER RAYMOND ST ANGE

Wi, sa enn diskisyon ki ti avek PSB osi ki *health* staf. So, *we are looking at aligning and standardizing*. So sa diskisyon ki pe kontinyen. So, sa en diskisyon ki pe kontinyen. Egzakteman.

MR SPEAKER

Wi. Mr Commettant, i anvi azout keksoz.

DEPUTY COMPTROLLER GENERAL JUDE COMMETTANT

Bonzour. Mersi. Zis pou siport *reply* larepons ki'n ganny donnen i annan sa legzersis ki PSB li osi pe fer pou admin *staff*.

So bann *staff* ki dan Prizon me ki pa tonm anba *Scheme* Prizon li menm pou ganny serten benefis, osi anba sa legzersis ki PSB pe fer.

MR SPEAKER

Mersi *panel*. Onorab Gabriel.

HON CONRAD GABRIEL

Mersi Mr Speaker. Bonn apre midi. *Welcome* nouvo *panel*. Komisyoner dan ou *current challenges* dan ou *bullet 7*, i annan '*poor condition of kitchen equipment; chillers, cooling room leading to faults and failures causing under performance and cost overrun*'

which Onorab Mondon in sey fer sorti. Nou annan *food and ration* R9.2 milyon sorti 8.8 2023.

Dan nou *recent visit* ki nou ti fer kot prizon, FPAC nou ti vwar ki i annan en bon pe pwason ki ti perdi. 900 kilo anviron. Ou a koriz mwan. E sa ti gras a *refrigerating container* or *cooling room* ki ti'n mal *function*, ki ti fer nou fer sa pert. Zis eksplik nou ki zot in fer *so far*, pou kapab elimin en pe sa *food and ration*. Ki zot in fer *exactly*?

E mon dezyenm pwen *Commissioner*, Onorab Herminie in tous en pti gin, mwan mon ti a kontan konnen ki kantite kondannen ki aktyelman pe travay an deor prizon? E ki bann kondisyon ki atase avek? Eski i annan en zofisye ek li? E lekel ki *provide* manze? Si prizon?

Epi finalman mon lot pti pwen mon ti a kontan konnen si zot kapab donn nou en bilan

—

MR SPEAKER

Onorab ou'n met de kestyon. Nou a pran sa de kestyon. Mon annan 6 Manm ki reste pou koze. *Panel*. Sa de kestyon?

COMMISSIONER RAYMOND ST ANGE

Mersi Mr Chair. Wi, ti annan Onorab. Ti annan en

breakdown dan freezer container. E maintenance ti pe travay lo la ler zot in vizite. E mersi pou fer sa resorti osi.

And we did have a loss about 800 kilos of fish si mon mazin byen. And that has been addressed with the fish supplier. Be selman it is a loss. It is our loss ki nou pa kapab recover sa loss.

Me selman we did maintain and get back with the operation avek en replacement lo sa freezer container. E dan nou plan lefitir, we will not be relying lo freezer containers.

Akoz nouvo lakwizin dan proze PSIP new capital project for 2025. Pou 2025 pou enkli storage facilities. Pa pou storage facilities we will not be playing around with freezing container isi, laba. Or containers an zeneral.

Lakwizin osi, wi, nou met sa konman en defayans, aköz nou pa satisfè avek son standar. So byensir nou'n fini idantifye bann nouvo lekipman ki bezwen ganny ordered pou lakwizin, ki manner i egziste la.

E byensir nouvo lakwizin avek lasistans bann konsiltan, ek bann designers, ki pou pli efikas pou nou ler nou relocate nou lakwizin pou rezon sekirite, sanniter e efikasite osi. And so nou pe adres sa bann keksoz.

E lo konteks kondannen lo program 1, ki travay anndan dan Prizon li menm, oubyen dan compound Prizon nou annan apepre 65 a 66 kondannen, ki angaze avek landscaping e maintenance, painting, plumbing, admin, eksetera, eksetera. Lakwizin.

Aprè nou annan apepre 40 ekek kondannen enkli 24 ki baze kot Bois de Rose. Ki pe travay avek serten lakonpanyen anba sipervizyon.

E zot ganny allowance. E sa allowance ki i fer - mon'n fek ganny en rapor update. Sa allowance zot fer sir ki zot pe siport zot fanmir. E laplipar zot pe siport zot fanmir. Zot pe siport zot bann zanfan.

E mon pran lafyerte ladan. Zot kontan ler zot vwar ki tou le mwan, nou pe aprouve pou fer transfer R2 mil, R3 mil dan kont en zanfan. Oubyen zot pe pey en court fine e lezot keksoz ki Lakour in met lo zot; imposed on them lo bann fine ki zot bezwen peye pou restitution. Mersi.

MR SPEAKER

Mersi. Onorab Sandy Arissol?

HON SANDY ARISSOL

Mersi Mr Speaker. Bonn apre midi tou dimoun a lekout. Mr Speaker, mon ti a kontan demann Minis avek

Komisyoner Prizon. E konman en Manm Komite Defans ki ganny posibilite vizit prizon, mon ti kontan profite pou felisit tou bann travayer prizon. Pou travay ki zot pe fer dan en lanvironnman difisil e danzere. Nou apresye travay ki zot pe fer.

Be lo la mon ti a kontan demann zot, avek sa 107 milyon ki nou pe donn zot. En kantite milyon sa. E prizon tanzantan zot ti fer bann netwayaz dan prizon. Kot zot tir bann zarm, zot tir kouto. Zouti lezot.

E la mon aprann poudir i annan anviron *almost* 100 ekek lisyen dan prizon. Ki prizonnyen i servi konman son proteksyon, e ki i anpes bann gard prizonnyen fer zot travay ki zot devret pe fer.

E gard prizonnyen pe ganny menase an relasyon avek serten konversasyon ki pe arive, fanmir i ganny mete dan konversasyon.

So mon ti a kontan demann avek Sirentandan Prizon oubyen Minis, avek sa Bidze ki nou pe donn zot, ki travay ki annan, pou asire ki tou nou bann zofisye a tou moman zot an tou sekirite dan sa travay difisil ki zot pe fer?

Dezyenman, mon kontan keston ki Onorab Gabriel in demande an relasyon avek kalite program ki nou annan pou bann

dimoun. Nou bann *inmates* ki nou apel zot. Parske i annan en kantite konplent an relasyon avek lakantite milyon ki nou donn prizon.

Dimoun i dir ek ou zot zis asize pa fer nanryen. Be la ou'n donn en program. Parske pa bliye nou annan en kantite lalyann anvaisan Sesel. Nou annan en kantite zil pou devlope. Nou annan en kantite later pe rod dimoun pou travay.

So eski i annan sa program kler pour ki letan bann dimoun ki kondannen i al dan prizon, zot konnen poudir i annan sa serten travay ki devret ganny fer? Pour ki parey ou'n dir en larzan i al pou son fanmir i pey son bann det.

An menm tan pour ki Prizon, Sosyal ek Lakour zot ava kapab separ bann dimoun. Sa enn ki'n fer lofans grav konpare, avek sa enn ki son lofans i minim pou li reste deor fer serten travay. Olye met plis presyon lo Montagne Posée kot zot pe fer sa travay. Mersi Mr Speaker.

MR SPEAKER

Mersi Onorab. *Panel?*
Commissioner, wi.

COMMISSIONER RAYMOND ST ANGE

Mr Chair, mersi. E mersi pou keston Onorab. Wi, byensir

programm par egzanp nou'n fek siny en lagreman avek Lanvironnman lo '*Ridge to Reef*.' Pou tir bann plan anvaisan dan serten landrwa dan sid Mahe. E sa pou kontinyen.

Nou bezwen sipervizyon byensir. Nou bezwen serten teknolozi ki dan Bidze la. *Electronic monitoring* ki nou pou servi. Serten keksoz. Mezir dan Lalwa osi i bezwen sanze osi. Mon krwar i *outdated*.

Nou anvi. Wi, nou anvi angaz plis bann kondannen ki pe antre dan sistenm. E lapros la se si zot antre zot ganny evalye pou premye trwa mwan.

Malerezman pou nou, nou annan plis kliyan. E demann avek kliyan pou antre dan program ki nou annan program. So nou pe elarzi kot nou kapab. So konpetisyon osi i en pe feros. Akoz i annan bann lakonpanyen prive ki pe angaz zot avek *casual labour*. Ki zot pa anvi angaz zot avek serten kondannen.

Aprè i annan *behavioural issues* ki nou pe rankontre osi. Nou pe vwar. So, sa bann serten kalite kondannen ki si zot pa *meet* sa kriter zot pa pou kapab angaz zot. *Unless they go through counselling and behavioural modification*

atraver zot psikolog *or whatever*.

Sa i pran en pe letan. So, i en balans. Nou'n avek sa 60 nou annan apepre 100 ekek kondannen ki lo program. Ki dan 100 ekek ki *remandees*, ki pa kapab al lo program.

Selman serten *remands* zot *volunteer* pou ede. Zot siny en lagreman ki dir zot pe fer sa *of their own freewill*. Zot ganny en pti rekonpans *at the end of the day*.

Nou fer sa akoz dan lepase zot in ganny en ta promes in ganny fer poudir fer sa, ou a ganny sa. Apre pa *materialized*. Nou pa fer sa konmela.

So, we want to put more people on programs byensir. Nou anvi ankouraz dimoun ki – nou bann kliyan ki ler zot on program kontinyen, ler zot sorti dan prizon pou ganny lanplwa.

Sa lot laspe Onorab, mon ava dir ki i en problemm osi ki en kondannen ki lo program, ler i sorti i vwar li san lanplwa.

Serten bann Lakonpanyen pe angaz e nou pou remersi zot. Mon pa pou nom zot an piblik, me selman zot pe fer sa zefor. E i tre byen. Nou ava swete ki sa i kontinyen.

Selman lo konteks rod lanplwa, i enportan ki nou bann frer ek ser, akoz nou krwar tou dimoun i bezwen en

dezyenm loportinite, ler zot fini zot santans. E mon ava dir sa osi i bezwen ganny get ladan. Mersi bokou.

MR SPEAKER

Mersi *Commissioner*. Bon zot ava remarke ki nou'n ariv a lafen nou peryod. Me selman mon annan trwa Manm ki reste. E mon pou *extend* en pe pou pran sa trwa. Mon annan Onorab Pillay, Loizeau e Adelaide. E mon pa pou pran lot kestyon. Onorab Pillay.

HON SEBASTIEN PILLAY

Mersi Mr Chairman. Mr Chairman, mon pou al direk lo mon kestyon. Baze lo tou sa ki nou pe tande nou bezwen demann nou lekor, lekel ki ansarz prizon? Se kondannen oubyen se bann dimoun ki pe *manage* prizon?

Prizonnyen i annan gard lisyen. Prizonnyen i annan drwa fer *call* pou *deal* zot bann problemm soz drog. *I mean who is in charge exactly?*

So kestyon ki mon bezwen demande dan sa 107 milyon ki nou pe depanse, *what are we getting out of it?* E konbyen dan sa 107 milyon ki al dan ver travayer prizon pou zot kapab fer en louvraz.

So annou sey *break down* en pe keksoz, en? Par egzanp anba *security and enforcement* ou'n ogmant par 9.9 milyon, *ok?* *Housing* 1.4 milyon, *ok?*

Kwa egzakteman ki nou pe peye avek tou sa larzan, ki pe fer ki nou pe *still* tann sa bann problemm ki pe arive ki nou pe koz lo la. *Where is the problem exactly?*

Eski i annan en evalyasyon ki zot in fer pou zot kapab dir nou kote problemm i ete?

Mon dezyenm kestyon Mr Chairman, i annan bann maladi kronik dan prizon. E resaman i annan enn ki'n perdi son lavi. E mon ti demann ou sa kestyon dernyen fwa Minis ti la, *regarding* Prizon Marie Louise.

E ou ti dir mwan malerezman sa msye in perdi son lavi. Mon konpran zot atriste dan prizon. Me mwan koman en dimoun ki pe reprezant lepep Seselwa. E mon osi reprezant bann dimoun ki dan prizon akoz zot ankor Seselwa. Zot pa'n perdi zot sitwayennte.

Eski ou annan dan sa Bidze larzan pou fer ki ou kapab *manage* bann prizonnyen ki annan bann maladi kronik? Akoz pa bliye la byento ou le al *manage* en Prizon Marie Louise, eski ou annan larzan dan Bidze?

Akoz ler mon pe gete *breakdown* Bidze nou napa bokou larzan pou *improve*, lo kote *management* lasante bann prizonnyen. Sirtou bann ki annan bann maladi kronik.

E mon dernyen pwen Mr Chairman –

MR SPEAKER

Onorab de kestyon. Ou'n poz de kestyon. Nou a pran sa de kestyon. *Panel? Commissioner.*

COMMISSIONER RAYMOND ST ANGE

Mersi Mr Chair. Mersi Onorab Leader Lopozisyon. *I think you have got to back to as legacy issue*, ki mannyer Montagne Posée ti ganny konstrir e design konman en prizon.

E nou osi nou annan pa mal bann konsiltan sorti kot UNODC pou dir demoli sa prizon. Demoli li. *And* mwan mon'n antre 22 Novanm 2017, mon ti met mon plan 2018; mon ti konmans koze 2019, pou met en plan pou fer serten sanzman ki enkli Montagne Posée. Pou rehabilitate, *re-engineer* Montagne Posée.

Konmans ferm li dousman, dousman. Re fer bann pti *unit* ki ti ganny rekomande par UNODC. Ki aktyelman la pe arive. So si ou vwar ki ozordi – e mon kontan ki Lasanble pe koz plis lo la. Akoz sa i met o kler ki pe arive dan prizon.

Me pou en bon pe letan sa bann keksoz pe arive dan prizon. E lisyen i napa en sityasyon – wi nou annan apepre 60 ekek lisyen ki nou'n

siny en Lagreman avek Lanvironnman. Akoz lisyen osi i form par reabilitasyon.

Nenport ki keksoz ki nou fer dan prizon - en kondannen si i anvi fer en keksoz anba, anba i pou fer li. Larepons ki mon pou donn ou se Ladministrasyon ki *run the prison*.

Selman i annan serten kondannen ki sey zot – pou fer keksoz arive. E sa ankor en fwa dan striktir e *confine* sa prizon, fason in ganny *design*, i pou arive. Pa zis Montagne Posée. I pe arive dan rezyon. I pe arive dan nenport ki *service prison system* ki la.

So nou lapros, nou taktik, nou stratezi, se pou annan nouvo fasilite. Konmans *re direct* bann kondannen ki pe ale antre dan nou sistenm, pou anvoy zot dan en prizon kot zot pou santi en keksoz pli feros ki Montagne Posée.

So, sa nou stratezi. E i pou marse li. I pou marse akoz i rekomandasyon ki UNODC osi in fer. In donn nou. In dir fer li koumsa ou ganny en pli bon rezilta.

Selman ankor en fwa mon ava dir, pa tou kondannen ki pe donn nou *hard time* dan Prizon Montagne Posée.

I annan en bann kondannen ki anvi refer zot lavi. E zot apresye sa lapros ki

nou pe servi. Ki nou pe fer avek zot. E zot pe reform zot lavi e zot pe retourn dan sosyete konman bann sitwayen Seselwa ki pou partisipe dan *safer communities*.

Chronic diseases, wi. E i malere pou dir ki ler en dimoun i deor, i deza en kondannen i malad deor, oubyen in malad anndan, *whatever the case be*. Li i ganny son *caring approach* ler i dan prizon.

Nou annan bann rikord pou dir ki ler i dan prizon i retourn lo son *antiretroviral*, i pe fer son bann *test*. I pe pran son medikaman.

Ler i sorti dan prizon Lasante i perdi li. Byensir Lasante i sey al rod li pa vwar li kot i ete, akoz i pa *care*. Ziska ler i ganny tyonbo ankor. I retourn dan prizon e la son *health care* i *takes up again*.

Mwan mon krwar sa en keksoz ki vreman enteresan. Ki nou bezwen konpran psikoloji sa msye oubyen sa madanm ki fer sa. Ki *they do not care about their lives* ziska ler zot retourn dan prizon, zot vwar la zot annan drwa imen.

Yer mon'n tann en keksoz ki'n enpresyonm mwan e mwan osi mon siport sa, pou dir ki *Maurice* pe al get dan en Lalwa pou dir ki *drug users is not a criminal offence*. *Drug*

users is an addiction health issues ki adiksyon.

Mon krwar ki dan sa Lasanble, Gouvernman, i merit tre for lo la pou dir sa bann dimoun ki devret dan prizon la, se bann *drug pushers, drug smugglers, drug barons*.

Sa bann lezot ti frer ek ser la ki *drug users* ki *addict* zot malad. E mon krwar mon ava siport sa pou dir wi, nou bezwen plis. E sanmenm sa nou pe angaz nou avek Lasante pou kolabor plis.

Akoz en ta larzan i al kot Lasante osi. E nou pa kapab negliz nou bann frer ek ser ki malad avek drog adiksyon. E ki anmenn plis lezot keksoz fatal pou zot. Mersi.

MR SPEAKER

Mersi Commissioner. Onorab Loizeau.

HON NORBERT LOIZEAU

Mersi Mr Speaker. Bonzour tou dimoun. Mr Speaker, mon annan zis en pti kestyon vi ki letan pe kit nou. Mon kestyon i plizoumwen lo byennet bann *staff*. Bann travayer sirtou lo sa *youth offender facility*.

Dernyen fwa ler COGA ti vizite, mwan personnelman mon ti vwar ki sa *staff quarters* kot bann *staff* pou dormi i pa *condusive* pou en dimoun, ki pe sorti Mahe pou vin fer sa travay lo Praslin.

E mon krwar mon ti diskrit sa avek Mr St Ange. Kot enn napa *privacy*. E menm ou pe ganny trete konman en *offender*. Ou fason dormi i lo lili beton ek en pti matla lepeser koumsa parey en *offender*.

E i pa ankourazan pou en dimoun sorti Mahe pou vini pou vin travay dan sa fasilite. Alors Minis vi ki mon ti koz avek Mr St Ange, lo sa size mon ti a kontan ki Mr St Ange, i dir nou or ou Minis si dan sa Bidze i annan alokasyon pou adres sa sityasyon?

Pour ki i ava ankourazan pou dimoun ki anvi vin travay dan fasilite zot a santi zot an konfor. Mersi.

MR SPEAKER

Mersi. *Commissioner*.

COMMISSIONER RAYMOND ST ANGE

Mersi Mr Chair. Mersi Onorab. Wi, ou ti fer resorti sa. E petet konman avek mon *background* militer osi, ki ler nou ti dormi dan barak nou apresye ki en landrwa ki ase konfortab. E avek sa lapros.

Me byensir ou pa'n vwar *the finishing of the facility* kot *staff quarters* pou ete. Zot pou dan konfor zot. Nou pe met *air conditioning*. Nou pe met rido. Nou pa ankor mete sa bann keksoz.

E matla pa pou koumsa. Matla pou en pe pli epe. Selman nou realize ki *they are bachelors* osi. *And* nou vwar ki – sansan nou bezwen al fer plis. Anvov plis *staffing* ki – *we are trying to make it as efficient and as robust and as discipline as possible*.

And mon krwar avek bann *Nepales* ki pou al laba avek *Tanzanian* ki'n abitye dormi dan barak. I pa neserman *staff* lokal ki pou laba. *Staff* lokal ki nou'n idantifye pe reste laba *Praslin anyway* dan zot prop lakaz.

So, sa i ed nou. So nou pou met serten *amenities* osi pou donn zot plis konfor. Mon dakor avek ou – akoz mwan osi ler mon ti dan militer dan barak, nou ti anvi keksoz pli *comfortable* pou nou.

So, sa byensir i pou la. *And so*, mon garanti ou sa pou ganny regarde. Mersi.

MR SPEAKER

Mersi. Onorab Adelaide.

HON FRANCOIS ADELAIDE

Mersi Mr Speaker. Bonzour Minis avek ou lekip e tou bann dimoun ki pe ekoute. Mon kestyon i senp. Vi ki *taxpayers' money* pe kontribye sa 7 milyon plis ki 107 milyon pou ede avek sa program pou bann kondannen.

Petet mon ti ava demann Minis ouswa Komisyoner.

Eski petet a lavenir i annan bann program ki zot pe fer, pour ki prizonnyen zot menm zot osi zot kontribye *towards* zot *welfare*?

La mon pe dir travay en fason ki nou kapab koup sa 107 milyon pou redwir en pti gin.

An menm tan petet nou pe koz lo zafer *Pension Fund*. Ki i annan ki pou petet i pou bezwen sorti. Zot osi zot a kapab kontribye pou zot *Pension Fund* pou nou met larzan en pe plis dan sa fon. Pou ki tou dimoun i benefisyé. Mersi.

MR SPEAKER

Mersi. *Commissioner*.

COMMISSIONER RAYMOND ST ANGE

Mersi Mr Chair. *That is part of* – en bon kestyon osi. Tou kestyon i bon. Me selman nou'n vwar ki nou'n konmans fer en kolaborasyon avek *Pension Fund* avek Sekirite Sosyal avek Lazans Proteksyon Sosyal.

E nou vwar ki en bon pe nou bann kondannen, ler zot sorti la zot zanmen kontribye swa dan *Pension Fund* oubyen pey Sekirite Sosyal. *Because* zot pa pe travay. So, i alarman pou nou vwar sa.

So nou pe – sanmenm sa sa program i enportan pou

entrodwir en lavi travay kot zot kapab aprann en keksoz.

E dan nou nouvo *recruitment* nou pe fer vini en *supervisor* ki pou *run* pli byen nou *carpentry workshop*, avek serten program pou donn zot sa *skillset* ki zot kapab konverti sa dan en lanplwa deor.

Nou anvi koz par egzantp avek *SIT*, avek lezot lekol. And *also* vi ki nou pe *run* en lakwizin avek *Hotel School*. Nou'n deza mansyonn sa. Pou donn zot en *outskilling* kot zot kapab ganny en *skill*. Kot zot in aprann dan prizon i ganny *recognize*. Pou zot ganny en pti travay ki zot kapab kontribye dan *Pension Fund* pou zot prop byennet dan le fitir. I enportan sa. Mersi.

MR SPEAKER

Mersi *Commissioner*. Nou ava termin avek sa. E nou a pran poz. Vi ki nou'n *extend* en pti pe nou a kapab *extend break* osi. E nou a rebran 2 er 30. Mersi.

Mersi bann zofisyé ki'n la avek nou pou sa sesyon. E nou swet zot bon depar e bonn kontinyasyon. Me Minis mon krwar nou pou vwar li apre midi. Mersi.

(BREAK)

DEPARTMENT OF POLICE

MR SPEAKER

Bonn apre midi tou dimoun pou kontinyasyon konsiderasyon Bidze. Madam raporter ou ava apel Minis ek delegasyon silvouple?

Bonn apre midi ankor Minis pour Zafer Entern, Errol Fonseka. E lo konsiderasyon Bidze *Seychelles Police Force*, nou annan Mr Ted Barbe *Commissioner*, Mr Joseph Bibi *Assistant Superintendent* e Danny Labonte *Financial Controller*, Mr Francis Songoire *Deputy Commissioner*. Byenveni zot tou pou konsiderasyon Bidze Departman Lapolis lo paz 271 ziska 279 pou en total 488 milyon R810 mil.

Pou konmanse nou apel Minis pou fer prezantasyon sa Bidze.

MINISTER ERROL FONSEKA

Mersi Mr Speaker. Bonzour tou *Leader* Lopozisyon, *Leader Business* e tou Manm. Ankor enn fwa bonn apre midi.

Mr Speaker, Bidze *summary* Bidze pou Departman Lapolis in ganny alokasyon pou 2024. R488.810 milyon. ki en logmantasyon de R46.891 milyon lo *Revised Budget 2023*.

Brief summary; lo kestyon *wages and salaries*. I annan en *increase* 17.377 milyon. An rezilta detrwa

sanzman dan *wages and salaries* e serten bouzman dan sa *area*.

E osi dan *goods and services* en rediksyon 6.799 milyon dan *goods and services*. Avek sa Mr Speaker, mon a resevwar bann komanter, kestyon Manm Lasanble. Mersi Mr. Speaker.

MR SPEAKER

Mersi. Permet mwan repas lo mon lalis. Mon annan Onorab Monthy, Samynadin, Roucou, William, Bastienne, Lemiel, Uranie, Herminie, Loze, Gill, Gabriel, Esparon, Cosgrow, Onorab Henrie ek Onorab Woodcock. E Onorab Pillay. En moman, wi. Onorab Henrie, Onorab Woodcock, Onorab Pillay e Onorab Vidot.

Onorab Mondon, wi. Byen. Vi ki – Onorab Adelaide. Vi ki tou dimoun in lev lanmen ansanm mon a balans en pe. Mon a pran enn en kote, enn lot kote. Koumsa. Onorab Monthy.

HON PHILLIP MONTHY

Mersi Mr Speaker. Bonn apre midi Mr Speaker. Bonn apre midi Minis, *Compol* e ou delegasyon. Ler mon pe get program 3 *response services* e program 4 *detective services* in annan en rediksyon dan alokasyon.

Pourtan selman parmi zot bann *challenges* i annan ki

relye direktteman avek sa de program. Tel parey labsans nouvo teknolozi pou detekte krim. Oubyen mank resours pou kapab pran bann mezir proaktiv.

So avek en rediksyon dan sa de program, ki mannyer zot pou adres sa bann *challenges* relye ek sa de programm spesifik?

E apre mon annan en kestyon ki mon ti deza anvoye pou Minis vin reponn, mon ti ganny dir demann pandan letan Bidze. Ki konsern *utility belt* pou bann zofisye lapolis.

So ki demars ki Departman Lapolis pe fer, pou ki sak zofisye i annan en *utility belt* avek bann lekipman neser ki zot bezwen pou desarz zot responsabilite?

Oubyen eski sa Bidze pe fer provizyon pou ki maksimonm oubyen tou zofisye lapolis, i annan en *utility belt* pou servi ler zot pe desarz zot responsabilite?
Mersi Mr Speaker.

MR SPEAKER

Mersi Onorab. Minis ek *panel*.

MINISTER ERROL FONSEKA

Mersi Mr Speaker. Mon ava pas avek *DG Bibi* pou reponn sa dernyen kestyon. Apre *Compol* a reponn sa premye de kestyon.

MR SPEAKER

Mersi. Wi *DG*.

DIRECTOR GENERAL JOSEPH BIBI

Mersi Mr Speaker. Mersi Manm Onorab pou ou kestyon. Ou kestyon i viz ver *response services e detective services* lo en bes dan zot Bidze.

Mr Speaker, ki mannyer mon kapab eksplik sa, se ki sa de *area* nou definitivman pe fer serten travay sirtou avek *detective services*. Pou nou re organiz en pti pe nou *detective services*.

E petet ou pa vwar sa alokasyon direktteman anba *detective services*. Me neserman si i annan rezon pou nou met ankor en pe plis larzan dan *detective services*, souvandfwa nou osi get anba nou bann lezot program. Parey program 2 ki nou vwar *general policing* pou nou kapab asiste kot i neser.

Me vwala ki mon kapab reponn Mr Speaker. Mersi.

MR SPEAKER

Komisyoner pou pran 2enm pwen.

COMMISSIONER OF POLICE TED BARBE

Mersi Mr Speaker. Bonn apre midi tou Manm Onorab. *Utility belt* nou'n deza fer antre serten sonm. Si ou le nou ti deza annan son belt la si ou le.

E sa bann akoutreman ki vin avek nou'n fer antre la. I annan 2 semenn pase, lapolis in tir en serten kantite. Me *as we go along* nou pou *replenish*. E nou annan la pou nou partaz avek bann polisye. Mersi Mr Speaker.

MR SPEAKER

Mersi. Onorab Lemiel.

HON SYLVANNE LEMIEL

Mersi Mr Chair. Premyerman, enn, permet mwan pou mon felisit e dir mersi Lapolis Sesel. Pou bann travay ki zot pe kontinyelman fer pou zot kapab annan deteksyon. E ede dan detekte bann krim ki pe arive lo nivo kominote.

Ler mon lo sa size Mr Chair, mon ti a kontan demann *Commissioner* Lapolis sid was Mahe ki son *main station* i Anse Royale, zot annan zot zis en transpor. Koriz mwan si mon mal.

Mon ti pe regarde aköz sa in toultan en leokri lapolis, an sa ki konsern transpor, *either* pou patrol or pou bann lezot *response* ki zot annan pou fer.

Eski Bidze 2024 pe fer provizyon pour ki Anse Royale, ki mannyer mon ganny en konpran zot bezwen zot apepre 4 transpor pou zot lefikasite. E zot bezwen plis mendev osi.

Eski Bidze 2024 pe fer provizyon pou kapab donn sa *mother station* laba, en pe plis

transpor pou zot kapab deservi la kominote pli byen?

Dezyenmman anba '*small vessel and marine police*', mon vwar en alokasyon ki pe ganny fer anba *other goods and services*, en *allowance to students*. Sa in sorti 96mil sa lannen pou vin 120 mil. Eski mon ti a kontan ganny en pti pe plis leksplikasyon aköz sa logmantasyon? Mersi.

MR SPEAKER

Mersi Onorab. *Yes, Minister? Compol* in lev lanmen. Ou kapab pran laparol.

MINISTER ERROL FONSEKA

Avan mon donn laparol *Compol*, zis mon pe dir i pa vre i annan zis en transpor. Me apre i annan en lot stratezi nou a koz lo la. Me selman mon a les *Compol* kouver avan.

MR SPEAKER

Compol.

COMMISSIONER OF POLICE

TED BARBE

Mersi Mr Speaker. Transpor ler mon pe get lo lalis pou Anse Royale, la nou annan apepre 6 veikil ki atase avek Anse Royale. Me neamwen i annan de sirkonstans kot i annan transpor ki bezwen al garaz.

E sa i fer en besman. Me si transpor i al garaz e Anse

Royale i *lack or any other* rezyon i *lack* transpor nou aziste kot nou kapab.

Me selman mon pe *read* nou sityasyon la mon vwar 6 transpor ki atase avek Anse Royale, *right now* lo nou papye. I pa vedir ki petet napa ki dan garaz la. Me selman nou annan sa.

Manpower recruitment nou toultan fer. Me parey mon pe eksplike la, *recruitment* pou zofisye lapolis i pa en keksoz ki fasil. Akoz nou annan dimoun ki vini. Nou annan aplikan ki vini, me apre pou serten sirkonstans nou pa kapab pran zot dan lafors sekirite parey lapolis.

Nou annan plizyer sirkonstans ki nou pa kapab pran sa bann dimoun. So, me selman pou *ongoing recruitment* sa i egziste e nou pa pou kapab arete. Akoz *needs* ki lasosyete i bezwen, nou pou bezwen tanzantan pe fer recruitment. Mersi Mr Speaker.

MR SPEAKER

Mersi. Minis, ou annan keksoz pou azoute.

DIRECTOR GENERAL **JOSEPH BIBI**

Mersi Mr Chair. Mersi Onorab pou ou kestyon. An se ki konsern *marine police*. Avek *marine police* avek Minister Lanplwa, nou annan en

understanding ki bann etidyan ki annan en lentere.

Bann etidyan 16an 17an ki montre en lentere pou zwenn *marine police*, nou ofer sa servis. Kot nou met zot lo 1an *attachment* pou zot devlop en pti pe zot rev.

E nou annan detrwa lannen ki apre zot santi poudir *this is* keksoz ki zot anvi fer. E la zot ganny sa sans pou zot swiv *the proper program recruit* kot lapolis. *And then from there zot join marine police*. So, sa i en *understanding* avek Minister Lanplwa. Mersi bokou Mr Chair.

MR SPEAKER

Mersi DG. Onorab Samynadin.

HON KELLY SAMYNADIN

Mersi Mr Chair. Bonn apre midi Minis avek ou delegasyon, e tou dimoun a lekout. Minis enn zot bann priyorite stratezik se pou kree en lanvironnman ki pli an sekirite pou tou sa ki reste, travay e vizit Sesel.

E mwan mon kestyon dan laliny *visible policing* kot mon'n vwar en logmantasyon sorti 194 milyon pou ariv 207 milyon. Kwa ki nou pe ekspekte davantaz an sa ki konsern *visible policing* an 2024 pou reisi kapab *achieve* sa target?

E dezyenmman mon kestyon i an term sekirite bann zofisye madanm dan bann stasyon lapolis. In annan bann plizyer rapor kot bann madanm in ganny agrese fizikman. Menm seksyelman, *sexual harassment* pandan ki zot pe travay.

So mon ti ava kontan konnen atraver sa Bidze, pou reisi kapab garanti ki nou bann zofisye madanm, i santi zot dan en latmosfer travay ki pli sekirize e pli *condusive* pou zot travay ladan, kwa ki zot pe mazin vin avek pou garanti sa? Mersi.

MR SPEAKER

Mersi.

MINISTER ERROL FONSEKA

Mr Speaker, mon ava reponn en pti gin sa kestyon apre petet *Compol* ava anvi *add to that*. Sekirite madanm, sekirite msye, sekirite lapolis.

Ler ou antre dan lapolis madanm ek msye ou en polisye, e ou bezwen annan menm kalite sipor an zeneral

E sa *job* i pa en *job* senp. So nou bezwen osi dimoun ki kapab fer sa louvraz. Lo kestyon sekirite, en keksoz ki – okenn zofisye i pou konpran e son radyo i son sekirite. Son radyo i la pou li ler i pe vwar en sityasyon pe arive, pou li kominike. Pou li averti, pou li

prevwar; pou li donn en pti *update* ki pe arive.

Tousala pa vedir ki sak dimoun ki ou annan, ou bezwen detrwa dimoun pou okip li. Non. Ou vin dan sa Lafors Lapolis pou ou travay konman sekirite. Ou bezwen konn servi ou bann zouti. Ou bezwen konn prevwar sa bann sityasyon.

Ou'n bezwen *rehearse* ki ou pou fer ler en serten sityasyon i arive. Tousala i vin par bann *training* ki ou bezwen fer. So annou get pa madanm pa msye. Annou get en *officer* ki mannyer i bezwen protez son lekor. *Compol* petet ou ti le azout lo la silvouple.

MR SPEAKER

Compol?

COMMISSIONER OF POLICE TED BARBE

Mersi Mr Speaker. *Anyway*, zofisye madanm, zofisye msye dan lapolis zot alike. Zot parey tou le de. Zofisye madanm, zofisye msye, zot konnen poudir si zot – zot konnen zot annan patrol zot pa zot tousel annefe. Zot konnen zot annan patrol zot annan sant komann. Zot patrol *in fact* dan *area* kot zot pe responsab.

Si i annan okenn- mon pa pe blanm zofisye. Mon pa pe blanm personn, selman mon pe donn mannyer i devret ete. Si i annan okenn demann

par okenn dimoun ki dan nou *custody*, ler nou konnen nou, nou tousel nou bezwen rod men for.

Nou konnen nou, nou tousel, nou pa pou al ouver en kaso. Nou tousel en konparezon ouswa fer nenport ki lezot *request* ki nou konnen nou bezwen men for.

So nou bezwen *outsource* avek nou patrol aköz nou pa nou tousel. Nou pe travay dan en tim. Sa i enn.

Akoz nou menm gard. Fanm gard, zonm tousala i parey. Zot gard parey Minis in dir. Lo size *visible policing* nou toultan pe *move forward* pou nou fer monte en pti pe nou – *upgrade* nou servis ki nou donnen.

Parey nou annan dan nou *review* avek nou *strategic plan*. Se sa revi ki nou'n fer se nou pe travay pou nou amelyor servis ki nou donn popilasyon.

So enn bann keksoz ki nou pou fer se ogmant nou *visibility* ki enn nou keksoz primordyal. E osi nou pe profesyonnalizm lafors, moderniz lafors. Nou osi bezwen lekipman -serten lekipman pou nou *accommodate*, donn sipor sa zonm, sa fanm ki pe travay.

So teknolozi osi pou *come into place*. Nou bezwen bouz lapolis pli devan. Mersi Mr Speaker.

MR SPEAKER

Mersi *Compol*. Onorab Herminie.

HON WILBERT HERMINIE

Mersi Mr Chair. Byenveni *Compol* avek ou tim. Mon pou al en kou dan *PSIP* pou lapolis. Mon vwar i annan en bon pe bann proze renovasyon ki zot in mete. Apard sa enn *major* lo lapolis stasyon santral.

Larestan bann lezot proze mon vwar li zis bann pti *amount*. Ki ler mon pe gete zot pe metli konman renovasyon avek *upgrading*.

Eski sa larzan i sifizan pou sa kalite renovasyon ki zot ti pe al fer? Aköz ler mon pe gete parey si ou pe gete i annan landrwa R100 mil, R60 mil. Sa mon mazine zot pe al zis penn.

Eski sa kalite finans ki zot in gannyen anba *PSIP*, pou ase pou fer sa kalite renovasyon total ki zot ti anvi? Sa i enn.

Lot topik ki mon le koz lo la i *regarding sub program 2*. Kot mon vwar anba '*housing*' i annan en sonm ki'n aparet sa lannen ki pa ti la 3.1 milyon.

Si Minis i kapab donn nou en pe detay lo ki kantite lakaz zot pe lwe? Kote zot pe lwe? Konbyen zot pe lwe sa bann lakaz? Mersi.

MR SPEAKER

Mersi. *Panel?* Minis?

DIRECTOR **GENERAL**
JOSEPH BIBI

Mersi Mr Chair. Mersi Onorab, pou ou kestyon. An se ki konsern renovasyon Mr Chair, se ki nou bezwen kontinyen *upgrade* nou fasilite ki nou annan. E sa bann sonm ki ou vwar se en travay etrwat ki lapolis in fer ansanm avek SIA. E i en kolaborasyon ki pe anmenn nou bokou fri.

Se akoz nou kapab ganny bann *costing* ki pli pre avek sa ki nou ekspekte petet kontrakter pou pran, pou nou fer nou bann proze an se ki konsern renovasyon. E akoz nou bezwen kontinyelman fer renovasyon pou met nou bann zofisye dan pli bon konfor.

Me an se ki konsern proze li menm lannen prosenn, nou annan proze pou Perseverance *Police Station*. Ki osi pou ganny mete konman en *mother station*. Kot la nou pou kapab *deploy* nou bann zofisye *from* Perseverance, pou zot kouver sa bout nor ki pou baliz avek Beau Vallon.

E sa pou permet nou met zofisye pli pre avek lakominote. E *from there* osi nou pou kapab annan nou sistenm kominikasyon ek komann, ki nou pou kapab resevwar lenformasyon avek nou bann zofisye lo *scene*.

E sa i kapab permet nou *deploy* nou bann *asset*, parey nou bann transpor pou ariv pli pre avek la kominote. Sa se an sa ki konsern proze Mr Chair.

An sa ki konsern *housing* nouvo, se ki Out/Septanm nou ti fer serten transfer nou bann zofisye sirtou lo nou zil Praslin, La Digue. E pou en premye fwa nou ti vwar sityasyon kot nou ti bezwen lwe bann lakaz, pou nou met nou bann zofisye ki sorti Praslin ek La Digue.

Akoz normalman nou ti fer sa Mahe pou al Praslin ek La Digue. Pa *the other way around*. E alor sa in fer ki nou bezwen lwe bann landrwa pou nou met nou bann zofisye dan konfor.

Sa an sa ki konsern sa ki ou vwar anba *housing*. Mersi Mr Chair.

MR SPEAKER

Mersi. Eskiz mwan DG, lo renovasyon son pwen esansyel se si sa bann larzan ki i annan i satisfezan pou fer en diferans. Zis si ou kapab donn en repons lo la silvouple briyevman.

DIRECTOR **GENERAL**
JOSEPH BIBI

Yes, Mr Chair. Mersi. Wi, akoz nou'n pran kont konbyen nou pe peye pou sa lannen ki nou ladan la. E sa in permet

nou *forecast for 2024*. So nou satisfè Mr Speaker. Mersi.

MR SPEAKER

Mersi. Mon'n vwar Mr Commettant in lev lanmen. Eski ou ti annan – Minis ki'n lev lanmen. Minis?

MINISTER ERROL FONSEKA

Mersi Mr Speaker. Mr Speaker, mon ti anvi reponn sa kestyon poudir sa bann *investment* lo la i sifi pou lot lannen. Natirelman lannen apre nou pou kontinyen. Me pou lot lannen i sifi. Mon pas ek Mr Commettant.

DEPUTY COMPTROLLER GENERAL JUDE COMMETTANT

Bonn apre midi tou dimoun. Zis pou konfirm sa ki Onorab pe dir. Sa ki Onorab ti pe demande e ki larepons ki nou'n donnen.

Ler nou ti pe fer Bidze pou *PSIP* pou Departman Lapolis i annan serten proze, ki ti'n deza konmanse dan lannen 2023. Se pou sa ki ou vwar sa larzan 2024 i paret pti git.

Akoz i *basically* zis pou konplet. Swa konplet swa pou pey *retention*. So, i pa pou sa proze total li menm.

MR SPEAKER

Mersi Mr Commettant. Bon, nou apros nou prosen

kestyon. Onorab Georges Romain.

HON GEORGES ROMAIN

Mersi Mr Speaker. Bonn apre midi Minis avek ou delegasyon. Minis, mon kestyon i en kestyon ki ti ganny demande dan Lasanble pa tro lontan.

Kot nou ti ganny dir ki lapolis Anse Etoile pou napa renovasyon pou fer, pou fer en *forensic lab*. Me par kont mon'n vwar dan Bidze i annan en R60mil ki pou *upgrading* Anse Etoile *Police Station*. Si Minis i kapab eksplik nou en pti pe lo la?

Apre mon vwar anba *financial assets* kot i annan sa konstriksyon sa *marine police*, kot mon vwar R42 milyon.

Si Minis osi ti kapab eksplik en pti pe, si sa i pe al konmanse? E si i ti kapab dir vreman ki bor sa konstriksyon pou ganny fer?

Apre-

MR SPEAKER

Onorab, ou'n demann de kestyon.

HON GEORGES ROMAIN

Ok.

MR SPEAKER

Anse Etoile e *marine police*. Nou a retourn lo ou si i annan letan. Mersi.

HON GEORGES ROMAIN

Mersi.

MINISTER ERROL FONSEKA

Mersi Onorab, pou ou kestyon. Mon a reponn ou de kestyon. Wi, natirelman nou fer *forensic lab*. Selman nou bezwen prezerv sa *building* osi fer li zoli. So nou bezwen *invest* pa zis – ou konpran mwan. Nou bezwen fer en louvraz konplet. Sanmenm ou vwar sa larzan.

Lo kestyon 42 *it's a grant. A Japanese Grant to do the Organized Crime building pou deal avek organized crime lo lanmer and all that. So, sa kot i sitey? I sitey pa tro lwen ek isi an Perseverance. Mersi Mr Speaker*

MR SPEAKER

Sorry. Non, mon zis anvi fer sir ek Onorab Romain ki son kestyon lo marine police in ganny kouver, akoz mon'n tann Minis zis dir kote i pou ete. Se tou? Mersi, ok. Bon, nou a move on. Onorab Uranie?

HON ROCKY URANIE

Mersi Mr Speaker. Bonn apre midi Minis ankor en fwa avek nouvo delegasyon. Bon, mwan mon premye kestyon i baze lo ler mon pe get *transportation and travel cost*.

Mon vwar ki *domestic air fares* in desann. E osi *bus, taxi* avek *ferry fare* in desann.

Pou mwan ler mon pe get bann zofisyé Lapolis Digwa sirtou bann manman ki'n kit zot zanfan deryer, in aktyelman ganny transfer Mahe.

E mon pe vwar ki larzan in desann. Eski sa bann zofisyé lapolis ki'n kit zot zanfan deryer La Digue, eski i ganny kouver avek en sonm pou zanfan kapab monte vin vizit zot paran? Oubyen zot paran kapab desann vin get zot? Sa i enn.

Apre nou'n koz en pe lo *harassment*. Mon krwar *Compol* i okouran akoz mon'n deza met dan son latansyon, vi ki enn zot ban priyorite stratezik se pou devlop *trust* avek *community*.

E nou pe vwar ki La Digue mon pe ganny ankor konplent konmkwa zofisyé lapolis pa tou. Me i annan pe kontinyen *harass* bann dimoun ki zot detenir dan kaso. So, mon pe gete ki zot pe fer konsernan sa? Pou anpese ki sa bann sityasyon i pa devlope lo nou zil.

Apre zis pou kontinyen lo
–

MR SPEAKER

Onorab. Ou'n met de kestyon la.

HON ROCKY URANIE

Non i *link* li. Sa 3 milyon zis pou ganny en repons konbyen zot pe lwe avek sa 3 milyon? Apepre konbyen lakaz zot pe lwe ki fer tonm sa 3 milyon? I en kontinyasyon en pe dan laliny kestyon Wilbert Herminie ki zot pa'n reponn. Mersi.

MR SPEAKER

Wi i en lot kestyon. Minis, ale.

**COMMISSIONER OF POLICE
TED BARBE**

Mersi Mr Speaker. Mon pou pran en pti pe lo *harassment*. I pa natir – i pa zanmen nou lentansyon pou *harass* okenn deteni ki dan nou *custody*. E mon pou dir sa la.

E mon senserman pe dir poudir sa deteni even si i dan *custody* i annan son *right* li. Okenn zofisyè lapolis napa nanryen pou fer avek li konsernan pou *harass* li dan nenport ki manner. I dan *custody* aköz in fer en lofans. I enplike dan en lofans eksetera. Me pa pou ganny *harass*.

Me mon ti a kontan fer sorti poudir si i annan okenn deteni e i annan pe raporte annefe, par la gran kantite, me bann ki santi poudir zot in mal ganny trete, zot pe raporte poudir i annan sa.

E parey nou tou nou konnen ki la anndan nou

annan *internal affairs* ki *handle* bann *complaint against police*. E sa deteni i annan son *right* pou li vin fer son konplent. E nou fer *investigation* ase *thorough*.

E sa ki krwar poudir i dan limit Komisyoner Lapolis nou met devan nou *Tribunal*. Me sa ki krwar poudir in go *beyond* nou anvoy Ankour. So, i annan sa *mechanism* pou nou *handle* sa.

E annefe nou pe travay pou nou *build* sa *trust*. Pou nou *bridge the gap* ant piblik avek lapolis. Se nou bezwen piblik. Piblik ki nou lanmen drwat si ou le. Piblik i fer en kantite pou nou.

E nou depan en kantite lo zot. So, sa *trust* ki nou enterese avek. E zofisyè i tann mwan nou pa la pou *harass* personn *unnecessarily*. Mersi Mr Speaker.

MINISTER ERROL FONSEKA

Mr Speaker, sa size i vremen serye ki zis mon le *reinforce* ki nou'n pran aksyon ek dimoun avan. E aköz the – plis *organization culture* manner en polisye i azir ant li menm, ant son dimoun, ant piblik i par sa reform ki nou pe fer.

Tou sa larzan nou pe demann zot la si nou pa sanz fason fer keksoz bomaten mon'n dir Bidze i enportan. Me selman i pa zis Bidze ki nou pe get ladan. Mon a pas

ek DG pou koz lo *the domestic air fares*. Thank you.

MR SPEAKER

DG.

DIRECTOR GENERAL
JOSEPH BIBI

Mersi Mr Chair. Mersi Minister. Annefe, nou annan an plas ki bann zofisye ki abit lo bann zil zot ganny en *trip* par mwan. E bann zofisye zot ganny *brief* lo la letan ki nou pe fer prosedir transfer.

Sa an se ki konsern ler ou vwar *air fares* avek *boat fares*. Nou plizoumwen ankouraz *boat fares* otan ki posibil. Me nou konnen i annan bann letan parey letan vandswet. Ouswa i annan bann kondisyon medikal e la nou opt.

E sa *regional commander* i send en dokimantasyon pou siport son pwen e pou li ganny *file proper*. Pou dir sa dimoun pou tel rezon in ganny *air fares*.

An se ki konsern bann landrwa lwe. Lo Mahe nou annan 7 pou le moman. E sa i pou bann zofisye ki'n sorti Praslin ek La Digue. Mersi Mr Speaker.

MR SPEAKER

Mersi DG. Onorab William?

HON WAVEN WILLIAM

Bonn apre midi Mr Chairman. Bonn apre midi Minis, *Commissioner* avek son delegasyon. Mr Chair, mon ti a kontan demann avek Minis, letan mon pe regard anba bann *current challenges bullet point number 1*. Mon anvi demann Minis sa bann kestyon swivan.

Premyerman, enn, si i ti kapab dir nou akoz swivan kestyon Onorab Lemiel in demann ou konsernan transpor sid was Mahe, mon anvi demann avek zot konbyen transpor ki aktyelman zot annan?

Akoz ler mon pe regard lo sa *bullet point number 1*, zot in dir poudir zot annan en long lalis bann transpor ki dan garaz. So pou nou kapab konpran byen en pti pe.

Akoz si nou pe koz *visible policing, community policing* ensidswit, si zot napa ase transpor i difisil pou zot kapab ofer piblik en bon servis.

So, mon ti a kontan zot dir nou konmsi konbyen transpor la ki zot annan? Konbyen dan sa bann ki zot annan ki dan garaz? Konbyen ki pe marse? E ki zot plan pou zot re aste bann transpor? Sa i premye kestyon Mr Speaker.

Dezyenm kestyon se ki, konsernan mendev. Mon ti a kontan zot eksplik mwan lo kote sid was. Akoz baze lo bann resers e kominikasyon ki

nou annan avek bann stasyon, zot pa pe *operate* avek *full* lekup lo bann *shift*.

So ki fason zot pou vin efikas – ki kantite dimoun ki zot manke la? Akoz ki arive se ki, si zot kree en ekspektasyon deor la, me nou pa vreman konpran poudir zot dan problem, nou pou ganny blanmen.

So nou anvi konpran en pti pe egzaktman problem vizavi servis zot pe ofer piblik la deor. Mersi.

MR SPEAKER

Mersi Onorab. *Panel*.

DIRECTOR GENERAL **JOSEPH BIBI**

Mersi Mr Chair. Mersi Onorab pou ou kestyon. Veikil ki nou annan i 126 ki nou annan. E aktyelman la ler mon kit lofis pou vin isi, nou annan 15 ki dan garaz.

E ki prosedir pou nou *acquire* lezot transpor se ki, aktyelman nou dan *process* la pou fer aste 4 moter pou nou ed nou seksyon trafik. Mersi Mr Chair.

MR SPEAKER

Tre byen. Lo *staffing* sid was Mahe, lekel ki pou adrese?

COMMISSIONER OF POLICE **TED BARBE**

Mersi Mr Speaker. *Manpower* dan lapolis parey mon'n dir pli

boner, i toultan *an issue*. Mon'n deza dir dan en *previous* sesyon isi kot ler ou gete nou piblik i *highly* demanding.

Konmsi si ou gete toultan ou ou krwar ou annan ase *manpower*. Ou kapab *train* en 30tenn apre i ganny *fuse*. On dire ou pa konnen kot in ale sa tim.

Me ki mon le dir *manpower* i en *issue*, wi. Me selman ler nou dan en rezyon, nou konn - sa *mother station*, i konn egzaktman kantite stasyon bann *sub* ki tonm anba li.

E nou tou nou konnen nou ti a voudre the *ideal manpower* dan – tanzantan nou fer. Nou annan ki vini. Nou annan ki ale. Nou annan ki efikas. Nou annan ki pa efikas.

Me nou kapab fer bann keksoz *jointly* si ou le. Nou konnen nou annan *issue* transpor, i enn. E *manpower* i de.

Me nou kapab si nou konn nou distrik byen nou fer sa *proactive policing*, nou antre avek *intelligence-led policing as well*, nou kapab kouver avek en pti gin ki nou annan, fer the *maximum*; efektifman si nou strategize nou patrol ek nou bann *deployment availability*. Mersi Mr. Speaker.

MR SPEAKER

Mersi.

MINISTER ERROL FONSEKA

Mr Speaker, zis pou reasir Onorab en pti gin, *to support* ki *Commissioner* pe dir; ki lapolis in konmans fer *now is making more use of the car system*. Pou kapab *map out* kote bann *issue* i ete. Ke ler i arive pou fer son *deployment* vin pli efektiv.

Akoz initil ou *deploy* dimoun nenport ler dan en rezyon, si ou pa ekspekte serten bezwen dan sa *area*.

So, sa *intelligence-based* baze lo la e sa *car system* i ed nou. I pa ankor *fully* vin *into use*. I annan en kantite data ladan ki ou bezwen *analyse and all that*.

Me sa i en bann keksoz ki nou bezwen fer. Nou bezwen servi *proper intelligence-based policing*. Sansan ou kapab annan en kantite dimoun. Selman ou pa pe *target* zot *at the right place*. So lapolis in konmans travay lo sa bann *area*. *Thank you*.

MR SPEAKER

Mersi Minis. Onorab Loze.

HON JOHAN LOZE

Mersi Mr Speaker. Mr Speaker, zis de kestryon parey ou'n dir. Mon premye. Kestyon personnel dan lapolis *in come up*. Alors mon anvi demande ki provizyon zot

annan, zot pe fer plan vizavi *staff retention*? Sirtou zot bann plizyer eksperyanse ki'n la *de longue date*?

Alors ki provizyon *either* atraver zot *scheme of service* pou *retain* zot bann polisye eksperyanse?

Mon dezyenm kestryon i pou ou *Compol*, eski ou annan okenn provizyon bidzeter konsernan governance dan ou lorganizasyon, *internal governance*. E pou *train leadership*. Pa polisye. Me zot menm zot lo kad *management leadership*.

Rezon mon pe demann ou sa. Se aköz nou, nou annan en konsern serye nou. Nou santi ki zot lapolis possibleman zot pe les zot lekor ganny servi, pou pran bann aksyon; ou pa pran okenn aksyon vizavi bann oponan politik la gouvernans.

Mon a met en legzanp devan ou. *Leader* parti *United Seychelles* son lakaz in ganny kase 4 fwa dan sa dernyen 2 an. E son madanm in ganny atake lo *fitness trail*, kot zot in aktyelman vol son telefonn.

E ziska prezan ni va, ni nouvel - nanryen pa'n ganny fer. Menm si in donn zot *footage camera*. So, mon annan en konsern. E mon ti a kontan si ou adres sa kestryon *governance within* lapolis. Mersi Mr Speaker.

MR SPEAKER

Mersi. *Panel.*

**DIRECTOR GENERAL
JOSEPH BIBI**

Mersi Mr Chair. Mersi Onorab pou ou kestyon. Mon a pran sa kestyon lo *staff retention*. Annefe, sa i en *area of* kritik pou nou. Akoz nou ti a kontan kit bann zofisyè, sirtou pli ale ou akimil leksperyans avek lannen, pou kit zot dan lafors.

E nou travay tre dir. Tre dir. Menm parfwa i annan bann *staff* ki eksprim zot dezir pou ale, nou zwenn zot sirtou lo kote *human resources*. Nou asize nou met bann fe devan zot, pou zot vwar poudir *it is a beautiful* karyer ki zot pe fer. E ankouraz zot pou zot reste. *Ok?* Reste.

E osi nou aktyelman angaze avek *TGMI*. Pou nou osi travay lo en *updated policy* lo *staff retention*. E aktyelman semenn le 20 nou annan sa enteraksyon, pou nou zisteman annan en proper dokimantasyon lo ki mannyer nou pou fer.

E ki bann semen ki nou pou pran pou gard nou bann zofisyè dan lafors. Mersi Mr Speaker. Mon a pas avek Komisyoner pou dezyenm kestyon.

MR SPEAKER

Mersi. *Commissioner?*

MINISTER ERROL FONSEKA

Yes, Mr Speaker, lo kestyon *governance and leadership*. Sa i en program serye ki pe arive dan lapolis. E lo kestyon *leadership* nou pe servi en kantite bann *course TGMI*. Nou pe ganny en ponnyen lasistans *from* nou bann *specialist support*, ki nou pe gannye *from the British team*. Ki pe ed lapolis fer sa *review*.

So, i annan en kantite parey mon'n dir boner sa *organizational structure and governance* ki enportan.

Mon ti a kontan vreman reasir dimoun ki lapolis pa viktimiz personn. Mon a les *Compol* reponn en pti gin sa sityasyon ki'n ganny raporte. Me napa okenn viktimizasyon ki arive dan lapolis.

Dan lepok lontan mon konnen nou ti pran rasta, nou ti koup seve. Sa pa pe arive *anymore*. Nou ti fer sa. Zot ti ganny lord pou fer sa bann zafer. Sa pa pe arive. So, *Compol answer* sa *question, please*.

**COMMISSIONER OF POLICE
TED BARBE**

Mersi Mr Speaker. Mersi *Minister*. *Anyway*, lapolis i resevwar okenn konplent *from* okenn dimoun. I resevwar osi si ou le konplent en dimoun i fer kont lezot dimoun. Ouswa bann viktim bann krim. E tousala i ganny *process* kot

stasyon parey pou tou dimoun.

E *CID* i *take up* bann apropiye pou *CID*. E lanket i ganny fer. E prosedir se ki *whoever is the complainant*, i bezwen ganny *updated progress of the case*. E nou dir sa *until disposal of the case*.

So an kestyon la *whoever* i viktim ouswa bann latak or kase, bann *break ins* ki'n arive, si i dan lanmen lapolis i bezwen pe ganny *investigate*. E *update* i devret pe ganny fer.

E mon ava verifie la an sa ka partikilye la, si i annan serten kominikasyon ki'n ganny fer *or not*, e mon a fer li *accordingly* pou prosedir i ganny swiv parey pou tou lezot dimoun. Mersi Mr Speaker.

MR SPEAKER

Mersi *Compol*. Onorab Bastienne?

HON DESHIELA BASTIENNE

Mersi Mr Chair. Bonn apre midi Mr Chair. Bonn apre midi Minis ankor ek ou delegasyon. Mr Chair, mwan mon kestyon i ti pou konsantre plis lo *current challenges*, ki mon vwar i annan bokou, bokou defayans.

E malerezman mon premye kestyon *DG Bibi* ti fini reponn atraver en kestyon lo kote Lopozisyon, lo stasyon lapolis *Perseverance*. Me selman mwan mon ti a kontan

ganny en garanti ki sa nouvo stasyon lapolis pou demare an 2024.

Akoz ler nou get kote *'lack of conducive work environment'* e osi *'overcrowded space'*, *Perseverance* pa pe ganny eparnye.

E mon dezyenm kestyon mon ti pou kontan tou lo *community policing*. Akoz lo kote *'lack of equipment to conduct proactive patrols'* mon krwar nou tou nou konnen ki *Perseverance* i annan en gro problemm kot patrol i konsernen.

Tou resaman nou'n eksperyans bokou *disturbance*. Tel ki domino, lager, zwe lanmizik ziska bomaten. E bokou konplent nou'n gannyen sorti kot bann zabitan.

Alor mon pe demande si dan sa Bidze kot i annan sa provizyon kot transpor enkli drayver, pou ganny konsidere pou *Perseverance*. Sirtou *Perseverance* pe kouver de gran distrik. *Perseverance* li menm enkli Anse Etoile. Mersi.

MR SPEAKER

Mersi Onorab. *Panel*.

COMMISSIONER OF POLICE TED BARBE

Mersi Mr Speaker. Nou garanti poudir dir avek

konstriksyon Kordgard Perseverance bann servis ki pou ganny donnen laba, i pou an plis.

Annefe i pou an plis aköz lefe i reste parey DG in dir avan, i pou kouver from Perseverance ki en gran landrwa si ou gete. Ziska Glacis- *I mean* Beau vallon aköz Glacis osi pou ganny kouver ladan.

E zot ava zwenn ansanm Beau Vallon avek Perseverance i zwenn ansanm. So, ou annan plis patrol definitivman.

Nou'n komite pou nou fer sir ki vi ki kord gard Anse Etoile pou annan en lot fonksyon, *then* Perseverance i pou ekipe avek plis dimoun.

Zisteman i pou ekipe avek plis landrwa. Pou - *even parking* tousala i pou annan. I pou annan plis landrwa pou provizyon pou detansyon. Pou annan landrwa pou bann gard si ou le, i parey barak dan serten sans.

E parey DG in dir oparavan, i pou annan sa fasilite pou fer sa *Joint Command Centre* avek bann lezot *entity*. Parey *DRDM, Fire services*, eksetera.

So, Perseverance pe viz ver modernite. E se sa ki nou pou kouver parey nou'n fer dan nou *strategic review*. Se nou pou annan bann kordgard

as *we go along* ki pou annan sa bann kapasite.

So ekspekte plis patrol. E ekspekte pli bon servis si ou le - *availability, visibility* eksetera. Perseverance i gran e prenon kont ki i pou ariv Beau Vallon mon pe repet mon lekor i pou annan sa bann kapasite. Mersi Mr Speaker.

MINISTER ERROL FONSEKA

E zis pou azout sa Onorab, pou annan en *family unit as well* Perseverance. *Family unit*. Mersi.

MR SPEAKER

Thank you. Onorab Gabriel

HON CONRAD GABRIEL

Mersi Mr Speaker. *Welcome* nouvo delegasyon, *panel*. Mon pwen in ganny tous en pti pe par Deshiela Onorab Bastienne. I ti konsernan sa bann lekipman ki depi lannen pase, nou ti annan gro problem *issue* ek sa.

Zis dir nou dan sa 498 milyon la ki egzaktman ki zot in fer pou sa - elev sa sityasyon? E mon lot pwen *Compol*, depi ler mon dan sa Lasanble ou'n tous lo sa size *Police Academy*.

Mon ti a zis kontan petet pou zabitan Pointe Larue osi eski sa nou pa kapab *turn li out into a police station*, petet? I a tir en pe presyon lo Anse

Aux Pins ki deza vreman annan en bon pe *issue*.

So basically, mon ti a kontan ganny pwennvi *Compol* lo la. Ki egzaktaman zot annan pou fer avek sa *Police Academy* li menm *in the future*? Mersi.

MR SPEAKER

Mersi. Mon pou fer en komanter. E mon pa pe vreman viz Onorab Gabriel. Me selman nou bezwen realize ki nou pe kestyonn lo Bidze. E depans lo Bidze. Bann program lapolis, *policy* lo *harassment and* ensidswit, i bann size ki devret vini dan *Question Time* pou Minis.

So, mon anvi ki Manm i *focus* en pti plis lo size Bidze ki annan pou lapolis. Me selman *never mind* nou a les *panel* reponn. Nou annan lekipman e plan pou *Police Academy*.

DIRECTOR GENERAL **JOSEPH BIBI**

Mersi Mr Chair. Lo lekipman tou le lannen nou fer provizyon pou nou improve lo lekipman.

Me selman mon anvi fer en komanter lo lekipman. Lekipman nou bezwen osi avan ki nou *purchase* nou bezwen fer nou pti resers, pou vwar *what is available there*. Kwa bann keksoz ki pe dan inovasyon osi ki pe arive.

Pou nou kapab prepar lantrennman e osi ekip nou bann polisye avek bann lekipman ki en pe pli modern. Sa enn.

Me zis pou reasir Onorab, se ki de semenn edmi pase nou'n resevwar bann lekipman, an se ki konsern pou nou ekip nou bann zofisye lapolis ki dan *forefront* lo semen. Pou zot santi zot en pti pe pli an sekirite; en pti pe pli prezan lo semen.

Parey Komisyoner taler in dir nou ti deza annan bann belt. Be la nou'n rod bann lekipman pou nou met ladan. Pou nou ekip nou bann polisye ki lo *forefront*. Mersi Mr Chair.

MR SPEAKER

Mersi. *Compol*?

COMMISSIONER OF POLICE

Mersi Mr Speaker. Mersi Onorab, pou sa kestyon *regarding* Pointe Larue. *Police Academy* nou pa pou *turn* li *into* en stasyon si ou le. *It used to be in the past*. Ti annan en bout kot nou ti fer stasyon.

Me nou napa lentansyon fer sa la. Me plito servi fasilite Anse Aux Pins parey nou pe fer avek *Perseverance*. Agrandi en pti pe servis ki Anse Aux Pins pe donner.

Parey nou toultan dir zot *you go up to* Au Cap laba apre *Fairy Land* i zwenn zot *somewhere*. Akoz si nou pou

organiz en stasyon ankor, nou pe mazin ankor plis zonm pou nou met ladan.

So nou pa pou fer li koumsa. Nou pou sizere ki nou fer parey mon'n dir avan. Se pran zonm ki Anse Aux Pins. Si nou annan nou *beef up* Anse Aux Pins e nou agrandi son ziridiksyon si ou le. Mersi Mr Speaker.

MR SPEAKER

Mersi. Onorab Esparon?

HON REGINA ESPARON

Mersi Mr Speaker. Mr Speaker, mon pou retourn ankor lo size renovasyon kordgard. Lannen pase ti annan en sonm 2 milyon ki ti ganny mete pou renovasyon kord Kordgard Glacis. Me selman ziska prezan nanryen pa ankor ganny fer.

E la mon pe vwar ankor i annan en sonm R100mil ki'n ganny mete, pou sa renovasyon kordgard. Eski sa de larzan pou ganny met ansanm ek kanmarad? Parski travay pa ankor ganny ni menm konmanse. Mon ti a kontan en leklersisman.

Mr Speaker, mon lot kestyon i pran 4 parti me selman i en sel kestyon. Enn bann *current challenges* dernyen *bullet*, se sa sityasyon deplorab ki bann Nepale pe reste ladan, *ok?*

Mon kestyon Minis ki kantite Nepale ki atase avek Departman Lapolis? Konbyen larzan dan sa Bidze ki pe ganny depanse pou lwe lakaz pou zot? Eski lakaz ki deplorab oubyen eski lizyenn ki sa bann Nepale pa pe anmennen pa ala oter, pa lo standar? E kwa ki pe ganny fer pou remedye sa sityasyon? Mersi Mr Speaker.

MR SPEAKER

Mersi. *Panel?* Wi Mr Commettant ou ava adrese?

DEPUTY COMPTROLLER GENERAL JUDE COMMETTANT

Yes. Thank you Onorab. Mon pou pran sa kestyon lo renovasyon Glacis *Police Station*. I annan Bidze ki nou'n mete this year 2023. E dernyen lenformasyon ki nou ti gannyen *from SIA* se ki proze ti'n ariv lo staz *tender*.

Larzan ki nou pe mete dan Bidze lannen prosenn, i pou kontinyasyon sa ki pou konmanse *basically* sa lannen. So nou pa ekspekte pou perdi sa R2 milyon vi ki proze sipoze pe konmanse la.

E pou konplet proze sanmenm sa alokasyon ki'n mete pou 2024.

MR SPEAKER

Mersi. Sityasyon Nepale, *DG?*

DIRECTOR **GENERAL**
JOSEPH BIBI

Mersi Mr Chair. Mersi Onorab pou keston. An tou dan lapolis la nou annan 103 Nepale, *hmm?* 103 Nepale e sa bann Nepale nou annan pou le moman zis 4 ki zot, zot pe reste dan en lakaz Glacis. E nou lot 100tenn zot, zot dan de landrwa. Enn Perseverance, epi Bois de Rose.

E nou ti a kontan met zot dan bann fasilite en pti pe pli byen parey ou konnen Bois de Rose i annan bokou aktivite, bokou mouvman. Kree bokou lapousyer, bokou tapaz.

Me selman le problem se ki lespas pou met sa kantite dimoun I en *issue*. Me selman nou'n konmans diskisyon avek detrwa endividi, pou asiste nou dan sa demars pou nou kapab met zot dan en landrwa en pti pe pli konvenab ki zot pe viv ladan aktyelman.

Mon krwar mon'n reponn ou keston Onorab. Mersi Mr Chair.

MR SPEAKER

Apepre, wi. Mersi. Onorab Gill?

HON CHURCHILL GILL

Mersi Mr Chair. Mon keston se zofisye sorti Finans, in dir ki menm si nou pa vwar larzan la dan sa *PSIP* pou lapolis, sipoze in konmanse sa larzan I la. Me

selman pou kord gard Baie Ste Anne i pa ankor konmanse li.

Selman an menm tan mon pa vwar li la. So si mon ti a ganny en lide ki bor i ete? E si ou dir mwan i kot *SIA* i vedir ki *SIA* ler nou get la kantite distrik i annan en kantite proze.

Then si ou kapab donn nou be konbyen sa larzan ki *SIA* in met akote ki sipoze Bidze lannen 2023? Mersi.

MR SPEAKER

Thank you.

MINISTER ERROL FONSEKA

Mersi Onorab. Onorab, mon krwar mon ti reponn ou sa keston apepre de semenn pase. Mon ti dir ou i dan *suspense account*. Be mon a les Finans kouver li. Selman mon ti reponn ou sa. Mersi.

MR SPEAKER

Finans pou adrese. Silvouple, Mr Commettant?

JUDE **COMMETTANT**
DEPUTY **COMPTROLLER**
GENERAL

Yes, actually parey Minis in dir *basically* dan Bidze 2023, menm si ou pe get dan *Revised Budget* ou pa pe vwar sa larzan. Sa i akoz i annan larzan pou Baie Ste Anne *Police Station actually* dan *suspense account* ki ti'n ganny

carried forward. An vi *delay* pou enplimant sa proze.

E dernyen diskisyon ki nou'n ganny avek *SIA*, se ki dokiman pe ganny finalize pou *tender* proze. *Ok.* Minis pe advise mwan ki in *actually already* kot...

MR SPEAKER

Mersi. Onorab Roucou?

HON MICHEL ROUCOU

Mersi Mr Chair. Bonn apre midi a tous. Minis, si ou kapab dir nou i annan bann – nou vwar poudir lapolis in retourn ankor pou vey bann lans. E nou pe gete eski i annan okenn bann lenfrastriktir ki pou ganny mete? Ki pou ed bann zofisye lapolis spesyalman bann zofisye madanm, ki pe vey bann landrwa parey lans, lo bann *trail* li menm li?

Apre dezyenman, an term lo kote *marine police* ankor. An term lo kote bann bato ki zot servi, ki leta zot ladan? Eski i annan oubyen i annan bann nouvo bato ki zot pou gannyen, pou kapab ed zot travay li menm li? Mersi.

MR SPEAKER

Mersi. *Panel?*

DIRECTOR **GENERAL**
JOSEPH BIBI

Mersi Mr Chair. Mersi Onorab pou ou kestyon. Rezon ki nou

ti relans bann zofisye lapolis ete lo bann lans, se pou nou kapab *manage* ek en pti pe sa sityasyon, kot nou bann viziter ki nou depan en kantite lo la; pou zot kapab santi zot an sekirite. E sa i rezon akoz nou ti *activate* sa.

E mon pran kestyon an se ki konsern bann fasilite. Pou le moman nou pe advise zot plizoumwenn servi bann fasilite ki a zot dispozisyon. Parey bann lotel. E la kekfwa bann *owners or bann guest house*, bann lotel ki baliz ek lans ofer sa servis avek nou bann zofisye lapolis. Akoz zot osi zot pe kontribye dan nou lendistri tourizm.

E dezyenman an se ki konsern *Marine Police Unit*. *Marine police* aktyelman la i ekipe avek trwa bato. Nou annan en *RIB* la ki *fully functional*. Nou annan enn ki *phoenix* osi i *operational*. Nou annan *MPU 05* ki lo Praslin, ki *operational*. Nou pe travay lo enn aktyelman la pou nou *restore* son masin. Nou aste nouvo masin pou met lo la.

Epi nou annan enn ki nou bezwen fer bann pti louvraz *electrical* avek. So *basically*, la pou le moman, *marine police* pe *operate* ek trwa bato. Enn lo Praslin e de lo Mahe. E nou anvizaze ki premye *quarter next year*, sa enn ki pou son *engine* i a'n

kapab *vin fully operational*.
Mersi Mr Chair.

MR SPEAKER

Mersi DG. Onorab Cosgrow.

HON WALLACE COSGROW

Mersi Mr speaker. Mr Speaker, mon bezwen konmans li koumsa; bonn apre midi tou dimoun *by the way*. Mon santi ki i pa en problem lapolis. Me selman mon santi ki poudir Gouvernman ozordi, i pa pe donn nou tou laverite; zot pe koz lalang avek nou. *Now, sa-sa Statement –*

MR SPEAKER

Onorab- Onorab- Onorab, silvouple.

HON WALLACE COSGROW

Mr Speaker, be i koumsa sa!

MR SPEAKER

Ou pa kapab kontinyelman lans lakizasyon lalang, isi laba. Silvouple nou lo Bidze silvouple. Nou lo Bidze la. Fer ou pwen. Fer ou pwen ou byen demann ou kestyon lo Bidze.

HON WALLACE COSGROW

Mon ava klarifye sa Mr Speaker.

MR SPEAKER

Nou pa dan sa sesyon pou nou zis ki Gouvernman pa pe byen

fer. Ki Gouvernman pe soz. Nou pe konsider Bidze Lapolis.

HON WALLACE COSGROW.

Ok mersi Mr Speaker. Mr Speaker, Bidze Lapolis ki devan nou i R488 milyon. Me par kont nou fek aprann la ki i annan larzan dan *suspense account* ki pou *rollover* lannen prosenn. Ki vedir ki Bidze lapolis i bokou plis. *Spending* lapolis lot lannen pou bokou plis ki dan sa Bidze! Se sa ki nou anvi konnen.

E Minister Finans i pou bezwen vin avek tou sa bann larzan ki zot in met dan *suspense account*, pou tou sa bann keksoz ki pa'n materyalize sa lannen. Bann *inefficiencies*.

Pou zot kapab dir nou konbyen larzan. *The real budget* lannen prosenn pou ete. So, sa mon krwar i bezwen ganny met devan.

MR SPEAKER

Mersi.

HON WALLACE COSGROW

Mon kestyon prezan Mr Speaker.

MR SPEAKER

Non, sa i enn. Sa i en pwen. Dezyenm, prezan.

HON WALLACE COSGROW

Dezyenm kestyon Mr Speaker. Napa problem. Dezyenm

kestyon. Anba program 4 *detective services* i annan 41 milyon R496 mil. *Now, i follow* en pe lo sa kestyon ki Onorab Loze in demande.

Ozordi Mr Speaker, i annan alegasyon ki poudir i annan koripsyon dan servis *CID*. *Ok?* (Mon kapab demann mon kestyon silvouple?) Mon pe dir alegasyon.

E mwan mon anvi ki Komisyoner avek son tim, ouswa Minis, i dir nou ki zot pe fer pou *deal* – akoz en kantite larzan nou pe donn sa program, en? Ki zot pe fer pou *deal* avek sa bann sityasyon koripsyon?

Akoz nou pe ganny dir poudir i annan lenterferans politik ki bokou pli o ki menm ou Komisyoner, dan servis *detective services* ki relye direktman avek politisyen Lopoziyon.

So ki zot pe fer egzaktman pou *deal* avek sa sityasyon? Pou ki nou kapab aporsyon sa Bidze ki sa servis *detective* i *operate* byen normal parey i sipoze *operate*? Mersi.

MR SPEAKER

Mersi. Minis ou dakor nou ava adres premye avek Finans. Mr Commettant.

DEPUTY COMPTROLLER GENERAL JUDE COMMETTANT

Thank you. Sa ki Onorab pe dir ki i pe dir i annan serten larzan ki dan *suspense* ki pa aparet dan Bidze. Wi, i annan larzan ki dan bann Bidze oparavan. Pa nouvo Bidze. Bidze oparavan ki ti'n fini pas dan staz *approval*. In fini ganny aprouve *basically*. Pou en rezon ou en lot ki pa'n ganny servi.

Ki ler i ariv lafen lannen, desizyon i ganny pran vi ki i pou napa sa Bidze dan son lannen ki pou vini, nou *retain* sa larzan dan en *suspense account* pou li ganny servi. E sertenman sa i en keksoz ki nou kapab fer lalis pou *provide* Lasanble.

MR SPEAKER

Mersi. Dezyenm size, *panel?* *Compol?*

COMMISSIONER OF POLICE TED BARBE

Mersi Mr Speaker. Sa size koripsyon i pa premye fwa mon'n tande si ou le. Tou resaman mon'n vwar even lo en zournal. Serten zournal.

Me selman ankor en fwa ler ou tann bann alegasyon ou bezwen sey gete si ou kapab fer en lanket *about it*. Ou bezwen verifye *how genuine* sa sityasyon i ete.

E si i annan okenn – pandan ki ou pe fer lanket ou nobou sertifye serten keksoz, ou pran aksyon apropiye avek sa dimoun.

Me tan ki ou zis tande koumsa menm, napa nanryen ki solid, ki *grounded*, i en pe difisil pou nou. Me selman koripsyon i en zafer dan lapolis, dan tou son form ki nou pa tolere.

Mon krwar nou pa'n tro mal fer. Si ou gete pandan sa 2 an ki mon'n la i annan keksoz ki zanmen in deza ganny fer. Mon'n fer sir ki in materyalize. E nou pa donn kredi personn.

Si i annan keksoz ki *come to light definitely*, nou pou pran aksyon. E aksyon nou'n pran. An plizyer repriz nou'n pran. Mersi Mr Speaker.

MR SPEAKER

Mersi. Onorab, ou kestyon in ganny reponn. E nou ankor ensiste ki nou reste lo Bidze. Onorab Henrie?

HON GERVAIS HENRIE

Mersi Mr Chair. Bonn apre midi tou dimoun. Mon pou limit mon kestyon ouswa en lobzervasyon mon annan lo Bidze.

Nou'n antann zot in vin plizyer fwa dan Lasanble isi kot zot in vin koz lo *crime statistics*. E i annan en nesosite. E bomaten nou'n

vwar prizon ti la 450 prizonnyen i annan la.

Savedir pou en pti pei nou bezwen avoue i annan en problem. Kot nou bann sitwayen pe al dan en – ouswa en group sitwayen pe al ver kriminalite.

Ki rol lapolis e ki mannyer sa Bidze i kapab adres devlop bann fason inovativ, e bann zefor pou redwir krim dan sosyete. E bann konportman anti-sosyal? E mon a donn en legzanp.

Par egzanp ti annan en letan, letan Jean Toussaint ti ankor travay lapolis. Zot ti annan en seri piblisite dan medya ki ti dir ek dimoun pa bezwen kasyet lakle anba po fler. I zis bann pti leson ki ou *drop*. Bann pti ledikasyon ki ou *drop* ek piblik.

E i sanz en kantite keksoz dan lavi en endividi. So ki mannyer nou kapab retourn en pe lo la, ki kapab ede pou fer dimoun vin pli konsyan about krim otour zot kominote? Me egalman sa endividi ki li i pe swazir pou al dan krim i kapab remet li lo bon semen? Mersi.

MR SPEAKER

Mersi. *Panel* lekel pou adrese? *Compol*.

COMMISSIONER OF POLICE TED BARBE

Mersi Mr Speaker. Lapolis 2022 nou ti fer sorti nou – 2021 *sorry*. Nou ti fer sorti nou *Police Review* avek nou *Strategic Plan*.

Zisteman ladan i adres kote nou anvi lapolis i ale dan detrwa lannen. Ki kalite servis, ki kalite *governance*, ki kalite lentelizans. Nou anmas lentelizans. Ki kalite kiltir nou anvi anmennen. Ki kalite lantrennman nou anvi fer pou lapolis.

E an plis ki sa koripsyon. Sa bout koripsyon. Avek sa standar ki nou anvi, etiket eksetera. E sa *policing model* ki nou anvi dan sa bann lannen ki vini. Ki kalite servis nou annan.

So nou annan travay fer. E zisteman la nou annan bann *policies* ki lapolis in fer dan tou dimansyon si ou le. Pou nou fer sir ki nou annan-. Bann SOPs i la. Bann fason ki nou anvi travay i ganny adrese.

E dan tou sa bann topik ki mon'n mansyonnen. E savedir nou pe fer zefor nou moderniz lapolis, dan tou laspe *policing* ki ou kapab mazin.

E nou anvi anmenn en *proactive police force* ki egziste dan Losean Endyen. Enn parmi – en model si ou le. So i annan en ta travay ki nou pe fer. E mon garanti ou tou bann *heads*, bann diferan unit dan lapolis i an mars.

Zot pe travay avek bann diferan komite ki nou'n fer dan lapolis. E zisteman pou nou fer sir ki nou pe progresse gradyelman. E si dimoun I get byen i annan en ta progre nou'n fer, petet en zour nou a pibliye nou ava dir kwa ki nou'n *achieve* ziska prezan. Zot a vwar poudir nou annan en bon lentansyon pou lapolis, pou Seselwa, pou *expatriates*; bann viziter ki vini e tou dimoun ki pe travay Sesel. Nou annan sa sekirite ki nou anvi garanti zot.

So nou annan en problem ki'n ganny mansyonnen. Ouswa ki nou'n koz lo la pou en bon pe letan. Se sa *anti-social behaviours* ki nou konnen egziste dan preski tou nou kanton.

Even dan nou lavil i annan kot transpor i pase avek bann tapaz. Bann egzos ki si ou le pa keksoz ki nou ti ava kontan pou sa kalite kominote ki nou anvi.

So nou bezwen *tackle* tousala avek bann program. Nou annan la parey nou pe mazin pou Desanm *festive seasons*. Nou pe mazin poudir Seselwa i annan sa mantalite servi lalkol.

E anba en volan, even lo semen pe marse. I pa zis drayver sa, i negligans mannyer ou marse lo semen tou i egziste.

So, nou annan sa program ki nou apel 'Arrive Alive.' Zisteman nou'n fer en *practice*. Yer mon krwar ti annan en senaryo ki nou ti fer. E nou pe fer piblik konnen poudir pandan letan Desanm, *closer to the festive seasons*, nou pou annan petet en pti pe *earlier* tou, nou pou annan bann aktivite lo semen. *Yeah*, la nou anvi dimoun ariv se zot byen. Nou pa anvi person al *end up* lopital or avek bann lezot domaz pou zot lekor e zot *asset*.

So nou annan osi program ki ACP Witz in konmans koz lo la. Mon pa pou koz lo la pou li, me selman mon pe fer zot konnen poudir i en proze ki *involve* tou bann lezot *stakeholders*. Bann Minis enplike ladan.

E i en proze ki nou pe anmenn *policing* pli pre avek kominote ankor. Parey ler nou dir *community policing*. E nou fer sir ki nou anvi piblik konpran ki nou pa pe neserman *police* zot. Me nou anvi zot osi partisip dan *policing*.

So, i annan en bon lantant ki nou pe sey etabli. E pou nou si ou le *deal* avek sa sityasyon drog ki en fleo dan lasosyete. E ki labaz bon pe kriminalite. E *pilot project* pou ganny fer dan de distrik.

Annefe *it is about to start anytime soon* parey nou ti dir,

lot fwa. I annan zis pe *wrap up* serten pti keksoz. *And as it progresses* nou pou bouz dan lezot distrik.

E nou pou fer li vin en program *national eventually*. *Maurice* i fer. So nou osi nou'n embark lo sa proze. So, i annan en pe keksoz ki nou pe fe pou nou moderniz lapolis. Me osi servis ki nou pe donner.

Me osi satisfere en pti pe piblik pou zot konpran poudir nou avek piblik nou napa sa baryer. Nou travay ansanm. E ler nou kolabore nou ganny lenformasyon.

E nou bezwen annan en respe pou lasosyete. Tousala nou pe anmenn pou piblik konpran poudir en senp zafer parey nou dir tapaz. Tapaz i depi konmansman Vandredi, en sel tre i annan tapaz dan kominote. E si nou kapab annan respe pou nou vwazinaz. Se i konmans la.

Avek sa program ki ACP pou anmenn, i pou *deal* ek drog. I pou *deal* avek tapaz. I pou *deal* avek *community policing*. Tou lezot. Vyolans domestik. Tousala i *encompass* ladan. So, i pou *project* ki mon krwar nou devret siporte tou dimoun.

E siport ACP avek sa tim ki pe donn li sa koudmen. Mersi Mr Speaker.

MR SPEAKER

Mersi *Compol*. Onorab Pillay?

HON SEBASTIEN PILLAY

Mersi Mr Chairman e bonn apre midi ankor en fwa Minis avek *Compol* e delegasyon sorti kot Departman Lapolis.

Mr Chairman, mon ti a kontan zis presize avan mon demann mon kestyon, ki nou ganny larepons ki konkret e ki korek ler mon demann mon kestyon.

Akoz mon pa kontan ganny bann lenformasyon ki pa korek. Bomaten Minis ti dir nou poudir *ID card* i annan. I annan dimoun mon'n fer al gete i napa. I annan problem pou nou fer *ID card*. *Ok?*

Nou ganny dir poudir Bidze Gouvernman ou dir lapolis i tonm an tou 488 milyon, me selman ou annan larzan ki'n ganny mete dan *suspense account*. E across tou bann Bidze, nou pa konnen si 100 milyon ki dan *suspense account*. Si i 200 milyon, si i 300 milyon.

E Gouvernman i kontinyen *mislead*. E ler Onorab Cosgrow i dir i pe koz lalang se pou sa rezon ki nou dir sa. So i enportan ki zot donn nou lenformasyon ki korek e ki konkret.

Mr Speaker, mwan mon bann kestyon ki mon le demande i lo bann depans ki lapolis pe fer. E an se ki konsern osi *scheme of service*

pou bann zofisye lapolis. E ban larepons ki nou pa'n gannyen pandan lannen e ki ler nou'n demande bann kestyon pa'n ganny bann larepons.

So, mon ti a kontan demann Minis pou klarifye sa *scheme of service* lapolis. E mon ti a kontan Mr Bibi i donn nou larepons ki konkret.

Eski i annan larzan dan sa *scheme* pou revizyon *scheme of service* pou bann zofisye lapolis? Wi oubyen non?

Kan eski pou annan revizyon *scheme of service* pou bann zofisye lapolis? Sa nou ti a kontan konnen.

Kestyon pertinan ankor ki nou bezwen demann lapolis Mr Chairman, i annan R23 milyon anba *security and enforcement*. Anba *other goods and services* apre I annan en lot konponan 22 milyon. An tou R45 milyon pe ganny depanse anba *security and enforcement* anba *goods and services*.

Par lo la lapolis pe al depans ankor 42 milyon pou fer en *marine headquarters*. *Marine police* ki resaman en bato in koule la an Zen. Minis ti laba. En bato ki ti anba gard *marine police*. Minis i kapab demanti mwan si sa ki mon pe dir pa vre.

Sa bato in koule e lapolis ki'n bezwen pey *salvage*. So

mon kestyon Mr Speaker, se eski lapolis pe aproposyonn resours kot i devret?

Savedir dan son bann zonm ek fanm ki dan *uniform* oubyen zis en bann ekstravagans pe ganny fer e ki apre sa bann zonm ek fanm pa pe kapab delivre?

Akoz menm en *breathalyzer* zot napa pou fer zot louvraz kot trafik? So, mon ti a kontan ki nou ganny bann larepons ki konkret e ki korek. E aret *mislead* Lasanble. Mersi Mr Speaker.

MR SPEAKER

Mersi. *Panel?* Lekel ki kapab adrese?

DIRECTOR GENERAL **JOSEPH BIBI**

Mersi Mr Chair. Mersi Onorab, pou ou kestyon. Parey ou vwar dan Bidze, napa okenn larzan ki'n ganny mete pou *scheme of service*. Me selman keksoz ki mon kapab dir se ki lapolis *internally* li i pe travay, parey mon ti dir. I pe travay lo bann lamannman, ki i anv - ki i ti a kontan trouve pou son bann zofisye lapolis dan en *scheme of service*.

E sa pou ganny prezante avek *Heads of the police*. E *Heads of the police* ava pran en desizyon ki *next step* ki sa *scheme* ki pou ganny revize pou ganny fer avek. Mersi Mr Speaker.

MR SPEAKER

Mersi. I annan en dezyenm pwen. Me selman mon pa tro sezi egzaktaman ki kestyon ki kapab ganny adrese.

HON SEBASTIEN PILLAY

Mr Speaker, mon pe koz lo aproposyonnman, resours ki lapolis i annan pou fer sir ki i ganny servi byen.

MR SPEAKER

Ok. Minis, eski ou santi –

MINISTER ERROL FONSEKA

Mr Speaker, premyerman dan lapolis i annan *rank structure*. I annan abilite pou dimoun ganny promosyon. I annan en kantite bann ran ki vid. Me selman natirelman dimoun ki ganny promosyon i bezwen perform. So, i annan en kantite loportinite ki egziste dan lapolis an se moman.

Lo kestyon *misleading*; mon krwar pli gran dimoun ki *mislead* i – yer *Leader* Lopozisyon dan pe koz ek *VP*, i dir ki mwan mon'n dir i annan en *account for security*. E zanmen mon'n deza dir sa. E in *mislead* lepep.

(Interruption)

MINISTER ERROL FONSEKA

E toultan i fer sa. I lev en sityasyon apre i dir mon'n *mislead*.

(Interruptions off-mic)

MR SPEAKER

Silvouple! Minis. Onorab! Onorab! Onorab, ekoute! Nou pe pran kestyon ki ou'n demande. Minis in donn en larepons. Si ou pa dakor avek sa repons, mon *sorry*. Nou pou kontinyen. Minis eski ou'n fini reponn? Minis.

(Interruptions off-mic)

MR SPEAKER

Onorab, si ou kontinyen, mon pou bezwen demann ou sorti. Mersi. Minis, eski ou'n fini avek sa larepons?

MINISTER ERROL FONSEKA

Korek, Mr Speaker.

MR SPEAKER

Bon, nou a pran lot kestyon Onorab Woodcock.

HON WAVEL WOODCOCK

Mersi Mr Speaker. Mr Speaker, mon pou konmanse par felisit *Compol* avek Minis ki napa R153 milyon ki pou al dan pos Irlande. E R115 mil pou en Sid Afriken *train* lisyen!

Mr Speaker, dan program 1 *governance management and administration.*, anba *minor capitals* i annan en sonm R890 mil *acquisition* pou *CCTV camera*.

E mon osi vwar si zot in *forecast* li pou 2025 ek 2026 osi. Ankor R890 mil pou *CCTV camera*. Mon kestyon se, eski sa bann *CCTV camera* pou lannen prosenn, i pou zis pou ranplas bann *existing cameras*? Ouswa zot annan lentansyon idantifye bann lezot plas lo Mahe, Praslin avek La Digue pou met sa bann *CCTV cameras*?

E dezyenman, depi 2022 ziska 2024, in annan en *significant increase* dan Bidze Lapolis pandan sa dernyen 3 an.

2022 ti R405 milyon. E pou sa lannen *Revised Budget* i R442 milyon. E pou 2024 lannen prosenn i pou R489 milyon. Savedir tou le lannen i annan en logmantasyon dan Bidze Lapolis.

Avek tou sa larzan ki pe ganny bidzete pou lapolis, eski in annan *improvement* dan servis lapolis? Sirtou kot i konsern *detection rate* ozordi par Lafors Lapolis? Mersi.

MR SPEAKER

Mersi. Minis de kestyon. *CCTV camera* e *improvement* dan *detection*.

DIRECTOR GENERAL JOSEPH BIBI

Mersi Mr Chair, Onorab pou kestyon. *CCTV*, nou plan se pou kontinyelman upgrade nou servis e osi agrandi

coverage kote nou bann *camera* i kouver.

E parey Komisyoner Minis in dir pli boner, nou bezwen gete e osi *study bann area data* ki nou anmase. Sirtou an servan nou sistenm CAS. Kote bann lensidan pe arive. E sa i permet nou – I gid nou ki bor nou pou plas nou bann *camera*. Pou kapab ganny bann lenformasyon nesese pou nou atrap bann dimoun ki pe komet lofans.

E osi pou deteksyon bann lofans letan i arive. So, *this is* vwala- eskize. Vwala akoz tou le lannen nou fer en provizyon bidzeter pou *CCTV*.

E parey mon'n dir nou anvi *extend* li e met li dan bann osi, bann landrwa kritik. Ki kekwfa ozordi i pa kritik. Me avek letid ki nou a fer pli tar i pou vin en landrwa ki nou pou bezwen plas *camera*.

An se ki konsern deteksyon, sa i en keksoz ki *very high* lapolis. E mon ti a kontan note ki bann lofans ki pe ganny komet, nou *rate of detection* i *almost 90percent*, ok? E nou kapab osi anmenn pa zis deteksyon.

Nou menm kapab anmenn prosekisyon pou bann dimoun ki nou'n arete. E sa i en *high achievement* an se ki konsern zofisye lapolis. Mersi pou kestyon Onorab.

MR SPEAKER

HON AUDREY VIDOT

Mersi Mr Chairman. Mr Chairman, premyerman mon pe rod en leklersisman avek ou. Yer zofisye Finans ti dir en keksoz. Ms Tamatave ki ti la, an referans avek sa *suspense account*.

Ozordi nou tann en lot Mr Chairman. Petet mon a demande *please* atraver *ou at least* nou Lasanble ganny en pe respe annou ganny lenformasyon ki korek silvouple.

Prezan mon de kestyon pou Minis. Mr Speaker, lo *current challenges* i annan 8 pwen ki lapolis in montre ki i annan defayans.

Avan mon tous dan sa 8 pwen, mwan mon le dir mersi tou bann fanm ek zonm ki ankor pe travay onnet ek disiplin dan lafors.

Me par kont mon bezwen eksprim mon dezapwentman anver sa Bidze. Akoz? Dan sa 8 pwen i annan 4 pwen lanmwatye ki relye avek *training*.

E 2023 zot ti met zot R182 mil. Ankor sa lannen zot kit li parey R182 mil. *Either* zot ganny larzan zot pa pe servi li pou zot *train*. Akoz Minis in dir poudir zofisye i bezwen byen performen.

Be si ou pa pe servi larzan pou ou *train* zot pou zot

byen performen, ki mannyer zot pou kapab delivre pou zot meet zot *challenges*? E si la ankor zot in met menm sonm zot pa kapab ankor depans li sa lannen 2023, ki garanti?

Sanmenm sa mon ti dir mon mefye zot. Ki mannyer nou garanti ki zot pou donn *training* sa bann zofisye lapolis pou zot kapab meet target ki zot in set pou 2024 Mr Speaker?

So si zot in ganny elekte pou fer pli byen montre nou zot kapab er pli byen, silvouple. Mersi.

MR SPEAKER

Panel? Ti a kontan adres *training* dan Bidze?

DIRECTOR GENERAL **JOSEPH BIBI**

Mersi Mr Chair. Mersi Onorab pou ou keston. *Training* i keksoz fondamantal pou *policing*. Tou le zour keksoz i sanze e nou bezwen asire ki nou bann polisye i azour avek bann devlopman ki pe arive.

E vwala akoz nou investir en kantite dan *training*. *Training* i annan bann *training* ki nou ganny donnen par nou bann pei vwazen.

Ler mon dir donnen savedir zot pey pou nou bann zofisye al sa *training*. E nou annan bann Lorganizasyon *Eastern/Southern Africa*. Nou

annan *EAPCCO, SARPCCO*. Nou annan *Interpol*. Nou annan *UNODC*. Nou bann *partners* ki ofer nou *training both* nasyonal ek enternasyonal.

An se ki konsern nasyonal Mr Chair, si ou permet mwan. Nou osi annan bon korperasyon avek *TGMI* ki ofer nou – anfe la sa lannen nou'n konmans avek en 15enn zofisye. Ki pe fer *certificate* ouswa nivo diploma dan *management*.

E nou ekspekte ki sa la kantite pou ogmante pou 2024. E nou osi annan bann *training* ki nou organize in *service* pou nou bann zofisye kot lakademi lapolis.

Sa an se ki konsern bann *training* nasyonal. E osi parey mon'n dir pli boner, nou annan bann pei zanmi. Nou annan bann Lorganizasyon ki osi envit nou pou bann *training*.

E la mon a kouver enn de bann *training* ki nou gannyen. Sa i enkli *investigation*. Nou annan en kantite dan *investigation*. Nou annan dan *gender-based violence*. *Counter terrorism*. *Small arms, narcotics* e menm bor dan *policing*.

E byento nou pou annan en pe dan *IT* kot nou osi pe investir dan nou *cybercrime* kot nou le lans sa unit ofisyelman lannen prosenn.

So basically, ki nou pe dir se ki nou bezwen kontinyen *train* nou bann zofisye dan bann domenn neserer. E osi bann domenn kot nou vwar i annan bann febles, pou nou kapab ogmant zot abilite. Mersi Mr Chair.

MR SPEAKER

Mersi *DG. Compol*, i oule azout en keksoz silvouple.

**COMMISSIONER OF POLICE
TED BARBE**

Mersi Mr Speaker. Zis en pti zafer pou azoute. Nou osi pe sey donn kapasite nou bann dimoun ki dan *leadership*. Savedir ki dan nou *Executive* Komite pou lapolis.

E pou sa nou an koneksyon tre pre avek Ms Shella Mohideen kot *PSB*. I annan en bon pe travay nou pe fer. Annefe nou'n konmanse.

E Sanmdi ki vini la nou annan en program 3 erdtan edmi avek Ms Shella *regarding leadership* ek lezot *governance, accountability, performance-based*, tousala. Se bann program ki nou osi rod en pti pe partou.

Nou konnen poudir *PSB* i annan sa kapasite. Nou'n al ver Ms Sheila e nou pe met sa an mars *soon*. Mersi Mr Speaker.

MR SPEAKER

Mersi. Onorab Mondon?

HON TERENCE MONDON

Mersi Mr Speaker. Mr Speaker, mon kestyon i relye avek *police barracks*. En provizyon 10 milyon pou konstriksyon nouvo barak. E sa pou lannen 2025.

Mon anvi konnen ki bann travay preparasyon zot pe anvizaze fer pandan 2024 lo sa proze? E anvi ki barak Takamaka i dan en move leta, eski i pou ganny enkli dan sa proze? Mersi Mr Speaker.

MR SPEAKER

Mersi. *Panel?*

**DIRECTOR GENERAL
JOSEPH BIBI**

Mersi Mr Chair. Mersi Onorab pou ou kestyon. Nou annan plizyer landrwa kot nou bann zofisye ti reste avan sa. E letan nou'n vini avek nouvo Komisyoner nou remarke, ki bokou nou bann barak in ganny okipe par swa zanfan, ouswa lezot manm fanmir.

Me dan sa demars nou'n idantifye en landrwa ki nou ankor pe regard son vyabilite. Ansanm avek *SIA*. Pou nou konstrir barak pou nou bann zofisye lapolis.

Akoz? Se akoz enn i permet nou ed nou bann *costing* sirtou lo *rental*. Epi osi nou annan bann zofisye ki kekfw i fek konmanse. I anvi deplase kot fanmir. I anvi

konmans otononm. I ava en landrwa pou zot konmans zot lavi.

E osi nou annan letan kefwawa nou bezwen en pti pe plis men for, pou ed nou avek nou bann program *policing*. E nou konnen i annan en landrwa kot nou kapab ale met en group ansanm vitman. E fer bann *deployment* nesaser. E sa *area* i Perseverance.

Me selman nou bezwen gete kwa ki bann fasilite ki otour. Avan ki nou vreman pronons nou lekor lo la. E wi, nou annan osi bann barak ki nou annan parey mon'n dir. Parey Takamaka. Nou annan Baie Lazare.

E mon happy pou anonse pou dir nou'n kapab fer enn Praslin. Anba Amitie, ki la sa semenn nou pe al met bann fasilite ladan. So nou pe fer bann progredousman dousman, pou nou *restore* nou bann barak.

E sa parey mon'n dir ou pou anmenn en pti pe plis konfor pou nou bann zofisyè. Mersi Mr Chair.

MR SPEAKER

Mersi DG. Bon nou pou termin avek Onorab Adelaide.

HON FRANCOIS ADELAIDE

Mersi Mr Speaker. Dabor les mwan dir mersi *Compol* avek son lekip pou akeyir Komite

Sekirite ek Ladefans. Nou travay vreman byen. *Esperons* ki nou kit sa kalite fason travay. Pou nou pli byen konpran zot e pou nou ed zot.

Mr Speaker, mon kestyon i pou lo kote *current challenges* avek sekirite pou travayer lapolis. Dan nou vizit nou'n trouve poudir kordgard Anse Aux Pins i enn ki nef.

Me selman i dan problemm. Mon ti a kontan petet ou ti a donn nou en kou son *status*. E kote ki nou annan larzan dan sa Bidze? Si nou pou aranze? Kot zot pou gannyen pou zot kapab fer sa bann laranzman? Mersi.

MR SPEAKER

Mersi. *Panel? DG?*

DIRECTOR GENERAL **JOSEPH BIBI**

Mr Chair, mersi. Mersi Onorab pou ou kestyon. Kordgard Anse Aux Pins nou annan en travay konzwent. Pou nou kapab finalman ganny en *conclusive report* *whether* kot i ete *or* son sityasyon i permet nou *operate* dan sa landrwa.

Enn fwa ki nou ganny sa *report*, parey mon dir nou pe travay avek SIA lo la. Enn fwa ki nou ganny sa rapor i a permet nou planifye ki nou *next step*.

Me *as it is* ozordi nou pou kontinyen *operate from* sa

stasyon. E parey Komisyoner in dir pli boner, nou pou *beef up* en pti pe ban servis pou nou kapab deservi sa kominote kot Kordgard Anse Aux Pins i ete. Mersi Mr Chair.

MR SPEAKER

Mersi DG. Bon, avek sa nou a kapab pas lo vot pou sa Bidze. E i konsern vot pou *Minister Internal Affairs* antye. E sa i enkli *office of the Internal Affairs Minister* e lezot antite ki nou'n pas lo la depi sa apre midi.

E sa Bidze i lo paz 258 ziska 291 pou en total 672 milyon R607 mil. Manm ki an faver lev lanmen silvouple? Mersi. Manm ki kont?

Nou vot pou *Ministry of Internal Affairs* pou en total 672 milyon R607 mil, 23 Manm in vot pour, 0 kont, 9 in *abstain*. Bidze in aprouve par Lasanble.

Bon, be la i reste pou mon remersye Minis e osi son delegasyon lapolis pou zot partisipasyon. Mon swet zot tou bon depar e bonn kontinyasyon. Nou annan ankor en antite e sa se *Disaster Risk Management Division*. Sorry? *Seychelles Fire and Rescue Service Agency*. Ok, nou pou pran en *break* e nou rebran travay 4 er edmi. Mon pou ankor enn fwa envit bann Manm silvouple konsider kestryon ki lo Bidze.

I pou annan kantite loportinite lannen prosenn pou zot poz kestryon lo program. Lo Polisi, lo plan pou lavenir. Annou sey target sa Bidze ki la devan nou. Mersi bokou e nou a rebran 4 er edmi.

(BREAK)

SEYCHELLES FIRE AND RESCUE SERVICE AGENCY

MR SPEAKER

Bonn apre midi e byenveni delegasyon *Seychelles Fire and Rescue Service Agency* dans la *personne de* Mrs Tally Domingue, *Chief Fire Officer*, e Jones Madeleine *Deputy Chief Fire Officer* e Roy Lemiel *Director Human Resource Management* e Mrs Antoinette Lonie *Accounts Assistant*. Mersi zot tou pou zot partisipasyon e les mwan felisit zot lo zot zoli *uniform*. I vreman *stand out*.

(APPLAUSE)

MR SPEAKER

Bidze *Seychelles Fire and Rescue Service Agency* lo paz 292 ziska 298 pou en total R89 milyon 223 mil. Minis i ava komans avek lentrodiksyon sa Bidze.

MINISTER ERROL FONSEKA

Mersi Mr Speaker. Mersi Manm Onorab. Mersi *Leader* Lopozisyon, *Leader Government Business* e tou dimoun a lekout, bonn apre midi.

Bidze pou *Seychelles Fire and Rescue Service Agency* pou 2024 i 89.223 million *Seychelles Rupees* ki fer ki en *increase* konpare lo sa *Revised Budget 2023 – en increase of 13.891 million Seychelles Rupees* ki ganny *variance* sa *increase* i ganny divize an 2 bout – *wages and salaries which is R4. 679 million e goods and services* ki annan *minor capital outlays* ladan en *amount of R972 million*.

Avek sa Mr Speaker, nou pare pou pran *kestyon* Onorab silvouple. Mersi.

MR SPEAKER

Mersi. Nou a pran *lentervansyon* bann Manm. Onorab Woodcock?

HON WAVEL WOODCOCK

Mersi Mr Chair. Mon *kestyon* i kot i *konsern current challenges*, annefe *premyer anba current challenges* i sa '*shortage of substations to provide adequate coverage and to reduce response time* Beau Vallon, Perseverance avек Grand Anse Praslin.

Annefe pou *plizyer lannen*, in annan *diskisyon* pou fer en *substation* Grand

Anse; in annan *plizyer diskisyon* lokasyon si ti pou fer o bor Klinik Grand Anse, si ti pou fer *Amitie*, so mon *kestyon*; e mon'n war poudir osi anba *current challenges* i difikilte pou ganny later pou fer sa bann *fasilite*;

Ki zistans zot ete *building en substation* dan distrik Grand Anse Praslin?

E *dezyenmman* in toultan annan *konplent* sirtou kot sa *Fire Station* Ile Eve ki i mank *adequate training grounds* pou *props* – pou *organiz* bann *training*.

So, mon *kestyon* i - mon rapel ti annan en *diskisyon* osi pou petet ganny en bout o bor pou zot prepar sa teren pou fer sa bann *training* pou bann *fire service offices*, so mon *kestyon* i eski zot pe *konsider* sa? Si nou ki zot pou fer pou *training* bann *zofisye* ki sorti lo Praslin *going forward*? Mersi.

MR SPEAKER

Mersi. Minis, ou a endike lekel ki pou reponn?

CHIEF FIRE OFFICER TALLY DOMINGUE

Bonn apre midi Mr Speaker. Mersi pou ou *kestyon* Onorab. Nou plan pou fer *substations* sa i dan nou *Plan Stratezik* e nou pou toultan *kontinyen* lager pou nou ganny nou bann *substations*.

Me parey nou ‘n mete dan nou *current challenges*, *lack of* later i en problem, e osi nou bezwen *secure the funds* dan Bidze e osi pou nou nobou fer sa bann stasyon,

Lo kote *training* Praslin i annan ase lespas; i napa ase lespas pou *props*, me solman i annan lespas pou fer bann lot *training* ki pa bezwen *props*.

Nou annan en container Praslin nou fer *fire exercise* pou Praslin. Lo kote Mahe ki i annan en pe plis problem pou fer *training* akoz lo *main station* napa plas pou fer training.

E sanmenm sa nou’n pran nou bann recruits pou le moman, nou’n bouz zot stasyon Anse Royale kot i annan en pe plis lespas – parske nou pe *run training* Anse Royale pou le moman. Mersi.

MR SPEAKER

Mersi Madanm Domingue. Onorab Lemiel?

HON SYLVANNE LEMIEL

Mersi Mr Chair. Bonn apre midi *CFO* ek ou delegasyon. Bonn apre midi tou dimoun a lekout.

Mr Chair, Anse Royale nou dir mersi pou sa stasyon ki nou’n gannyen e pe byen deservi sa rezyon; menm si nou pa ankor ganny bann *major incidents* ki’n arive, me

selman bon travay pe ganny fer par sa bann zofisye. E nou felisit sa bann zofisye osi ki laba, nou annan sa bon lantant travay.

Letan mon pe regard enn zot pwen stratezik 2024-2026 zot le acquire plis lekipman avek teknolozi pou zot kapab enhance zot *service delivery* e ler ou regarde ozordi Anse Royale, i annan en gro lotel ki ganny fer Laila.

E i annan en bon pe bann landrwa touristik kot i annan en bon pe touris konmela, e in ariv 3 ka mank noye Anse Royale.

E Anse Royale ti enn sa stasyon kot zot ti pou servi li koman en sant *lifeguard* osi, pou annan bann lekipman parey bato e diferans lezot keksoz.

Mon konnen aktyelman zot annan *the basic*, me ki nou pe vwar la, eski Bidze 2024 – akoz ler ou gete en logmantasyon R13 milyon pe al ver zis atraver saler ek gratwite e lezot konpasyon, mon pa war nanryen petet ki’n ganny mete pou rekritman;

Enn, mon konnen i mank dimoun sirtou lo kote *lifeguard* e an menm tan sa bann lekipman ki mon’n nonmen Mr Chair, pour ki i a kapab deservi e donn sa servis sov en lavi dan rezyon sid avek was.

Akoz si nou ganny en bato Anse Royale i pou pli fasil pou zot deservi sa rezyon an ka ki i ariv en ka lo lanmen – bokou *yacht* ki vin mouye osi dan lanmen dan sa rezyon ariv en keksoz, si zot ti annan en tel fasilite i ti pou vreman ed sa rezyon.

So, ki demars zot pe fer atraver Bidze 2024 oubyen ki demars o pli vit zot pe fer pou zot kapab annan dimoun e osi sa bann fasilite pou zot kapab deservi sa servis Anse Royale e larezyon. Mersi.

MR SPEAKER

Mersi Onorab. Minis, nou a pas bann kestyon kot *Chief* amwen ki ou lev lanmen?

CHIEF FIRE OFFICER TALLY DOMINGUE

Mersi Mr Speaker. Mersi Onorab pou ou kestyon. Lans Royale i en stasyon ki pe ganny *run* pou le moman *understaffed*. Nou annan 2 masin, nou annan nou zis 7 *staff* ki pe *run* dan en *shift* par *shift* ki travay.

So, pou Lans Royale fonksyon pli byen, wi, nou bezwen plis *staff*. Wi, nou bezwen plis lekipman pa zis Anse Royale. Dan tou nou bann stasyon nou anna n en pe mank lekipman.

Ki nou pe fer? Nou'n fer no assessment. Nou'n fer provizyon dan *next* Bidze pou

nou aste lekipman avek provizyon ki nou'n gannyen dan *next* Bidze.

Selman lo kote zonn nou pa pou kapab fer *nanryen*, akoz nou ti demann pos pou *Fire Service* pos pou *lifeguard* nou pa'n ganny ni pos pou *Fire Service* ni pos pou *lifeguard* pou sa prosen Bidze. So nou pou war nou 2024 pe travay ek menm kantite zonn ki nou pe travay sa lannen.

E nou pa kapab kouver en *lifeguard* pos parey mon ti dir dernyen fwa mon ti la, san plis *staff* pou *run lifeguard* pos.

MR SPEAKER

Mersi Madanm Domingue. Onorab Monthy.

HON PHILIP MONTHY

Mersi Mr Speaker. Ler mon get zot bann *current challenges* dernyen *bullet point* i '*shortage of specialized equipment and response vehicles.*' Anyway '*to attend to hazardous materials*' nou konnen ki Cascade nou'n ganny plizyer fwa dife *landfill*.

E mon'n aprann atraver *meeting* ki ti ganny fer avek reprezantan *land bank* apre en vizit lo *landfill*, ki zot napa bann lekipman ou materyo nesese, pou *deal* avek en dife *landfill* parey i devret etc.

E ki zot devret annan dan en tel dife. Eski sa Bidze pou permet prokir serten sa bann

materyo spesyalize, ki a permet zot pli byen *deal* avek en tel dife a lavenir? Mersi.

MR SPEAKER

Mersi Onorab. Madanm Domingue a reponn.

CHIEF FIRE OFFICER TALLY DOMINGUE

Mersi Mr Speaker. Mersi Onorab pou ou kestasyon. Lo kote *hazardous material*, nou'n annan nou 2 donasyon lekipman pou *hazmat* ki nou pe gannyen enn anba avek *Minister Ferrari* ti fer provizyon avek bann Lasosyasyon Bato ki nou pe ganny sa.

Aprè nou annan enn anba *UNDP* ki nou pe ganny en provizyon pou lekipman *hazmat*. Sa pou *hazardous material* pou kemikal li menm. Lo kote *landfill*, pou le moman si ou get anba nou *achievements* nou'n aste nou 2 gro laponp *trailer pump*, ki pou ede pou fer *firefighting* lo kote *landfill*.

Ki nou pa pou bezwen anmenn nou masin lo *landfill*, ki ler nou al lo *landfill* masin i ganny andomaze. Me selman provizyon pou lekipman pou *landfill* i devret ganny fer an plas lo *landfill*, e sa pa *fire service* me par sa ki pe zer *landfill* li menm.

MR SPEAKER

Mersi Madanm Domingue. Onorab Pillay.

HON SEBASTIEN PILLAY

Mersi Mr Chairman. Ankore enn fwa bon apre midi bann zofisye *SFRSA dans la personne de Chief Fire Officer* e Mr Madeleine ki nou abitye war li lo televizyon e bann lezot zofisye *SFRSA* ki la.

Mr Chairman, mon premye kestasyon i konsern zot *wages and salaries*. Mon pa pe war sa gran sanzman dan zot *wages and salaries* a leksepsyon anba *governance, management and administration*.

Mon war en sanzman en apepre R800 mil an se ki konsern *basic pay*. Kestyon ki mon ti a kontan zot, zot klarifye pou mwan, si eski sa lannen pou napa okenn revizyon dan zot bann kondisyon pou bann *fire officers*?

Oubyen eski zot pe travay lo en revizyon pou bann kondisyon pou bann *fire officers*?

Dezyenmman, mon'n war zot in met en alokasyon bidzeter pou akizisyon veikil en pti pe plis ki R10 milyon. Si mon ti kapab ganny detay ki sa bann akizisyon i *entail*.

E si dan sa bann akizisyon, zot pe fer posibilite pou fer akizisyon bann veikil, ki permet zot ganny akse en pe

pli byen pli fasil avek bann semen segonder?

Akoz dan serten sirkontans mon'n personnelman war difikilte, akoz bann masin ki nou annan e ki nou bezwen servi byensir *given* zot, *given* konpleksite zot travay, i parfwa ganny bann difikilte pou ganny akse ek bann sit, ki en pti pe pli, pli izole. Mersi Mr Chairman.

MR SPEAKER

Mersi Onorab. Madanm Domingue *Chief Fire Officer*?

CHIEF FIRE OFFICER TALLY DOMINGUE

Mersi Mr Speaker. Mersi Onorab pou ou kestyon. Mon a komans kote saler li menm, nou napa gran keksoz dan Bidze pou saler. *Salary review* ti ganny fer sa lannen e *staff* in war en logmantasyon lo zot saler.

Lo kote *scheme* li menm nou ti *submit scheme review* ki nou ti fer 2022 pou *approval*, pou ganny *funding* nou pa'n ganny *funding* ni pou *Scheme Fire Service*. E lo kote *Scheme Lifeguard* i pa'n ganny *funding* pou *fund* pou *Scheme Lifeguard*.

Lo kote sa larzan ki'n ganny mete, i pou *fleet replacement program*; i pou fer pou 2 masin. E la nou pe fer konsiderasyon pou pran, pou

fer 2 pti masin ki pou ede dan bann *feeder roads* ek bann *secondary roads*. Mersi.

MR SPEAKER

Thank you. Onorab Henrie.

HON GERVAIS HENRIE

Mersi Mr Chair. Bon apre midi tou dimoun. Mon premye kestyon i ava konsern lo zesyon *manpower*, akoz enn bann konsern se pou *recruit* ouswa ganny *funding* pou *recruit*.

Premyerman ki mon ti a kontan demande ou propoze si zot kapab fer, regard dan posibilite *part time firefighters*. I annan kantite bann zenn Seselwa ki tre enzernetik, annan sa abilite fizik e probableman an grandisan zot ti reve pou vin en *firemen* e apre zot in al dan en lot karyer.

Be kekfw *they want to play part time firefighters* pandan wikenn pou bril en pe lenerzi ki nou annan, so eski sa i en konsiderasyon?

E menm ler dimoun i, i *enroll* pou vin *firemen* ki *part of* zot *training* i *double up* pou zot osi vin bann *lifeguard*, so *it's part and parcel of the training*.

Ki nou napa *lifeguard* apre nou annan *firefighters* *but they are one and* en sel? Sa i mon premye kestyon.

Dezyenm kestyon taler mon ti demann lapolis sa kestyon, lo kestyon ki

manner zot kapab fer en program ledikasyon ki *deter crime*.

Akoz mon le demann zot, zot sikse, lo televizyon souvandfwa mon war bann *advert* ki zot, zot fer dir ek dimoun pa met kastrol ler ou sou, apre tonm dormi ou lakaz i brile. Ouswa ou pe drese ou'n ariv anba *bus stop* i dir "a mon'n kit karo."

Ki manner sa in ede dan zot bann *indicators* kot in napa lensidan. So ki manner sa in ede ki lezot antite i kapab *borrow the idea from SFRSA*? Mersi Mr Chair.

MR SPEAKER

Thank you. Chief.

CHIEF FIRE OFFICER TALLY DOMINGUE

Mersi Mr Speaker. Mersi Onorab. Lo kote zesyon *manpower* li menm, nou'n fer en proze *part time* Praslin avek *UNDP* lo kote *forest fire*. E sa bann dimoun in ganny *train* ansanm ek nou *firemen* pou *forest firefighting*.

E nou annan lide pou sey anmenn zot en pe pli lwen, pou ede dan bann lezot lensidan. Me selman nenport dimoun ki pou vin *voluntary* pou *firefighting* i pou bezwen *meet* kriter koman en *firemen*, akoz i pa en louvraz fasil pou fer premyerman.

E i osi bezwen ganny kouver avek en lasirans; i bezwen ganny kouver ek son *training* ek son lekipman ki sa osi i bezwen son *funding* apar. E lo kote volonter li menm, *DRMD* ti pe pran sa manda pou li fer *voluntary core*, anba son Lalwa i donn li sa manda pou fer sa.

E i annan serten dimoun ki ti pou ganny mete dan sa *voluntary core*, ki pou met kriter *Fire Service* ki pou ganny *train* lo kote *firefighting* li menm.

Nou fer ledikasyon parey i annan bann *spots* lo televizyon i annan bann nouvo *spots* osi ki nou'n fer ki nou pou servi pou pase.

Me nou osi fer ledikasyon dan nou *unit training* ki fer ledikasyon dan bann lekol. Dan bann landrwa travay komersyal i *run training* dan bann lorganizasyon. E nou toultan strese *training* ki sa bann keksoz ki sa bann dimoun i aprann ler nou vin fer *training* ek zot, zot anmenn kot zot dan *la maison*, kot zot piti zot aprann montre zot piti.

Montre nenport dimoun ki zot annan kontak avek. Sa i fer pase sa mesaz ki si i annan en dife ou konnen ki pou fer dan ou lakour li menm dan ou landrwa travay.

E nou, nou annan lide pou nou fer sa *training* lo kote kominoter e sa osi nou, nou

bezwen en pe *funding* pou nou fer li. Nou'n komans en pe nou ti pe fer li avek an *partnership* avek *PMC*.

Nou ti fer lo Kangard Mont Fleuri. Nou pa ti ganny bokou partisipan, partisipasyon avek bann dimoun. Be selman bann dimoun ki'n vini nou'n kouver zot nou'n, nou'n donn zot ledikasyon ki zot pou fer, ki zot bezwen fer letan en dife ki zot bezwen ki mannyer zot pou ganny lasistans kot zot pou *call* nou donn zot bann lenformasyon pertinan pou sa.

MR SPEAKER

Mon sipoze ou'n terminen Madanm Domingue, mersi.

HON GERVAIS HENRIE

OFF-MIC

MR SPEAKER

Wi, i annan kestyon ki pa'n ganny reponn?

HON GERVAIS HENRIE

Zis en pwen klarifikasyon lo mon premye pwen mon ti pe koz lo part-. Si i ekoute i a konpran akoz mon pe dir sa.

MR SPEAKER

Ale.

HON GERVAIS HENRIE

Akoz mon ti pe koz lo *part time firefighters* not volonter. So ki si ou pe rod 1milyon pou ou

recruit Minister Finans a dir ou be mon napa 1 milyon, me mon a donn ou 500 mil akoz *part time*.

Apre pou ou *double up* bann *firefighters' part of the training* zot osi fer *lifeguard*. Sa *was the first point* ki mon ti pe mansyonnen. Mersi.

MR SPEAKER

Mersi, nou'n konpran.

CHIEF FIRE OFFICER TALLY DOMINGUE

Lo kote *double up training*, sa i en lide ki nou'n pe mazin lo la ki nou annan, nou annan lide pou fer li dan lefitir. Me parey nou dir ou nou annan en serten limit *firefighters* ek en serten limit *lifeguard*.

I pa fasil pou nou tir zot lo bit travay pou nou fer akoz pou fer *ramp training program fire service* ou fer li 6 mwan. 6 mwan *intensive training e lifeguard* osi i 6 mwan *intensive training*.

Si mon pou tir en *lifeguard* dan son travay, pou mwa,n fer li fer *training fire service* pou 6 mwan, mon pou napa en *lifeguard* pou vey lo lans. E menm parey pou *firefighting*. Pou le moman nou war nou pe travay sirtou La Digue manrmay pe travay *overtime*.

E nou pe *incur* en ta *cost overtime* ki si ou byen gete si nou ti annan plis *staff*, nou pa

ti pe pey sa ta *overtime*. Nou war nou *staff* pe travay plis letan ki zot sipoze pe travay.

Nou annan *staff* drayver sirtou - zofisye ki bezwen ranplase fini dan son *shift*, pran en lot *shift* pou li kouver *staff* ki pa la oubyen ler en *staff* i *off*. Sirtou Praslin, La Digue e menm nou war li pe arive lo stasyon Victoria pou le moman, nou war nou manmay *office hours* i pe travay lo *shift* e louvraz *office hours* i ganny met deryer.

Akoz *prevention* i osi enportan. E manmay *office hours* i fer louvraz *prevention*, louvraz *planning*, louvraz preparasyon. E ler nou tir zot dan zot louvraz nou met zot lo *shift*, pou kouver lo *shift* aköz loperasyon i enportan. Lo en kote i perdi, lot kote i gannyen.

Lo kote *part time*, I en keksoz ki nou bezwen pe eksplore, me selman sa i depan lo lanvi sa dimoun pou li travay li menm, si i anvi enterese pou li travay lo *part time*. Nou annan en ta – fransman - nou ganny nou en bon pe laplikasyon travay *staff*, me nou napa pos pou nou pran zot.

MR SPEAKER

Mersi pou sa. Onorab Gill.

HON CHURCHILL GILL

Mersi Mr Chair. Bonzour *panel* - born apre midi *rather*.

Mon annan 2 kestyon 1 i konsernan lasirans. Eski tou bann zofisye *firefighters* i ganny kouver en lasirans ler zot lo *duty*?

Dezyenm, lo La Digue ek Praslin, i annan sa konsern kot zot *allowance* ki zot gannyen, i pa adekwat. E zot in fer sorti problenm sa aköz i annan sa pri diferans ant bann *consumables* Mahe konpare avek La Digue ek Praslin?

E mon ti le konnen si dan sa Bidze, zot in fer provizyon ki sa bann zofisye ki ganny transfer Praslin, La Digue en keksoz in ganny provisyonnen pou zot kapab ganny en sipor an plis ki zot pe gannyen la? Mon dernyen kestyon se -

MR SPEAKER

Ou'n demann 2 *ok*, mon a permet ou en 3enm.

HON CHURCHILL GILL

Non aköz i dir i pa'n ganny sipor Bidze.

MR SPEAKER

Mon a permet en 3enm aköz mon napa byen, byen bokou dimoun.

HON CHURCHILL GILL

Yeah - i pa'n ganny sipor Bidze pou *lifeguard*, mon pe demann li si Praslin sa bann dimoun ki ti pe fer *lifeguard* zot pou kontinyen la?

Oubyen soon petet zot pou bezwen diskontinyen, akoz ou pa'n ganny sipor bidzeter. Mersi.

MR SPEAKER

Mersi. *Chief?*

**CHIEF FIRE OFFICER
TALLY DOMINGUE**

Mersi Mr Speaker. Mersi Onorab. Lo kote lasirans, nou *staff* i ganny kouver anba lasirans Gouvernman. Si zot lo masin zot ganny kouver anba lasirans lo sa masin, apard sa non.

Lo kote *allowance*, nou pa'n ganny - napa okenn parey mon'n dir napa *review* dan *scheme* ki'n ganny aprouve so napa okenn *review* lo kote *allowance*.

Lo kote Praslin, nou *still* annan en pos Praslin *lifeguard* i pou reste nou annan *staff* ki pe *man* li. Nou ti annan 2 pos nou'n frenm 1 akoz *lack of staff*, be selman sa enn *post* ki nou annan Anse Lazio i ankor pe *operational*.

MR SPEAKER

Thank you Chief. Onorab Vidot.

HON AUDREY VIDOT

Mersi Mr Chairman. Bon apre midi nouvo delegasyon. Mon kestyon Minis konbyen lazans ti demande orizinalman dan *budget*, e dan *budget ceiling*. E

konbyen ki Gouvernman in - konmsi konbyen, konbyen zot ti demande avan e ki *ceiling* ki Gouvernman ti permete pou donn zot?

E mon pe dir sa akoz, mon prenan kont travay ki natir zot travay e demann ki zot bezwen pou zot kapab fonksyonn byen, mon santi ki petet *Cabinet* ti kapab prioritiz zot *case* pou zot kapab fer zot ganny finansman ki zot ti bezwen.

E sirtou kot i konsern bann *scheme* pou zot bann travayer dan lazans. *Thank you.*

MR SPEAKER

Thank you. Sa kestyon lo *Budget ceiling* mon krwar dernyen fwa se Minister Finans ki ti adrese. Minis ou pas kestyon ek li.

**DEPUTY COMPTROLLER
JUDE COMMETTANT**

Thank you Mr Chair. Pour SFRSA, *ceiling* pou 2024 ki ti ganny *issued* ti R92.5 milyon. Par kont *submission* ki SFRSA ti fer ti R231.1 milyon. *Final allocation* ki nou'n fer parey zot pou war dan sa, i dan *proposal* Bidze i R89.2 milyon.

MR SPEAKER

Thank you. Bon, mon napa lot entervenans alor mon ava apel bann Manm pou vot lo sa Bidze. Pou *Seychelles Fire and*

Rescue Service ki lo paz 292 ziska 298, pou en total R89 milyon 223 mil.

Manm ki an faver lev lanmen silvouple? Mersi, mon krwar tou Manm in vote. Eski Manm okenn Manm i vot kont? Lo Bidze *Seychelles Fire and Rescue Service Agency* pou en total R89 milyon 223 mil 29 Manm in vot pour, 0 kont, 0 abstansyon. Bidze in ganny aprouve par Lasanble. Mersi bokou.

Bon, mon a remersye bann zofisye ki'n la avek nou pou sa dernyen peryod, e Minis ki'n la depi bomaten. Nou a repas dan Staz Lasanble.

Byen, Madanm Clerk in demann mwan pou zis notifie zot bann size *item*. ki nou pou pran dan Bidze pou demen. Nou annan *Department of Employment, Department of Social Affairs*; nou pou pran vot lo *Social Workers Council* san ki nou debat lo son Bidze.

E nou pou osi annan *Public Service Bureau* ek *Other Wages and Salaries*. Sa i bann antite pou demen. Mersi Madanm Clerk pou sa *reminder*. Mersi bann Manm pou zot kontribisyon.

Nou ava *adjourn* la e nou a rebran demen bomaten 9er *adjourn*.

(ADJOURNMENT)